

本足
王安石全集

大東書局



王安石詩集

卷一 古詩

元豐行示德逢

四山脩脩映赤日，田背坳如龜兆出。湖陰先生坐草室，看踏溝車望秋實。雷蟠電掣雲滂酒，夜半輓雨輪亭臯；旱禾秀發埋牛尻，豆死更蘇肥莢毛。倒持龍骨挂屋敖，買酒澆客追前勞。三年五穀賤如水，今見西成復如此。元豐聖人與天通，千秋萬歲與此同。先生在野故不窮，弊壤至老歌元豐。

後元豐行

歌元豐十日五日一雨風。麥行千里不見土，連山沒雲皆種黍。水秧綿綿復多稌，龍骨長乾挂梁杓。鱖魚出網蔽洲渚，荻筍肥甘勝牛乳。百錢可得酒斗許，雖非社日長聞鼓。吳兒蹈歌女起舞，但道快樂無所苦。老翁墜水西南流，楊柳中間杙小舟。乘興歌眠過白下，逢人歡笑得無愁。

夜夢與和甫別如赴北京時和甫作詩覺而有作因寄和甫

水菽中歲樂，鼎茵暮年悲。同胞苦零落，會合尙悽其。況乃夢乖闊，傷懷而賦詩。詩言一道路寒，一乃似北征時；叔兮今安否？季也來何遲？中夜遂不眠，輾轉涕流離。老我孤主恩，結草以爲期。冀叔善事國，有知無不爲？千里永相望，昧昧我思之。幸唯季優游，歲晚相攜持。於焉可晤語，水木有茅茨。晚蘭佇歸憩，逸屋正華滋。

純甫出釋惠崇畫要予作詩

畫史紛紛何足數，惠崇晚出吾最許。早雲六月漲林莽，移我脩然墮洲渚。黃蘆低摧雪翳土，兔鶻靜立將僂侶；往時所歷今在眼，沙平水滂西江浦。暮氣沈舟暗魚罟，歌氓嘔軋如聞擗。頗疑道人三昧力，異域山川能斷取。

方諸承水調幻藥，灑落生綃變寒暑。金坡巨然山數堵，粉墨空多真漫與。大梁崔白亦善畫，曾見桃花淨初吐。酒酣弄筆起春風，便恐漂零作紅雨。鸞流探枝婉欲語，蜜蜂掇藥隨翅股。一時二子皆絕藝，淩馬穿羸久羈旅。華堂豈惜萬黃金，苦道今人不如古！

徐熙花

徐熙丹青蓋江左，杏枝偃蹇花婀娜。一見真謂值芳時，安知有人擊磻羸同朝衆。史共排娼，亦欲學之無自可。錦囊深貯幾春風，借問此木何時果？

燕侍郎山水

往時濯足瀟湘浦，獨上九疑尋二女。蒼梧之野煙漠漠，斷壠連岡散平楚。暮年傷心波浪阻，不意畫中能更覩。燕公侍書燕王府，王求一筆終不與。奏論讞死誤當赦，全活至今何可數。仁人義士埋黃土，祇有粉墨歸囊楮。

陶嶺菜

江南種菜漫阡陌，紫芥綠菘何所直。陶生畫此共言好，一幅往往黃金百。北山老圃不外慕，但守荒畦斷荆棘。陶生養目渠養腹，各以所能爲物役。

己未秋天鵬著作自烏江來，予逆沈氏妹于白鷺洲。獨雪作此詩寄天鵬（辛酉冬）天鵬復來，誦之遂書于壁。請天鵬書所酬于右。

朔風積夜雪，明發洲渚淨。開門望鍾山，松石皓相映。故人過我宿，未盡躋攀興。而我方渺然，長波一歸艇。款段庶可策，柴荆當未暝。與子出東岡，嚮西掃新徑。

招約之職方并示正甫書記

往時江總宅，近在青溪曲。井滅非故桐，臺傾尙餘竹。池塘三四月，菱葦芙蓉馥。蒲柳亦競時，冥冥一川綠。方

坻最所愛，意謂可穿築；欲往無舟梁，長年寄心目。故人晚得此，心事付草木；消搖欄宇新，攬結踐隧熟。更能適我，願中水開茆屋，鬼營誅荒梗，人境掃喧黷。濠魚淨留連，海鳥暖追逐。豈無方外客，於此停高躡。憶初桑落時，要我豈非風。蠶眠忽欲老，一個未言速。當緣東門水，尚遯南浦舳。吾廬雖隱翳，賞眺還自足。橫陂受後澗，直壑輸前瀆。跳鱗出重錦，舞羽墮輕玉。碧筩遞舒卷，紫角聯出縮。千枝孫暉陽，萬本毋淇澳。滿門陶令林，彌岸韓侯蕪。尚復有野物，與公新聽矚。金鈿擁蕪菁，翠被敷首藉。蝦蟆能作技，科斗似可讀。櫺軒俯北渚，花氣時度谷。耘耔聊效顰，締構行可續。荒乘儻不倦，一晝敢辭卜。雖無北海酒，乃有平津肉。脩脩仙李枝，城市久煩促。寄聲與俱來，蔭我臺上穀。

同王階賢良賦龜得升字

世傳一尾龜，百齡此龜速。見隨唐興，雖然天幸免焦灼。想屢縮頸愁嚴凝，前年赴海不量力，欲替齊負三峻。增番禹使君邂逅見，知困簸蕩因嗟矜。疾呼余且設網取，以組系首羈穿繩。北歸與俱度大庾，兩夫羸屨苦不勝。臙肱秦淮擔送我，云「此一可當十朋。」昔人寶龜謂神物，奉事槁骨尤兢兢。殘民滅國遞爭奪，有此乃敢司黎蒸。於時觀甲別貴賤，太上藏法傳昆仍。豈如元君須見夢，初知歡喜得未曾。自從九江罷納錫，衆漁賤棄秋不登。卜人官廢亦已久，果獵誰復知殊稱。今君此寶世莫識，我亦坐視心膏膾。楛牀纒堪比瓦礫，當粟孰肯捐斗升。參頭腥臊何足嗜，曳尾污穢適可憎。盛渡除孽豈必驗，蹈背出險安敢憑。剗腸以占幸無事，卷殼而食病未能。如聞翕息可視效，乃往有墮崖千層。仰窺朝陽俯引氣，亦得難老如岡陵。諒能學此真壽類，世論妄以蟲疑冰。嗟余老矣倦呼吸，起晏光景難瞻承。但知故人所玩惜，每戒異物相侵陵。唯憂盜賊今好卜，夜半刳請無威懲。復恐嚙夫負之走，并竊老木爲薪蒸。淺樊荒圃不可保守視，且寄鍾山僧。

示元度營居半山園作

今年鍾山南，隨分作園囿。鑿池構吾廬，碧水寒可漱。溝西屨丁壯，擔土爲培塿。扶疎三百株，蒔棟最高茂。不求鷄鶩實，但取易成就。中空一丈地，斬木令結構。五楸東都來，斷以遠蒼溜。老來厭世語，深臥塞門竇。躡魚與之游，鯁鳥見如舊。獨當邀之子，商略終宇宙。更待春日長，黃鸝弄清晝。

仲明父至宿明日遂行

初登張公門，公子始冠幘。於今見公子，與我偕鬢白。山林坐語笑，宛我在公側。豈惟貌如之，侃侃有公德。憶公營壩鄉，許我歸作客。我歸公旣逝，惆悵難再得。得子如得公，交懷我忻戚。漂搖將安往，稅駕止一昔。寤言且勿寐，庶以永今夕。何時復能還，裹飯治城宅。

杏花

石梁度空曠，茅屋臨清烟。俯窺嬌饒杏，未覺身勝影。嫣如景陽妃，含笑墮宮井。悵悵有微波，殘粧壞難整。

奉酬約之見招

君家段干木，爲義畏人侵。馮軾信厚禮，踰垣終褊心。川坻宥有此，園屋諒非今。雨過梅柳淨，潮來蒲稗深。種芳彌近渚，伐斲取遙岑。清節亦難尙，曠懷差易尋。子猷憐水竹，逸少愜山林。沉復能招我，親題漢上襟。

寄吳氏女子

伯姬不見我，乃今始七齡。家書無虛月，豈異常歸甯。汝夫綴卿官，汝兒亦播綈。兒已受師學，出藍而更青。女復知女功，婉孌有典刑。自吾捨汝東，中父繼在廷。小父數往來，吉音汝每聆。旣嫁可願懷，孰如汝所丁。而吾與汝，母湯髮幸小停。丘園豫一品，吏卒給使令。膏粱以晚食，安步而車耕。山泉臯壤間，適志多所經。汝何思而憂，書每說一涕零。一吾廬所封殖，歲久愈華菁。豈特茂松竹，梧楸亦冥冥。芰荷美花實，瀰漫爭溝澗。諸孫肯來游，誰謂川無舫。姑示汝我詩，知嘉此林壑。未有擬寒山，覺汝耳目熒。因之授汝季，季也亦淑靈。

贈約之

君胸寒而痞，我齒熱以搖。無方可掾藥，相值久無膠。欲尋秦越人，魂逝莫能招。但當觀此身，不實如芭蕉。

寄楊德逢

山樊老憚暑，獨寤無所適。湖陰宛在眼，曠若千里隔。遙聞青秧底，復作龜兆坼。占歲以知子，將勤而後食。穿溝取西港，此計嘗未獲。脩脩兩龍骨，豈得長掛壁。晤言久不嗣，作苦何時息。炎天不可觸，悵望新春白。

再次前韻寄楊德逢

一雨洗炎蒸，曠然心志適。如輪浮幢海，滅火十八隔。俯觀風水涌，仰視電雲坼。知公開霽後，過我言不食。翻然陂路長，泥淖困臧獲。明明吾有懷，如日照東壁。莫逢田父歸，倚仗問消息。一渠來那得度，南蕩今已白。

仲明父不至（張名軒民仲明父其字也）

月出映溝坻，煙升隱墟落。寒魚占窟聚，暝鳥投枝泊。亭臯閉晚市，隴首歸新穫。佇子終不來，青燈耿林壑。

與呂莖之上東嶺

靖節愛吾廬，猗玕樂吾耳。適野無世誼，吾今亦如此。紛紛舊可厭，俗子今掃軌。使君氣相求，眷顧未云已。追隨上東嶺，俯仰多可喜。何以況清明，朝陽麗秋水。微雲會消散，豈久汗塵滓。所懷在分衿，藉草淚如洗。

與莖之至入功德水

念方與子違，懽悅夜不眠。起視明星高，整駕出東阡。聊爲山水遊，以寫我心悵。知子不鋪糟，相與酌雲泉。

要莖之過我廬

念子且行矣，要子過我廬。汲我山下泉，煮我園中蔬。知子有仁心，不忍釣我魚。我池在人境，不與獮獺居。亦復無蟲蛆，出沒爭腐餘。食罷往遊觀，鱗鱗藻與蒲。清波映白日，擺尾揚其鬚。豈魚有此樂，而我與子無。擊壤謠聖

時，自得以爲娛。

聞望之解舟

子來我樂只，子去悲如何！謂言「且少留」，大舸已凌波。聞黜雖莫測，皇明邁羲娥。脩門歸有時，京水非汨羅。

法雲

法雲但見春，細路埋桑麻；扶輿度餒水，窈窕一川花。一川花好泉亦好，初晴漲綠深於草；汲泉養之花不老，花底幽人自衰槁。

鸞磻

殘暑安所逃，鸞磻北牕北。伐翳作清曠，培芳衛岑寂；投衣挂青枝，敷簟取一息；涼風過碧水，俯見遊魚食；永懷少陵詩，菱葉淨如拭。誰當共新甘，紫角方可摘。

月夜二首

山泉墮清陂，陂月臨靜路。惜哉此佳境，獨賞無與晤！埭口哆陂陰，要子水西去；呼僮擁草壘，復使東南注。

二

躡月看流水，水明搖蕩月。草木已華滋，山川復清發。寒裳伏檻處，綠淨數毛髮；誰能挽姮娥，俯濯凌波鬣。

兩山間

自予營北渚，數至兩山間。臨路愛山好，出山愁路難。山花如水淨，山鳥與雲閑；我欲拋山去，山仍勸我還。祇應身後塚，亦是眼中山。且復依山住，歸鞍未可攀。

卷二 古詩

題南康史君望雲亭

南康父老傳史君，疾呼急索初不聞。未嘗遣汲谷簾水，三歲只望香爐雲。雲徐無心澹無滓，史君恬靜亦如此。颺然一去掃遺陰，便覺歎煩悵千里。歸田負戴子與妻，圃蔬園果西山西。出門亭臯百頃綠，望雲纔喜雨一犁。我知新亭望雲好，欲斷比隣成二老。莫嫌雞黍數往來，爲報襄陽德公嫂。

游亭

朝尋東郭來，西路歷游亭。衆山若怨思，慘澹長眉青。進水泣幽咽，復如語丁寧。豈予久忘之，而欲我小停。歇鞍松柏間，坐起俯軒櫺。秋日幸未暮，奈何雨冥冥。

光宅寺

脩然光宅淮之陰，扶輿獨來止中林。千秋鍾梵已變響，十畝桑竹空成陰。昔人倨堂有妙理，高座翳遶天花深。紅葵紫萸復滿眼，往事無跡難追尋。

春日晚行

門前楊柳二三月，枝條綠煙花白雪。呼僮羈我果下驢，欲尋南岡一散愁。綠岡初日溝港淨，與我門前綠相映。隔淮仍見裊裊垂，佇立惓悵去年時。杏花圍西光宅路，草暖沙晴正好渡。興盡無人概迎我，却隨倦鷗歸薄暮。

新花

老年少忻豫，況復病在牀。汲水置新花，取慰此流芳。流芳抵須臾，我亦豈久長。新花與故吾，已矣兩可忘。

匹皓二首

四皓秦漢時，招招莫能致。紫芝可以飽，梁肉非所嗜。谷廣水渙渙，山長雲泄泄。與其貴而拘，不若賤而肆。

二

秦毆九州逃，知力起經綸。重利誘衆策，頗知聚秦民。頽然此四老，上友千載魂。采芝商山中，一視漢與秦。靈珠在泥沙，光景不可昏。道德難避世，餘風迴至尊。嫡孽一朝正，留侯果知言。出處但有禮，廢興豈所存？

真人

予常位真人能藏毒而甯；能納穢若淨；能易羶使馨；能解身赫赫；能通知冥冥；日唯汝心櫻，而汝耳目焚；廓然而無營，其孰授汝靈神奇實主汝，厥通莫之令。嗚予豈不知，黃帝與焦螟。死心而廢形，乃可少聞靈。願今親遊之，於吾獨酬聆。別心事斯語，自做以書銘。

寄蔡氏女子二首

建業東郭，華城西垵，千嶂承宇，百泉鑿霄。青遙遙兮纈屬，綠宛宛兮橫迤。積李兮縞夜，崇桃兮炫晝。蘭馥兮象植，竹娟兮常茂。柳薦綿兮含姿，松偃蹇兮獻秀。鳥跂兮下上，魚跳兮左右。願我兮適我，有班兮伏獸。感時物兮念汝，遲汝歸兮攜幼。

二

我嘗兮北渚，有懷兮歸女。石梁兮以苦蓋，綠陰兮承宇。仰有桂兮俯有蘭，嗟汝歸兮路豈難？望超然之白雲，臨清流而長嘆！

夢黃吉甫

夢傳失之妾，（一作悲）晝翼見而想，豈伊不可懷？而使我心往！山林老顛眊，數日占黃壤。舟輿來何遲？北望巖窟泥。西城禁苑寺，落魄竄雨漿。歲魂洲渚淨，水肖煙砂莽。躊躇壁上字，期我無乃迂。

遊十山示蔡天啓

定林瞰土山，近乃在眉睫。誰謂秦淮廣，正可藏一艦。朝予欲獨往，扶筇強登涉。蔡侯聞之喜，喜色見兩頰。呼鞍追我馬，亦以雨跡披。敎書付衣囊，裹飯隨籃笈。脩脩阿蘭若，土木老山脅。鼓鍾臥空曠，篋篋雕捷業。外堂廓無主，考擊誰敢揮。坡陀誰公家，藏悼久穿劫。百金買酒地，野老今行鑿。鈎懷起東山，勝踐北稠疊。於時國累卵，楚夏血常喋。外實備艱險，中仍費調變。公能覺如夢，自喻一蝴蝶。桓溫適自整，符堅方天厭。且可緩九錫，富當快一捷。彼哉斗筭人，得喪易於快。妄言展齒折，吾欲謂史牒。傷心新城球，歸意終難愜。漂搖五城舟，尚想浮河楫。千秋隴東月，長照西川堞。豈無華屋處，亦捉蒲葵筴。碎金諒可惜，零落隨秋葉。好事所傳玩，空殘法書帖。清談眇不嗣，陳迹慨如接。東陽故侯孫，少小同散篋。一官初領版，暫視飛鷲跼。窮歸於款段，高臥管遺屨。牽犁肘卸兒，著書耳纒擊。數椽危殿屋，乃我效陳寔。雖無管垢鼎，尚存一滂笑。縱言及平生，相視開笑齒。耶靴枕上書，且飲且困憊。或昏眠委靡，或妄走如躡。或叫號而寤，或哭泣而泣。或言我固聖，時困里老安。帖易牛以資，氣擊樓房彈。缺迫憐衰習，未此土方爰。豈強偷須臾樂，撫事終愁懼。予雖云無用，有誠無接。翁今翁而翁，內熟非復翁。子衰極今歲，僅與難。夢虜妾，說亦有恨。吾弟已長夏，會雖齋長我。未可歸，祝翁尚難老。生理歸善攝，久習畏年少。識空兩時曠，東火扶路還。宵明孤，懾蔡侯難俊。士心慷慨亦露，時能飛鞋。快若五陵俠，胡為所阻。足是僅相識，諒欲交戀語。快子不能嗜。

再用前韻寄蔡天啓

昔在東方家，取友無所挾。脩脩一農衣，偶以一書笈。定林朝自炊，有匕或無笑。時時羨藜藿，鏤大苦難瘦。驕頑遂敢侮，有甚觀耕膏。潏然山谷中，變色未嘗輕。始見類欺魄，寒暄粗酬接。從容與之語，爛漫無不涉。奇經可治疾，秘祝可解蠱。巫醫之所知，替史之所業。載車必百兩，惠以方寸攝。微言歸易悟，疾若髭赴鑷。天機信卓越，學等

何足踰。縱談及既往，每與唐許協。揚雄尙漢儒，韓愈真秦俠。好大人謂狂，知微乃如諜。惟知造文字，人惑鬼愁懼。秦惠既改罪，新詔仍易壘。六書遂失指，隸草矜敏捷。誰珍檀山刻，共賞蘭亭帖。東京一祭酒，收拾偶子愜。少嘗妄思索，老懶因怯。侯方習篆籀，寸管靜管擊。深原道德意，助我耕且獵。昔功恐唐捐，異味今得饒。京口媚學子，迫師嘗劫劫。陸贏泮汴糧，水僦湖海艤。遠求而近遺，如目不見睫。僞鳳易悅楚，真龍反驚葉。聞子再三歎，往往心不厭。或自逸而走，或喏而不啼。或噉元郎漫，或訛白翁囉。鏐金徒欲消，韞玉豈愁泄。賢愚有定分，咄汝無喋喋。跨鞍隨我遊，曳屐聯我跼。照泉挹清泚，跋石綠窺鑿。東陂數儻魚，西壠追蚊蝶。駢林窺搏黍，藉草聽批頰。黃尋遠蓮鬚，紅闕鄰杏燔。萋萋光景流，楊圍忽無葉。扶痾歸未久，吾見喜甯帖。塞裳告我去，祿仕當隨牒。蕭晨秣款段，歸騎得追躡。謂言循東路，覆出西城堞。行矣忍羈旅，無魚勿彈鉞。天閑久索驥，駮足方騰蹀。長驅勿驕矜，小跪亦勿慄。鵬飛九萬里，勿借風一筆。溟波浩難窮，勉自養鱗。尊祿寶天械，功名爲接摺。甯能復與我，搖漾秦淮楫。附書勿辭頻，隔歲期滿歲。

用前韻戲贈葉致遠直講

葉侯越著姓，胄出實楚華。縉雲雖窮遠，冠蓋傳累華。心大有所潛，肩高未嘗矜。飄飄凌雲意，強禦竒能儼。辟雍海環流，用汝作舟楫。開胸出妙義，可發矇起聵。詞如太阿鋒，誰敢觸其銖。聽之心凜然，難者口因囁。掉飛欲峨峨，銀墮今跼跼。忘情塞上馬，遺志夢中蝶。若金靜無求，在冶惟所技。載醪但彼惑，饋漿非我諜。經綸安所施，有寓聊自愜。棋經看在手，棋訣傳燕篋。坐尋棋勢打，側寫棋圖貼。攜持山林屐，刺擲溝港牒。一枰嘗自副，當熱甯忘策。反嗤維穢子，但守一經笈。亡羊等殘生，朽筴何足摺。歡然值手敵，便與對七筴。縱橫子墮扁，膺膊聲出喋。樵父弛遠擔，牧奴停晏饑。旁觀各技癢，竊議兒女嘯。所存不得喪，聞此更心慄。熟視籠兩手，徐思捫長鬣。微吟靜情愔，堅坐高帖帖。去快巖谷叟，斧柯嘗爛濕。趨邊恥局縮，穿腹愁危藥。或撞關以攻，或覷眼而擊。或羸行伺擊，或猛出追

躡；垂成忽破壞，中斷俄連接；或外示閒暇，伐事先和變；或冒突超越，鼓行令震盪；或粗見形勢，驅除令遠蹙；或開拓疆境，欲并包摠攝；或僅殘尺寸，如黑子著盤；或橫潰解散，如尸僵血喋；或慚如告亡，或喜如獻捷；陷敵未甘虜報仇，方借俠諱輪，宵旰頭悔誤，乃批頰，終朝已罷精，既夜未交睫，翻然悟且歎，此何宜劫劫？孟軻惡妨行，陶侃懲廢業，揚雄有前言，韋曜存往牒，晉臣抑帝手，梭侯何黃涉，冶城子爭道，拒父乃如輒，爭也實逆德，豈如私鬪怯，藝成况窮苦，此殆天所厭，如今劉與李，倫等安可躡，試令取一毫，亦乏寸金鏞，以此待君子，未與回參協，操具投諸江，道耕而德德。

白鶴吟示覺海元公

白鶴聲可憐，紅鶴聲可惡，白鶴靜無匹，紅鶴喧無數，白鶴招不來，紅鶴揮不去，長松受穢死，乃以紅鶴故，北山道人曰：「美者自美，吾何爲而喜？惡者自惡，吾何爲而怒？去自去耳，吾何闕而追？來自來耳，吾何妨而拒？吾豈厭喧而求靜？吾豈好丹而非素？汝謂松死吾無依邪？吾方捨陰而坐露。」

示安大師

道人深北山爲家，宴坐白露眠蒼霞，手扶杖杖雖老矣，走險尙可追麕麇，踞堂俯視何所有，窈窕膠木垂椽椹，深尋石路仍有粟，持以饋我因烹茶。

示寶覺

宿雨轉敲煩，朝雲擁清迥，蕭蕭碧柳輓，脉脉紅蕖靚，默臥如有懷，荒乘豈無興，幽人適過我，共取牆陰徑。

定林示道原

昨登定林山，俯視東南陔，但見一方白，莫知所從來，濕銀注寒晶，奩以青培堆，迢迢矚靄中，疑有白玉臺，是夕清風興，煩雲豁然開，常娥攀桂枝，顧景久徘徊，杖藜忽高秋，陳迹與子陪，壯觀非復昔，平蕪夜莓苔。

我所思寄黃吉甫

我所思今在彭蠡一壺寒。晶徑千里。天低紺滑風靜止。月澹星渟尤可喜。亦復可憐波浪起。琉璃崩嵌湧顛
紊。萬斛之舟簸一葦。超邑越都如歷指。岸沙雪積山雲委。雲半飛泉挂龍尾。跳空散作平地水。牛乳芳甘那得比。
難萬冥冥蔭演迤。稍上尋源出奇詭。像圖釋迦祠老子。臺殿晻靄相重累。石槽環除逗清泚。松竹靚深無虎虺。其
徒脩然棄塵滓。雖未應真終適已。黃侯可與談妙理。視棄榮宦猶弊屣。每採紫芝求石髓。我欲從之勸游徙。穀城
公孫能若此。五老聞之常啓齒。奇聲五老吾念爾。相見無時老將死。

寄朱昌叔

西安春風花幾楸。花邊飲酒今何處。一盃塞上看黃雲。萬里寄聲無鴈去。世事紛紛洗更新。老來空得滿衣
塵。青山欲買江南宅。歸去相招有此身。

與僧道昇二首

昇也初見我。膚腴仍潔白。今何苦而老。手脚皴以黑。聞有道人者。於今號禪伯。黝汝以一句。西歸瘦如腊。汝
觀青青枝。歲寒好顏色。此松亦有心。豈問庭前柏。

二

跋陀羅師能幻物。幻穢爲淨持幻佛。佛幻諸天以戲之。幢幢香果助設施。茫然悔欲除所幻。還爲幻佛力所
持。佛天與汝本無間。汝今何恭昔何慢。十方三世本來空。受記豈非遭佛幻。

贈彭器齋

翻水滔天竟東注。氣澤所鍾賢可慕。文章浩渺足波瀾。行義迢迢有歸處。中江秋浸兩崖間。迴洄與我相往
還。我挹其清久未竭。復得縱觀於波瀾。放言深入妙雲海。示我僊聖本所寰。楞伽我亦見髣髴。歲晚所悲行路難。

贈王居士

武林王居士與子俱學佛；以財供佛事，不自費一物。

贈李士雲

李子山中人，而常寓城郭，毫端出窈窕，心手初不著。我聞大梵天，擊跏雞孔雀，執鈴揚赤幡，浩劫淨無作。佳哉子能圖，可以慰寂寞；相與驗其真，他年在寥廓。

卷三 古詩

題半山寺壁二首

我行天即雨，我止雨還住。雨豈爲我行，邂逅與相遇！

二

寒時暖處坐，熱時涼處行；衆生不異佛，佛即是衆生。

定林寺

衆木凜交覆，孤泉靜橫分；楚老一枝筇，於此傲人羣。城市少美蔬，想今困憊焚；且憑東北風，持寄嶺頭雲！

題定林壁

定林自有主，我爲林下客。客主各有心，還能共岑寂。

移桃花示俞秀老

舍南舍北皆種桃，東風一吹數尺高；枝柯薦綿花爛熳，美錦千兩敷亭臯。晴溝漲春綠周遭，俯視紅影移漁舠。山前邂逅武陵客，水際髣髴秦人逃。攀條弄芳畏日晚，已見黍雪盤中毛。仙人愛杏令虎守，百年終屬樵蘇手。

我衰此果復易朽，蟲來食根那得久？
瑤池紺絕誰見有，更值花時且追酒。
君能酩酊相隨否？

對棋與道源至草堂寺

北風吹人不可出，清坐且可與君棋。
明朝投局日未晚，從此亦復不吟詩！

書入功德水庵

幽獨若可厭，真實爲可喜。
見山不礙目，聞水不逆耳。
脩然無所爲，自得而已矣！

放魚

捉魚淺水中，投置最深處。
當暑脫煎蒸，脩然泳而去。
豈無良庖者？可使供七箸。
物我皆畏苦，捨之甯啖茹。

霾風

霾風摧萬物，暴雨膏九州。
卉花何其多，天闕亦已稠。
白日不照見，乾坤莽悲愁。
時也獨奈何！我歌無有求？

偶書

惠施說萬物，槩特忘一句。
寄語讀書人，嗷嗷非勝處！

卽事二首

雲從鍾山起，却入鍾山去。
借問山中人，雲今在何處？

二

雲從無心來，還向無心去。
無心無處尋，莫覓無心處！

擬寒山拾得二十首

牛若不穿鼻，豈肯推人磨？
馬若不絡頭，隨宜而起臥。
乾地終不乾，平地終不墮；
擾擾受輪迴，祇緣疑這箇！

二

我曾爲牛馬，見草豆歡喜；又曾爲女人，歡喜見男子；我若真是我，祇合長如此！若好惡不定，應知爲物使；堂堂大丈夫，莫認物爲己。

三

凡夫當夢時，眼見種種色。此非作故有，亦非求故獲。不知今是夢，道我能畜憤。貪求復守護，嘗怕水火賊。既覺方自悟，本空無所得。死生如覺夢，此理甚明白。

四

風吹瓦墮屋，正打破我頭；瓦亦自破碎，豈但我血流。我終不嗔渠，此瓦不自由。衆生造衆惡，亦有一機抽。渠不知此機，故自認愆尤。此但可哀憐，勸令真正脩。豈可自迷悶，與渠作冤讎。

五

若言夢是空，覺後應無記；若言夢非空，應有真實事。燔燒陽自招，沈溺陰自致。令汝嘗驚覺，豈知安穩睡？

六

人人有這箇，這箇沒量大坐也，坐不定，走也跳不過。鋸也解不斷，鎚也打不破。作馬便搭鞍，作牛便推磨。若問無眼人，這箇是甚麼，便遭伊纏繞，鬼窟裏忍餓。

七

我讀萬卷書，識盡天下理。智者渠自知，愚者誰信爾？奇哉閑道人，跳出三句裏。獨悟自根本，不從他處起。

八

幸身無事時，種種妄思量。張三袴口窄，李四帽簷長。失脚踏地獄，將身投鑊湯。誰知受熱惱，却不解思涼？

九

有一卽有二，有三卽有四。一二三四五，有亦何妨事？如火能燒手，要須方便智。若未解傳薪，何須學鑽燧？

十

昨日見張三，嫌他不守己；歸來自悔責，分別亦非理。今日見張三，分別心復起。若除此惡習，佛法無多子。

十一

傀儡祇一機，種種沒根栽；被我入棚中，昨日親看來。方知棚外人，擾擾一場歎。終日受伊謾，更被索錢財。

十二

季生坦蕩蕩，所見實奇哉！問渠前世事，答我燒炭來。炭成能然火，火過却成灰。灰成卽是土，隨意立根栽。

十三

衆生若有我，我何能度脫；衆生若無我，已死應不活。衆生不了此，便聽佛與奪。我無我不二，四天王獻鉢。

十四

莫嫌張三惡，莫愛李四好；既往念卽晚，未來思又早。見之亦何有，歛然如電掃。惡旣是磨滅，好亦難長保；若

令好與惡，可積如財寶，自始而至今，有幾許煩惱。

十五

失志難作福，得勢易造罪；苦卽念快樂，樂卽生貪愛。無苦亦無樂，無明亦無昧；不屬三界中，亦非三界外？

十六

打賊賊恐怖，看客客喜歡。亦有客是賊，切莫受伊謾！樂哉貧兒家，無事役心肝。旣無賊可打，豈有客須看？

十七

有一種貧兒，不能自營生。若不作客走，卽須隨賊行。復有一種貧，常時腹彭亨。若有亦不畜，若無亦不營。

十八

汝無名高者，以見利貪叨；汝無行實者，以取著名高；行實尚非實，利名豈堅牢。一朝投土窟，魂魄散逃逃。

十九

勇有孟施舍，能無懼而已！若人學佛法，勇亦當如此！休來講下坐，莫入禪門裏！但能一切捨，管取佛歡喜。

二十

利瞋汝刀山，濁愛汝灰河。汝疑分別心，卽汝澹魔羅。圓成但一性，一切法依他。徧了一切法，不如且頭陀。

自遣

閉戶欲推愁，愁終不肯去！底事春風來，留愁愁不住？

自喻

岸涼竹媚媚，水淨菱帖帖；蝦搖浮遊鬚，魚鼓嬉戲鬣；釋杖聊一偈，褰裳如可涉。自喻適志歟？翩然夢中蝶。

古意

采芝天門山，寒露淨毛骨。帝青九萬里，空洞無一物。傾河略西南，晶射河鼓沒。蓬萊眼中見，人世嘆超忽。當時棄桃核，聞已擗月窟。且當呼阿瓊，乘興弄溟渤。

吾心

吾心童穉時，不見一物好，意言有妙理，獨恨知不早；初聞守善死，頗復吝肝腦。中稍歷艱危，悟身非所保，猶然謂俗學，有指當窮討。晚知童穉心，自足可忘老。

無營

無營固無尤，多與亦多悔。物隨擾擾集，道與脩然會。墨翟真自苦，莊周吾所愛。萬物莫足歸，此言猶有在。

病起

稚金敷新涼，老火弛殘燭。桃枝煖澳忽，散髮晞曉捉；煩痼脫然愈，靜若遺身覺。移榻欹獨眠，欣佳恐難數。

獨歸

鍾山獨歸雨微冥，稻畦夾岡半黃青。疲農心知水未足，看雲倚木車不停。悲哉作勞亦已久，暮歌如哭難爲聽！而我官閑幸無事，北牕枕簟風泠泠。於時荷花擁翠蓋，細浪縹雪千娉婷。誰能敬眼共此樂，秋港雖淺可揚船。

獨臥有懷

午鳩鳴春陰，獨臥林壑靜。微雲過一雨，浙瀝生晚聽。紅綠紛在眼，流芳與時競。有懷無與言，佇立鍾山暝。

無動

無動行善行，無明流有流。種種生住滅，念念聞思修。終不與法縛，亦不着僧裘。

夢

知世如夢無所求，無所求心普空寂。還似夢中隨夢境，成就河沙夢功德。

車載板二首

荒哉我中園，珍果所不產。朝暮惟有鳥，自呼車載板。楚人聞此聲，莫有笑而莞。而我更歌呼，與之相往返。視
遇若搏黍，好音而現晚。壤壤生死夢，久知無可揀。物弊則歸土，吾歸其不晚。歸歟汝隨我，可相蒿里挽。

二

鳥有車載板，朝暮嘗一至。世傳鵬似鴉，而此與鴉似。唯能預人死，以此有名字。疑卽賈長沙，當時所遭值。洛陽多少年，擾擾經世意。粗聞方外語，便釋形骸累。吾衰久捐書，放浪無復事。尙自不見我，安知汝爲異。憐汝好毛羽，言音亦清麗。胡爲太多知，不默而見忌。楚人旣憎汝，彈射將汝利。且長隨我遊，吾不汝羹臠。

跋黃魯直畫

江南黃鸝飛滿野，徐熙畫此何爲者。百年幅紙無所直，公每玩之常在把。

過楊德道莊

攜僧出西路，日晏昧所投。循河望積穀，一飽覺易謀。稚子舉案出，咄嗟見盤羞。飯新秬有香，煮菜旨且柔。暮從秀崑歸，秣寒得少留。捧腹笑相語，果然無所求。

秋熱

火騰爲虐不可摧，屋窄無所逃吾骸。織蘆編竹繼欄宇，架以松櫟之條枚。豈惟寶至得清坐，因有餘地蘇陪臺。愆陽陵秋更暴橫，燠我欲作昆明灰。金流玉溜何足怪，烏焚魚爛爲可哀。憶我少時亦值此，條然但以書自埋。老衰奄奄氣易奪，撫卷豈復能低徊。西風忽送中夜濕，六合一氣審新開。簾窗幕戶便防冷，且恐霰雪相尋來。

秋早

葦葦蔡墩西，獨覺秋尙早。山路葩卉繁，野田風日好。禪林鳥未泊，經屋塵初掃。綠藤五花簞，復足休吾老。

卷四 古詩

同沈道源遊入功德水

寒雲靜如癡，寒日慘如戒。解鞍寒山中，共坐寒水側。新甘出短綆，一酌煩可滌。仰攀青青枝，木體何所直。

荃鍾山

佇立望鍾山，陽春更蕭瑟。暮尋北郭歸，故遠東岡出。

思北山

日日思北山，而今北山去。寄語白蓮庵，「迎我青松路！」

上南崗

暮塢屋荒涼，寒陂水清淺；捐書息微倦，委轡隨小蹇；偶攀黃黃柳，却望青青嬾；幽尋復有興，未覺西林晚。

謝公墩

走馬白下門，投鞭謝公墩。昔人不可見，故物尙或存；問樵樵不知，問牧牧不言。摩挲蒼苔石，點檢屐齒痕；想此絙長檣，想此倚短轅；想此玩雲月，狼籍盤與罇。井邇亦已沒，漫然禾黍村。摧藏羊曇骨，放浪李白魂；亦已同山丘，緬懷詩蘭蓀。小草戲陳迹，甘棠詠遺恩；萬事付瓦礫，恥榮何足論！天機自開闔，人理孰畔援；公色無懼喜，儻知禍福根。涕淚對桓伊，暮年無乃昏。

秋夜泛舟

池壑秋水淨，扁舟邈涼颼；的皪荷上珠，俯映疎星搖；深尋畏魚陰，中路且回撓；冥冥菰蒲中，乃復有驚跳。

和耿天鵬同遊定林

道人深閉門，二客來不遠；攝衣負朝暄，一笑皆捧腹。逍遙烟中菴，放浪塵外躡；晤言或世聞，誰謂非絕俗？

次韻約之謝惠詩

魚跳桑柳陰，鳥落蒲葦側；已無谿姑祠，何有江令宅？故人耽田里，老脫尚方局；開亭捐百金，於此掃塵迹；地偏人罕至，心遠境常寂。我行西州旋，稅駕候顏色；相隨望南山，水際因一息。公時指岸木，謂此可尋尺；伐之營中址，持用自怡懌；懽言俟其成，邀我堂上食。百憂每多違，一諾還自惕；春風欄檻新，坐久膝前席；脩然忘故約，北郭疑有適；長謔舒永懷，佇想對以臆。摘辭甚有理，竊比書石鶴；知公不欺我，把玩果心惻！喜看旣夙設，麈尾仍虛擲；左車公自迎，右券吾敢責；聞說筆羹臠，芬香出鄰壁；婦休機杼事，兒失刀槩聲；何膠膠授授，而紛紛籍籍；攜詩欲

一往，繼此方如織，元龍但高眠，司馬勿親滌。幾能孩童舊，握手皆鬢白。有興即聯轡，東阡與南陌。

次韻舍弟江上

岸紅歸欲稠，渚綠合猶晚。晴沙上屐輕，暖水隨帆遠。吹波戲魚動，掠葉飛禽返。著意覓幽蹊，桃花誤劉阮。

酬王循賢良松泉一詩

松

世傳壽可三松倒，此語難爲常人道。人能百歲自古稀，松得千年未爲老。我移兩松苦不早，豈望見渠身合抱；但憐衆木摠漂搖，顏色青青終自保。免絲茯苓會當有，邂逅食之能壽考。不知篝火定何人，且看森垂覆荒草。君詩愛我亦古意，秀眉昔比南山杪。復謂留侯不及我，人或笑君無白皁。求僊辟穀彼誠誤，未見赤松饑已槁。豈如強飯適志遊，封殖蒼官蔭華皓。赤松復自無特操，上下隨烟何擾擾。蒼官受命與舜同，真可從之忘髮縮。詩雖祝我以再黑，積雪已多安可掃。試問蒼官值歲寒，戴白孰與蒼然好。

泉

宋興古剝今長千，靈躍臺殿荒檀藥。二泉相望棄不濞，西泉尙參三石槩。其流散漫爲沮洳，稍集小礫生微瀾；東泉土梗久蔽塞，穿治乃見鬢鬢完。道人慈哀波及遠，溝蕩兩取合土山。山前灌輸各自足，輓轆罷轉井口閑。取遙比甘覺近美，與舊爭冽知新寒。蟲蟲夏秋百源乾，抱甕復道愁蹣跚。疾傾橫逗勢未足，嗟此善利何時殫。慮長易脆有大檀，伐堅羌廬窟孱顏。金多匠手肯出巧，風水千里安知難。沒羽之虎行林間，籜龍失職因藏跫。循除靜投瑟瑟瑟，映尾微見漣漣漣。三年營之一日就，有口共以成爲懼。論功信可多後觀，何似當時萬竹蟠。

答俞秀老

諸偶緣安有實相非，相偶雖神如季咸。終亦失而走！

清涼寺送王彥魯

空懷誰與論，夢境偶相值。莫將漱流齒，欲挂功名事！

送惠思上人

黃鶴撫四海，翻然落中州；一聽笙與鏞，低回如有求；飛鳴阿閣上，好與鳳皇遊；顧憐魯東門，無事反悲愁！歲晏忽驚矯，問胡不少留？因知網羅外，猶有稻梁謀。

老景（哀古人名）

老景春可惜，無花可留得。繞屋褚先生，蕭蕭何所直！每嫌柳渾春，追悵李太白！多謝安石榴，向人紅藥折。

雜詠八首

萬物余一體，九州余一家。秋毫不爲小，微外不爲遐；不識壽與夭，不知貧與賒；忘心乃得道，道不去紛華。近迹以觀之，堯舜亦泥沙。莊周謂如此，而世以爲夸。

二

神龍豢可致，猛虎擾亦留；變生父子間，上聖不能謀！常情在欲得，義養或成仇；他人恩更輕，患禍信難周。

三

古風致遜悌，班白見尊優；薄俗謬爲恭，獨在勢權尤。伏波迷俯仰，愛禮坐成仇；漸漸殊泗間，豈是老者羞！

四

羔豚窘虎豹，鳩雀窮鷹鷂；巧者具機弋，鷙猛還拘牽。論功莫如神，論大莫如天；悲哉區區人，乃欲逃其間！

五

黃雀死彈丸，厥辜在啄粟；翠鷓不近人，何爲亦窮辱？材爲世所利，高下同僵仆；能逃天地間，塊礫無不足。

六

關雎后之淑，械樸王之明，免置尙好德，况乃公與卿！所以彼行葦，敦然遂其生。誰能絃者歌，爲我發古聲。

七

召公方伯尊，材亦聖人亞；農時憚煩民，聽訟甘棠下。嗟今千室長，已取問耕稼；彈琴高堂上，欲以世爲化。

八

任公躡海濱，一釣鮑千里，用力已云多，釣繆亦難理。巨魚暖更逃，壯士饑欲死；游鯨不可數，空滿滄浪水！

張良

留侯美，好如婦人，五世相韓，韓入秦，傾家爲主，合壯士，博浪沙中擊秦帝，脫身下邳，世不知，舉國大索，何能爲？素書一卷，天與之，穀城黃石，非吾師，固陵解鞍，聊出口，捕取項羽，如嬰兒，從來四皓，招不得，爲我立棄商山芝。洛陽賈誼，才能薄，擾擾空令絳灌疑。

司馬遷

孔轡負文章，不忍留枳棘，嗟子刀鋸間，悠然止而食；成書與後世，憤悻聊自釋，領略非一家，高辭殆天得？雖微樊父明，不失孟子直，彼欺以自私，豈啻相十百？

諸葛武侯

漢日落西南，中原一星黃，羣盜伺昏黑，聯翩各飛揚。武侯當此時，龍臥獨摧藏，掉頭梁甫吟，羞與衆爭光。邂逅得所從，幅巾起南陽，崎嶇巴漢間，屢以弱攻強。暉暉若長庚，孤出照一方，勢欲起六龍，東迴出扶桑。惜哉淪中路，怨者爲悲傷，豎子祖餘策，猶能走強梁。

讀墨

誰爲堯舜徒？孔子而已矣！人皆是堯舜，未必知孔子！伯夷不辱身，柳下援而止，孔子尚有言，我則異於是！兼愛爲無父，排斥固其理，孔墨必相用，自古甯有此？退之嘲魯連，顧未知之耳！如何蔽於斯，獨有見於彼？凡人工自私，矧也信奇偉，惜乎不見正，遂與中庸詭。退之醇孟軻，而駁荀楊氏，至其趣舍間，亦又蔽於己。化而不自知，此語孰云俚，詠言以自警，吾詩非好詆。

讀素漢間事

秦徵天下材，入作阿房宮。宮成非一木，山谷爲窮空。子羽一炬火，驪山三月紅。能令掃地盡，豈但焚人功！

幽谷引

雲翳翳兮谷之幽，天將雨我兮田者之稠。有繩于防兮有畚于溝，我公不出兮誰省吾憂？日暉暉兮山之下，歲則熟兮收者舞。吾收滿車兮棄者滿筥，誰吾與樂兮我公燕語。山有木兮谷有泉，公與客兮醉其間。芳可馨兮甘可漱，無壯無穉兮環公以笑。公歸而醉兮人則喜，公好我州兮殆其肯止。公歸不醉兮我之憂，豈其不憚兮將舍吾州？公一朝兮去我，我歲歲兮來遊。完公亭兮使勿毀，以慰吾兮歲歲之愁。

明妃曲二首

明妃初出漢宮時，淚濕春風鬢脚垂；低徊顧影無顏色，尙得君王不自持。歸來却怪丹青手，入眼平生幾曾有？有意態由來畫不成，當時枉殺毛延壽！一去心知更不歸，可憐着盡漢宮衣。寄聲欲問塞南事，只有年年鴻鴈飛。家人萬里傳消息，一好在甌城莫相憶！君不見咫尺長門閉阿嬌，人生失意無南北。

二

明妃初嫁與胡兒，氈車百輛皆胡姬。含情欲說獨無處，傳與琵琶心自知。黃金捍撥撥春風手，彈看飛鴻勸胡酒。漢宮侍女暗垂淚，沙上行人却回首。漢恩自淺胡自深，人生樂在相知心。可憐青冢已蕪沒，尙有哀絃留至今！

耕行

望宮中鹿馬，秦人半死長城下；避時不獨商山翁，亦有桃源種桃者。此來種桃經幾春，採花食實枝爲薪，兒孫生長與世隔，雖有父子無君臣。漁郎漾舟迷遠近，花間相見因相問；世上那知古有秦，山中豈料今爲晉。聞道長安吹戰塵，春風回首一霑巾；重華一去宮復得，天下紛紛經幾素？

食黍行

周公兄弟相殺戮，李斯父子夷三族；宮貴常多患禍嬰，貧賤亦復難爲情。身隨衣食南與北，至親安能常在側？謂言黍熟同一炊，歛見隴上黃離離；遊人中道忽不返，從此食黍還心悲！

歎行息

官驅羣囚入市門，妻子慟哭白日昏；市人相與說凶事，一破家劫錢何處村。一朝廷法令亦寬大，汝輩當死誰云寬？路傍年少歎息汝，正觀元元之子孫。

送春

武陵山下朝買船，風吹宿霧山花鮮；萬家笑語橫青天，綺窗羅幕舞嬋娟；小鬟折花叩船舫，玉瓊寫酒醺金錢。朱夢飛動浮雲燼，天外箎簫來宛轉；斷橋人行夕陽路，樓觀琉璃影中見。酡顏未分驂騑催，燭入坐客猶徘徊；豈知闔闔門邊住，春盡不見芳菲開。日月紛紛車走坂，少年意氣何由挽；洞庭浪與天地白，塵昏萬里東浮眼。黑貂裘敝歸幾時？相見綠樹啼黃鸝；榮華俯仰憂患隨，命駕吾與高人期！

兼井

三代子百姓，公私無異財；人主擅操柄，如天持斗魁。賦子皆自我，兼井乃姦回；姦回法有誅，勢亦無自來。後世始倒持，黔首遂難裁；秦王不知此，更築懷清臺。禮義日已偷，聖經久堙埃；法尚有存者，欲言時所咤。俗吏不知

方，拮克乃爲材，俗儒不知變，兼并可無措。利孔至百出，小人私闔開，有司與之爭，民愈可憐哉！

卷五 古詩

和吳御史汴渠

鄭國欲弊秦，渠成秦富彊。本始意已陋，末流功更長。維汴亦如此，浚源在淫荒。歸作萬世利，誰能弛其防。夷門築天都，橫帶國之陽。漕引天下半，豈云獨荆揚。貨入空外府，租輸陳太倉。東南一百年，寡老無殘糧。自宜富京師，乃亦窘蓋藏。征求過夙昔，機巧到莛芒。御史閱其然，志欲窮舟航。此言信有激，此水存何傷。救世詎無術，習傳自先王。念非老經綸，豈易識其方。我懶不足數，君材仍自強。他日聽施設，無乃棄篇章。

酬王詹叔奉使江南訪茶利害

余聞古之人，措法貽厥後，命官惟賢材，職事又習狃。止能權輕重，王府則多有，豈嘗推其子，而爲民父母。當時所經營，今十已毀九，其一雖幸在，漂搖亦將朽。公卿患才難，州縣固多苟，詔令雖數下，紛紛誰與守。官居甚傳舍，位以聲勢受，既不責施爲，安能辨賢不。區區欲掇弊，萬謗不容口，天下大安危，誰當執其咎。勞心適有罪，養譽終天醜，豈惟祖子孫，教戒及朋友。貴者大其領，詩人歌四牡，至尊空獨憂，不敢樂飲酒。苟矣富阡陌，哀哉此無繆。鄉閭人所懷，今或棄而走，豈無濟時術，使爾安吠畝。故今二三公，戮力思矯揉，永惟東南害，茶法蓋其首。私藏與竊販，行獄常紛糾，輸將一不足，往往死鞭杻。販陳彼雜惡，強費曾非誘。已云困關市，且復搔林藪，將更百年弊，謂民知可否。出節付羣材，詢謀欲經久，朝廷每若此，自可躋仁壽。因知從今始，漸欲人財阜，吾宗恢奇士，選使自朝右。聰明諒多得，爲上歸析剡，王程雖薄遽，邦法難鹵莽。願君博諮諏，無擇壯與耆，余知茶山民，不必生皆厚。獨當征求任，尙恐難措手，孔稱均無貧，此語今可取。譬欲輕萬鈞，當令衆人負，強言豈宜當，聊用報瓊玖。

鬪王伯虎

吾聞人之初，好惡尚無朕；帝與鑿耳目，賢愚遂殊品。爾來百千年，轉化薄愈甚；父會相販賣，浮詐誰能審？
野 野猴纓冠，狽 狽籍鼠穴，寢滄海，恐值到誰論。魚鱉塗鴉聲，雖云惡，革去在食甚。嗟誰職教化，獨使此風稔。恬觀不知救，坐費太官廩。子生少而慧，好古乃天稟。念此俗衰壞，何嘗敢安枕。有時不能平，悲吒失食飲。唯子同我病，亦或涕沾衽。請子可告語，密以詩來諭。爛然辭滿紙，秋水濯新錦。窮觀何拳拳，靜念復凜凜。賤貧欲救世，無甯猶拾簪。說窮且版築，尹屈唯烹飪。逢時豈遽廢，避俗聊須噤。徂年幸未暮，此意可勤恁。

答虞辭翁

輟學以從仕，仕非吾本謀。欲歸諒不能，非敢忘林丘。臨餐取苟得，冀以盡心隣。萬事等畫墁，雖勤亦何收。揚揚古之人，彼職乃無憂。感子撫我厚，欲言祇慙羞。

送潮州呂使君

韓君揭陽居，戚嗟與死隣。呂使揭陽去，笑談面生春。當復進趙子，詩書相討論。不必移鱸魚，詭怪以疑民。有若大顛者，高材能動人。亦勿與為禮，聽之汨彝倫。同朝敘朋友，異姓接婚姻。恩義乃獨厚，懷哉余所陳。

寄曾子固二首

巖巖中天閣，萬萬層雲樹。為子望江南，被虧無行路。平生湖海士，心迹非無素。老矣不自知，低徊如有慕。傷懷西風起，心與河漢注。哀鳴相隨飛，去我終不顧。

二

崔嵬天門山，江水遶其下。寒渠已膠舟，欲往豈無馬。時思繆拘綴，私養難乞假。低徊道為此，含愛何時寫。吾能好諒直，世或非詭詐。安得有一廬，相隨問耕者。

虎圖

壯哉非羆亦非羆，目光夾鏡當坐隅，橫行妥尾不畏逐，顧盼欲去仍躊躇。卒然我見心爲動，熟視稍稍摩其鬚，固知畫者巧爲此，此物安肯來庭除？想當槃礴欲畫時，睥睨衆史如庸奴，神閑意定始一掃，功與造化論錙銖。悲風颯颯吹黃蘆，上有寒雀驚相呼，槎牙死樹鳴老鳥，向之俛喙如哺鷄，山牆野壁黃昏後，馮婦遙看亦下車。

次韻信都公石枕斲簟

端溪琢枕綠玉色，斲水織簟黃金紋，翰林所寶此兩物，笑視金玉如浮雲。都城六月招客語，地上赤日流黃塵，燭龍中天進無力，客主敲然各疲劇，形骸直欲坐棄忘，冠帶安能強修飾，恃公寬貸更不疑，其倨豈復論官職。笛材平塋家故藏，硯璞拗清此新得，掃除堂屋就陰翳，公不自眠分與客，知公用意每如此，真能與物同其適。豈比法曹空自私，却顧天日長炎赫，公才卓犖人所驚，久矣四海流聲名，天方選取欲扶世，豈特使以文章鳴。深探力取常不寐，思以正議排縱橫，奈何甘心一榻上，欲臥穎尾爲潔清，賢愚勞佚非一軌，願我病昏惟未死，心於萬事久脩然，身寄一官真偶爾，便當買宅歸偃休，白髮溪山如願始，看公勦力就太平，却上青天跨箕尾。

和吳沖卿雪

陽回力猶遵，陰合勢方輦，填空忽汗漫，造物誰從願，輕於擘絮紛，細若吹毛氈，雲連晝已昏，風助宵仍洶，憑陵雖一時，變態亦千種，簾深卷或避，戶隘關猶擁，滔天有凍浪，匝地無荒隴，飛揚類挾富，委翳等辭寵，穿幽偶相重，值險輒孤聳，積慘會將舒，羣輕那久重，紛華始滿眼，消釋不旋踵，槁樹散飛花，空簷落懸燼，還當困炎熱，以此滌煩瑣，共約市南人，收藏不爲冗。

和仲卿雪詩并示持國

地卷江海浮，天吹河漢湧，北風散作花，巧麗世無種，霾昏得照耀，塵滓歸掩擁，蒼林無空枝，幽瓦有高隴，分

纒一毛細聚或千鈞重，飛颺窺已眩。摧壓聽還兇，漁舟平繫舷。樵屨沒歸踵，空令物象瑩。豈免川塗壅，爭光姁娥妬。失色義和恐，賴逢陽氣蒸。轉作水波溶，舞庭稱賀嚴。掃路傳呼寵，衝遊謝壯少。避臥甘閑冗，吳侯絕俗唱。韓子當敵勇，勝負觀兩豪。吾衰但陰拱。

送石廩歸甯

虛名誤長者，邂逅肯經過。所操十餘篇，浩蕩決江河。側身朝市間，樂少悲慙多。文章舊所好，久已廢吟哦。開編喜有得，一讀瘳沉疴。裹飯北城陰，永懷從晤歌。又欲及歲晚，空堂掃絲窠。稍出平生言，道藝相琢磨。忽隨雁南飛，當此葉辭柯。去去梨嶺高，想見青坡陀。黃花一杯酒，爲壽樂如何。微詩等瓦礫，持用報隋和。

送張拱微出都

歸臥不自得，出門無所投。獨尋城隅水，送子因遠遊。荒林纏悲風，慘慘吹飈裘。捉手共笑語，顧瞻中河舟。嗟人皆行樂，而我方坐愁。腸胃繞鍾山，形骸空此留。念始讀詩書，豈非亦有求。一來裹青衫，觸事自悔尤。誤爲世所容，榮祿今白頭。塞責以區區，一毛施萬牛。不足助時治，但爲故人羞。寬恩許自劾，終欲東南流。子今涉冬江，艱必泊蔡洲。寄聲治城人，爲我問一丘。

寄題睡軒

劉侯少慷慨，天馬脫羈羈。一官不得意，州縣老委蛇。新居當中條，牆屋稍補治。踈軒以睡名，從我遠求詩。朝廷法令具，百吏但循持。又况佐小邑，有才安所施。賦租如簿領，獄訟了鞭笞。翛然即高枕，於此樂可知。王官有空谷，隱者常棲遲。拂榻夢其人，亦足慰所思。嗟予久留連，竊食坐無爲。浩歌臨西風，更欲往從之。

沖卿席上得作字

杏子乏時才，始願乃丘壑。強走十五年，朱顏已非昨。低回大梁下，屢嘆風沙惡。所欣同舍郎，誘我文義博。古

聲無慙淫，真味有淡泊。追攀風月久，貌簡非心略。君恩忽推徙，所望頗乖錯。尙憐得經過，未比參辰各。留連惜餘景，從子至日落。明燈照親友，瓊坐傾杯杓。別離寬後悲，笑語盡今樂。論詩知不如，興至亦同作。

塞翁行

塞翁少小墾，上鋤塞翁老來能捕魚。魚長如人水滿眼，桑柘死盡生芙蕖。漢家新堤廣能築，胡兒壯馬休南牧。北風卷却波浪聲，祇放田車行轆轤。

白溝行

白溝河邊蕃塞地，送迎蕃使年年事。蕃使常來射狐兔，漢兵不道傳烽燧。萬里鉏耰接塞垣，幽燕桑葉暗川原。棘門灑上徒兒戲，李牧廉頗莫更論。

河間

北行出河間，千歲想賢王。胡麻生蓬中，誥曲終自傷。好德尙如此，恃材宜見戕。乃知陰自脩，彼不爲出商。區區三世家，廟冊富文章。教子以空言，得祚果不良。

陳橋

走馬黃昏渡河水，夜爭歸路春風裏。指點韋城太白高，投鞭日午陳橋市。楊柳初回陌上塵，煙脂洗出杏花勻。紛紛塞路堪追惜，失却新年一半春。

澶州

去都二百四十里，河流中間兩城峙。南城草草不受兵，北城樓櫓如邊城。城中老人爲予語，契丹此地經鈔虜。黃屋親乘矢石間，胡馬欲踏河冰渡。天發一矢胡無首，河冰亦破沙水流。歡盟從此至今日，丞相萊公功第一。

卷六 古詩

北客置酒

紫衣操鼎置客前，中韓稻鉢隨梁饌。引刀取肉割啖客，銀盤擘臠藟與鮮。殷勤勸侑邀一飽，卷牲歸館腸更傳。山蔬野果雜飴蜜，蠶脯豕腊加芻煎。酒酣衆史稍欲起，小誦掙耳爭留連。爲胡止飲且少安，一杯相屬非偶然。

奉使道中寄育王山長老常坦

道人少賈海上游，海舶破散身沈浮。抱金滿篋人所寄，吹箎偶得還中州。羸身歸金不受報，祇取斗酒相獻酬。歡娛慈母終一世，脫棄妻子藏巖幽。蒼煙寥寥池水浸，白玉菡萏吹高秋。夜燃柏子煑山藥，憶此東望無時休。塞垣春枯積雪溜，沙礫盛怒黃雲愁。五更匹馬隨鴈起，想見鄴郭花今稠。百年夸奪終一丘，世上滿眼真悠悠。寄聲萬里心綢繆，莫道異趣無相求。

送李屯田守桂陽二首

治船香爐峰始與子相識，寄書邗江上。詒我峰下石，緣以湘水竹。攜持與南北，永懷故人歡。不願百金易竹，枯歸樵蘇。石爛棄沙礫，夷門得邂逅。綠髮皆半白，追思少時事。俛仰如一夕，老矣無所爲。空知念疇昔，常思一杯酒。要子相解釋，出門事紛紛。歸臥意遽卻，聞當上湓水。持詔守嶺阨，方爲萬里別。執手先慘戚，茲游信浩蕩。山水多所得，爲我謝香爐。一風塵每相憶。

二

蒼黃離家問南北，中路思歸歸不得。風濤何處不驚人，雨雪前村更欺客。舊交旌旆此盤桓，見我卽令兒解鞍。荒山樂官歌舞拙，提壺沽酒聊一歡。行藏欲語眉不展，互歎別離心繾綣。行年半百勞如此，南畝催耕未宜晚。

送吳仲庶出守潭州

吳公治河南，名出漢廷右，高才有公孫，相望千歲後。平明省門開，吏接堂上肘，指搗談笑間，靜若在林藪。連牆畫山水，隱几詩千首，浩然江湖思，果得東南守。傳鼓上瀟湘，旌旗蔽牛斗，方今河南治，復在荆人口。自古楚有材，鄙俚多美酒，不知樽前客，更得賈生否？

雜詠二首

懷王自墮馬，賈傅至死悲，古人事一職，豈敢苟然爲？哭死非爲生，吾心良不欺，滔滔聲利間，絳灌亦何知？

二

先生善鼓瑟，齊國好吹竽，操竽入齊人，雅鄭亦復殊，豈不得稜賜，歸臥自欹歔，寥寥朱絲絃，老矣誰與娛？

三

商陽殺三人，每輒不忍視，亦云食君食，報禮當如此！波瀾吹九州，金石安得止，永懷南山阿，慷慨中夜起。

卽事二首

我起影亦起，我留影遂巡；我意不在影，影長隨我身。交游義相好，骨肉情相親；如何有乖睽，不得同苦辛？

二

昏昏白日臥，皎皎中夜愁，明月入枕席，涼風動衾幃。蜚蟬相鳴悲，上下無時休，徒能感我耳，願爾安知秋？

三

日月隨天旋，疾遲與天謀，寒暑自有常，不願萬物求。蜉蝣蔽朝夕，螻蛄疑春秋，眇眇上古歷，回環今幾周？

送鄭叔熊歸闕

鄭子喜論兵，魁然萬人敵，嘗持一只箠，跨馬河南北。方今邊利害，口手能講畫，疑師穀城翁，方略已自得。天

兵卷甲老，壯士不肉食，低徊向詩書，文字銳鐫刻。科名又齟齬，棄置非人力。黃塵彫屬裘，逆旅同僦仄。秋風吹殘
休，霰雪已驚客。浩歌隨東舟，別我無慘惻。聞生今好遊，往往老妻息。南陔子所慕，天命豈終塞。

寄一二弟時往臨川

蕭條冬風高，吹我冠上霜。我行歲已寒，悲汝道路長。持以（一作此）犬馬心，千里不得將。使汝身百憂，辛苦
冒川梁。青燈照詩書，仰屋涕數行。不有親戚思，詎知遠遊傷。

李氏沉江書堂

沉江水有梁，與曹沉田樹桑。可蠶耕，君於其間恥射利，獨岸清泚留朱甍。詩書當前日開闔，冠帶滿坐相逢
迎，勉求高論出施設，無以私智爲公卿。

休假大佛寺

罷僮得休假，文冠倦趨翔。披書聊自娛，解帶寺東廊。六龍高徘徊，光景在我裳。冬屋稍暄暖，病身更強梁。從
我有不思，捨我有不忘，問誰可與言，攜手此徜徉。婉婉吾所愛，新居乃鄰牆。寄聲能來遊，維用寫愁腸。

別謝師宰

閩闔城西地，如水雞鳴黃。塵波浪起，窮年一馬望扶桑。東得省門身輒止，簿書期會老紛紛。邂逅論心喜有
君，數日未多還捨我，相看愁思亂於雲。

解使事泊棠陰時二弟皆在京師二首

始吾泊棠陰，三子不在舟。今當捨之去，三子還遠遊。茫然千里水，今見荻花洲。俛仰換春冬，紛紛空百憂。懷
哉山川異，往矣霰雪稠。登高一涕泗，寄此寒江流。

二

泊船棠陰下，灘水清且淺。回首望孤城，浮雲一何緬。久留非吾意，欲去猶繼繆。馳心故人側，一望三四反。蕭蕭東堂竹，異日留息偃。無思被南國，疑此行當翦。

驂騮

龍德不可係，變化誰能謀？（一本無此二句）驂騮亦駿物，卓犖地上遊。怒行追疾風，忽忽跨九州。轍迹古所到，山川略能周。鴻蒙無人梯，沆漭遶天浮。巉巖拔青冥，仙聖所止留。欲往輒不能，視龍乃知羞。

寄朱氏妹

昔來高郵居，我始得朱子。從容談笑間，已足見奇偉。行尋城陰田，坐釣渠下沚。歸來同食眠，左右皆圖史。入視爾諸幼，歡言亦多祉。當時獨張情，遠在廬山趾。沈君未言昏，名已習吾耳。安知十年來，乖隔非願始。相逢輒念遠，悲吒多於喜。今茲豈人力，所念皆聚此。諸甥昔未有，滿眼秀而美。低徊吾親側，亦足慰勞止。嗟予迫時思，一傳日千里。爾舟亦已戒，五兩翩然起。蕭蕭東南縣，望爾何時已。空知夢爲魚，逆上西安水。

贈陳君景初

吾嘗奇華佗，腸胃真割剖。神膏既傳之，頃刻活殘朽。昔聞今則信，絕技世嘗有。堂堂穎川士，察脈極淵藪。珍丸起病瘠，鱗蟲隨泄嘔。舉足四五年，下針使之走。一言儻不合，萬金莫可誘。又復能賦詩，往往吹瓊玖。卷紙誇速成，語怪若神授。名聲動京洛，蹤跡晦荑莠。相逢但長嘯，遇飲輒掩口。獨醒竟何如，無乃寡俗偶。顧非避世翁，疑是壁中叟。安得斯人術，付之經國手。

贈張康

昔在歷陽時，得子初江津。手中紫團參，一飲寬吾親。捨舟城南居，杖屨日相因。百口代起伏，呻呼聒比鄰。叩門或夜半，屢費藥物珍。欲報恨不得，腸胃盤車輪。今逢又坎坷，令子馳風塵。顛倒車馬間，起先冰雪晨。嗟我十五

年得祿尚辭貧所讀湯累車豈能蘇一人無求愧子義有施憫子仁逝將收桑榆邀子宜冥冥

送程公闢守洪州

畫船插幟搖秋光，鳴鑼傳鼓水洋洋。豫章太守吳郡郎，行指斗牛先過鄉。鄉人出郭饒酒漿，魚蟹鱸魚炊稻梁。芡頭肥大菱腰長，醞醞喧呼坐滿牀。怪君三年寓瞿塘，又驅傳馬登大行。纓旄脫盡歸大梁，飄然出走天南疆。九江左投貢與章，揚濤吹漂浩無旁。老蛟戲水風助狂，盤渦忽坼千丈強。君聞此語悲慨慷，迎吏乃前持一觴。鄱州歷選多循良，鎮撫時有諸侯王。拂天高閣朱鳥翔，西山蟠繞鱗鬣蒼。下視城壘真金湯，雄樓傑屋鬱相望。中戶尚有千金藏，溲田種秫出穰穰。沉檀珠犀雜萬商，大舟如山起牙樁。一本無此一句，輸寫交廣流劫揚。輕裙利屐，列名倡春風，踴謠能斷腸。平湖灣塢煙渺茫，樹石珍怪花草香。幽處往往聞笙簧。地靈人秀古所臧，騰兵可使酒可嘗。十州將吏隨低昂，談笑指麾回雨暘。非君才高方方剛，豈得跨有此一方。無為聽客驚雷裳，使君謝吏趣治裝。我行樂矣未渠央！

鳳凰山

驅馬信所適，落日望九州。青山滿天地，何往為吾丘。貧賤身祗辱，富貴道足羞。涉世諒如此，惜哉去無由！

夢中作

青門道北雲為屋，大壚貯酒千萬斛。獨龍注雨如車軸，不畏不售畏不續。

彭蠡

茫茫彭蠡春無地，白浪春風濕天際。東西捩柁萬舟回，千歲老蛟時出戲。少年輕事鎮南來，水怒如山帆正開。中流蜿蜒見脊尾，觀者膽墮予方哈。衣冠今日龍山路，廟下沽酒山前住。老矣安能學俠飛，買田欲棄江湖去。

牛渚

歷陽之南有牛渚，一風微吹萬舟阻。華戎疊蜀支百川，合爲大江神所躔。山盤水怒不得泄，到此乃有無窮淵。朱衣乘車作官府，操制生殺非無權。陰靈秘怪不欲露，燬岸得禍豈偶然。

東門

東西白下亭，摧甃蔓寒葩。淺沙杳素舸，一水宛秋蛇。漁商數十室，門巷隱桑麻。翰林謫仙人，往歲酒姥家。調笑此水上，能歌揚白花。楊花飛白雪，枝聚綠煙斜。舞袖卷煙雪，綺裘明紫霞。風流翳蓬顆，故地使人嗟。迢迢陌頭青，空復可藏鴉。

和王微之登高齋二首

寒雲沈屯白日埋，河漢蕩圻天如篔。衡門兼旬限泥潦，臥聽窸木鳴相挨。蕭辰忽掃纖豎盡，北嶺初出青嵬。嵬微之新詩動我目，爛若火齊金盤堆。想攜諸彥眺平野，高論歷詆秦以來。舫船淋浪始快意，忽憶歸雲胡爲哉。念君少壯輟游衍，發揮春秋名玉杯。書成不得斷國論，但此空語傳八垓。登臨興罷因感觸，更欲遠引追宗雷。君知富貴亦何有，諂譽未足償譏排。風豪雨橫費調變，坐使髮背爲黃台。留賓往往夜參半，雖有罍俎無由開。江南佳麗非一日，況乃故園名池臺。能招過客飲文字，山水又足供歡咍。剩留官屋貯酒母，取醉不竭當如淮。

二

六朝人物隨烟埃，金與玉几安在哉。鍾山石城已寂寞，祇見江水雲端來。百年故老有存者，尙憶世宗初伐淮。魏王兵馬接踵出，旗纛千里相搪挨。當時謀臣非不衆，上國拔取多陪臺。龍騰九天跨四海，一水欲阻爲可哈。降王北歸樓殿圻，棄屋尙鎖殘金堆。神靈變化自真主，將帥何力求公台。山川清明草木靜，天地不復屯雲雷。使君登高訪古昔，傷此陳迹聊持杯。西窗嘉客坐披寫，鄙渌笑語傾如篔。酒酣重惜功業晚，老矣萬卷徒兼該。攢峰列壑動歸興，憂端落筆何崔嵬。餘年無歡易感激，亦愧莊叟能安排。青燈明滅照不寐，但把君詩闔且開。

千戈六代戰血埋，雙闕尚指山崔嵬。當時君臣但兒戲，把酒空酌長星杯。臨春美女閉黃壤，玉枝自（一作白）蕊繁如堆。後庭新聲散樵牧，興廢倏忽何其哀。咸陽龍移九州坼，遺種變化呼風雷。蕭條中原碣無水，岷強又此憑江淮。廣陵衣冠掃地去，穿築龍啟為池臺。吳儂傾家助經始，尺土不借秦人篋。珠崖磊落萬艘入，金璧照耀千門開。建隆天飛跨兩海，南發交廣東溫台。中間業地無幾，欲久割據誠難哉。雲旗指旆盡貔虎，談笑力可南山排。樓船蔽川莫敢動，扶伏但有謀臣來。百年滄洲自潮汐，事往不與波爭迴。黃雲荒城失苑路，白草廢時空壇垓。使君新篇韻險絕，登眺感悼隨嘲咍。嗟予愁懣氣已竭，對壘每欲相刷挨。揮毫更想能一戰，數窘乃見詩人才。

卷七 古詩

董伯懿示裴晉公平淮古題名碑詩用其韻和

元和伐蔡何危哉，朝廷百口無一諧。盜傷中丞偶不死，利劍白日投天街。喪瘞入相議，軍旅國火一再更。檀槐上前慷慨語發涕，誓出按撫除睽非。指馮光顏戰洄曲，闕如怒虎搏鴟。豺豕想能捕虜取肝，兩護送密乞完形骸。咎兵夜半投死地，雪濕不敢燃薪。空城豎子已可縛，中使尚作囁兒哇。退之道此尤萬倍，當樓玉牒東燔柴。欲編詩書播後嗣，筆墨雖巧終類俳。唐從天寶運中圯，廊廟往往非忠佳。諸侯縱橫代割據，輒立豈得無誰。德宗末年懲戰禍，一矢不試塵蒙鞞。憲皇初起衆未信，意欲立掃除昏霾。追覺清明救薄飲，屢勅主府拘窮蛙。王師傷夷征賦窘，千里亦忌毫釐差。小夫偷安自非計，長者遠慮或可懷。桓桓晉公忠且壯，時命適與功名偕。是非末世主成敗，烜赫今古誰譏排。賢哉韋純議北赦，倉卒兩伐尤難皆。重華聲明彌萬國，服苗干羽舞兩階。宣王側身內

脩政，常德立武能平淮。昔人經綸初若緩，欲棄此道非吾儕。千秋事往蹤跡在，嶽石款記如湘崖。文嚴字麗皆可喜，黃埃蔽沒蒼蘚埋。當時將佐盡豪傑，想此兵禱陪祠齋。君曾西遷爲拓本，濡牘割蜜親屬摺。新篇波瀾特浩蕩，把卷熟讀迷津涯。褒賢樂善自爲美，當挂廟壁爲詩牌。

用王微之韻和酬卽事書懷

秦惜逝者蚤，晉嘉良大休。古人皆好樂，哀此歲月道。嗟我抱愁毒，殘年自羈囚。但爲覓得蹄，非復天上鷗。雖知林塘美，欲往輒回軫。名園一散策，笑語隨航簪。探題遠梅花，高詠接應劉。宿雨洗荒塹，寒蛟沈老湫。公洞信靈舸，歸路于城幽。冬風不改綠，忽見新陽浮。歡事去如夢，嘉時念難留。明發得君句，謂將續前遊。語我飲倡樂，不如討獻酬。淮洲秦鍾整，雅刺德不猶。文墨有真趣，荒淫何足收。來篇信時女，窈窕衆所求。茲理儻可諧，善箴爲君抽。

和何才卽席分題得庶字

刀筆漫無營，圖書紛不御。平生攜手人，邂逅實心處。名卿邵朱邑，膚使超嚴助。都官富篇章，博士熟經據。豈特好微言，又多知大慮。從容故天幸，倜儻盡人譽。千艘來交荆，萬剡去揚豫。良無此嘉客，式飲吾所庶。

出羣賦

昭陵落月煙霧昏，篝火度谷行山根。投鞭委轡涉數村，寤出羣縣城東門。向來宮闕不可見，但有洛水流渾渾。

書任木馬齋

兒童繫馬黃河曲，近岸河流如可拘。任君炊米朝食魚，日暮滎陽驛中宿。投老經過身獨在，當時洲渚今平陸。穠黍稷冥冥十數家，仰視荒蹊但喬木。冰盤論美客自知，起看白水還東馳。爾來百口皆年少，歸與何人共此悲。

著述作巫山高愛其飄逸因亦作兩篇

巫山高十二峯，上有往來飄忽之猿獮，下有出沒澗澗之蛟龍，中有倚薜縹緲之神宮。神人處子冰雪容，吸風飲露虛無中。十歲安窳無人逢，遂近乃與襄王通。片崖碧嶂深重重，白日如日明房櫳。東牀玉几來自從，錦屏翠幔金花蓉。陽臺美人多妙語，祇有纖腰能楚舞。爭吹鳳管鳴鼗鼓，那知襄王夢時事。但見朝朝暮暮長雲雨。

二

巫山高，偃薄江水之滔滔，水於天下實至險。山亦起伏爲波濤，巖巖冥冥不可見，崖岸斗絕悲後孫。赤楓青櫟生滿谷，山鬼白日樵人遭。窈窕陽臺彼神女，朝朝暮暮能雲雨。以雲爲衣月爲櫂，柔光服暗無留阻。崑崙會城道可取，方丈蓬萊多伴侶。塊獨守此嗟何求，況乃低徊夢中語。

西風

少年不知秋，善聞西風生。老大多感傷，長此蟋蟀鳴。況乃捨親友，抱書歸遠行。中夜臥不周，惻惻感我情。起視天正黑，弱雲亂縱橫。似有霰雪飄，不復是斗明。時節去如此，重令壯心驚。誰無同羣人，樽酒安可傾。

久雨

煤炭著天無寸空，白沫上岸吹魚龍。羲和推車出不得，河伯欲取山爲宮。城門盡開眠百寶，飢孫得禮夜哺翁。老人憤事少所怪，看屋箕踞歌商風。

和于勝之雪齋借馬入省

泥水填馬不受轡，瓦雪得火猶蒸溝。寶符紛紛度城闕，朔氣凜凜吹衣裘。窮閭閉門無一客，刺啄驚我有前驅。強隨傳呼出屋去，身負凍合鬚纒繆。投韉爲賦任敬側，欲出操筆手還拍。行思江南悲故事，溪谷冬暖花常流。前年臘歸三見白，露色嶺上斑班留。杖藜此時將邑子，登眺置酒身優游。豈知都城今日事，祇恐一蹶爲親憂。因知田里駕款段，昔人豈卽非良謀。君家洛陽名實大，談笑枯槁回春柔。平生意氣故應在，白髮未敢相尋求。從容

退食想佳節，豈無歌聲相獻酬？奈何亦作苦寒調，歎息朝夕無驂騶。超然遂有江湖意，滿紙爲我書窮愁。相如正應居客右，子路且莫乘桴浮。

和吳冲卿鷓鴣鳴樹石屏

寒林昏鷓相與還，下有跂石蒼孱顏。曾於古圖見髣髴，已怪刀筆非人間。君家石屏誰爲寫，古圖所傳無似者。鷓鴣飛歷亂止且鳴，林葉慘慘風煙生。高齋日午坐中允，意似落日空上行。君詩雄威付寫手，云：「此非人乃天巧！」嗟哉渾沌死，乾坤至造作萬物醜。妍巨細各有理，問此誰主何其精。恢奇譎詭多可喜，人於其間乃復雕鑿刻畫出智力，欲與造化追相傾。拙者婆娑尙欲奮，工者固已窮夸矜。吾觀鬼神獨與人意異，雖有至巧無所爭。所以號山間埋沒此寶千萬歲，不爲見者驚。吾又以此知妙偉之作不在百世後，造始乃與元氣并。畫工粉墨非不好，歲久剝爛空留名。能從太古到今日，獨此不朽由天成。世人尙奇輕貨力，山珍海怪採掇今欲索。此屏後出爲君得，胡賈欲價著不識。吾知金帛不足論，當與君詩兩相直。

送李宜叔倅漳州

關山到漳窮地，與南越錯山川鬱霧毒，瘴癘春冬作。荒芽篁竹閒，蔽虧有城郭。居人特鮮少，市井宜蕭索。野花開無時，鬻酒持可酌。窮年不用客，誰與分杯杓。朝廷尙賢俊，磊砢充臺閣。吾能喜節行，文藝又該博。超然萬里去，識者爲不樂。予聞君子居，自可救民瘼。苟能禦外物，得地無美惡。似聞最南方，北客今勿藥。林麓換風氣，獸蛇凋毒蠹。如漳猶近州，氣冷又銷鑠。珍足海物味，其厚不爲薄。章舉馬甲柱，固已輕羊酪。蕉黃荔子丹，又勝橙梨酢。逢衣比多士，往往在丘壑。從容與笑語，豈不慰寂寞。太守好觴詠，嘉賓應在幕。想卽有新詩，流傳至京洛。

送裴如晦宰吳江

霜（一作震）澤與天杳，旁臨無限情。他時散髮處，最愛垂虹亭。飄然平生遊，捨我戴吳星。欲往獨不得，都門

看揚舄。到縣問疾苦，爲子求所經。當知耕牧地，往往莢蒲青。三江斷其二，涪水何由甯。微子好古者，此歌尙誰聽。

韓持國從富井州詩

韓侯冰玉人，不可塵土雜。官雖衆俊後，名字久訇磕。井州天下望，撫士咸愛愜。千金棄不惜，賓客常滿闕。遙聞餘風高，爲子置一榻。親交西門篋，百馬騰難選。子材宜用世，談者爲鳴嗚。矧今名主人，氣力足呵飲。推賢爲時輔，勢若朽易拉。會當薦還朝，立于在閭闔。惜哉秣騏驎，賦以斗食舍。咨子栖栖者，氣象已摧塌。他年佐方州，說將尙不納。況於聲勢尊，豈易取酬答。有如持寸莛，未足感鞶鞶。願於山水閒，意願多所合。匡廬與韶石，少小已嘗躍。風遊會稽春，雪宿天柱臘。淮湖江海上，饋食蝦蟹蛤。西南窺岷嶓，東北盡瀟灑。身雖未嘗歷，魂夢已稠沓。溪最所愛，映燭多廟塔。溪果點丹漆，溪花團繡器。扁舟信所過，行不廢樽榼。一從捨之去，霜雪行滿領。思之不能寐，感若虻蚋嗜。方將築其濱，畢景謝嚙嗜。安能孤此意，顛倒就衰頹。唯子余所嚮，嗜好此鷓鴣。何時歸相遊，遊屐尙可蠟。

寄吳冲卿

物變極萬殊，心通纔一曲。讀書謂已多，撫事知不足。與君語承華，念此非不夙。恨無數頃田，歸耕使成熟。當官拙自計，易用忤流俗。窮年走區區，得謗大於屋。歸來汗省舍，又繼故人躡。相逢祇數步，吏案常填目。切磋非無傷，阻闊嗟何速。孤危失所助，把卷常恨獨。虛名終自誤，謬思何見感。清明有冲卿，與美如晦叔。時謂當選升，屈指尙五六。揆才最不稱，饜寵甯無惑。殷勤故人書，紙尾又見覈。君雖好德言，我自慕忠告。易稱動不括，傳論大明服。進爲非成材，罪恐不容贖。歲殘東風生，陝樹塵鬢麴。何緣一杯酒，談笑相追逐。

韓持國見訪

余生非匏瓜，於世不無求。弱力憚耕稼，衣食當周流。起家始二十，南北今白頭。愁傷意已敗，罷病恐難瘳。江

湖把一節，屢乞東南州，治民豈吾能，閒僻庶可偷！謬恩當徂多，黽勉始今秋，豈敢事高蹇，茫然乖本謀！撫心私自憐，仰屋竊歎，強騎黃飢馬，欲語將誰投？賴此城下宅，數蒙故人留，攬衣坐中庭，仰視白雲浮。白雲御西風，一向滄洲，安得兩黃鵠，跨之與雲遊。

思王逢原

自吾失逢原，觸事輒悲思，豈獨爲故人，撫心良有悲！我善孰和我，孰知我瑕疵？我思誰能謀，我語曷者誰？朝出一馬驅，暝歸一馬馳，馳驅不自得，談笑強追隨。仰屋臥太息，起行涕淋漓，念子冢上土，草茅已紛披。婉婉婦且少，莞莞一女婆，高義動閭里，尙聞致財貲。嗟我衣冠朝，略能具饘糜，暮祭無所助，哀願亦何施？聞婦欲北返，跛子常望之，寒沐已閉口，此行又參差。又說當產子，產子知何時？賢者宜有後，固當夢燕罷。天方不可恃，我願適在茲，我疲學更誤，與世不相宜，宿昔心已許，同岡結茅茨，此事今已矣，已矣尙誰知。帶渺江與潭，葦茫山與陂，安能久竊食，終負故人期。

登景德塔

放身千仞高，北望太行山，巴屋如螻冢，蔽虧塵霧間。念此屋中人，當復幾人閒，雞鳴起四散，暮夜相與還。物物各自我，誰爲賢與頑，賤氣卽易凌，貴氣卽難攀，愧子心未齊，飽首一破顏。

和劉貢甫燕集之作

馮侯天馬壯，不羈韃侯白鷺下，清池劉侯羽翰秋，欲擊吳侯葩萼春，爭披沈侯玉雪照，人驚驚灑已見江湖姿。唯子貌醜職公等，自鏡亦正如夢俱，忘形論交喜有得，杯酒邂逅今良時，心親不復異，新舊便鏡巾屨相諧嬉。空堂無塵小窗定，濃綠鬢水浮秋曦，高談四坐掃炎熱，木末更送涼風吹，此歡不盡慮分數，明月照空參差于明餘責在心耳，先代重尋劉侯詩，劉侯未見聞三熟，吾友稱稱多文辭，才高意大方刊世，自有聲名垂後世。

後會恐不數，魂夢久向東南馳。何時扁舟却顧我，還欲迎子遊山坡。

寄王逢原

北風吹雲埋九垓，草木零落空池臺。六龍避避不敢出，地上獨有寒崔嵬。披衣起行苦不愜，歸坐把卷闔且開。永懷古人今已矣，感此近世何爲哉。中韓百家蒸火起，孔子大道寒於灰。儒衣紛紛欲滿地，無復氣焰空煤。良力排異端誰助我，憶見夫子真奇材。賴豫章槩白日，祇要匠石聊穿裁。我方官拘不得往，子有閑暇宜能來。晤言相與入聖處，一取萬古光芒迴。

寄正之

少時已感韓子詩，東西南北俱欲往。新年尤覺此語悲，恨無羽翼超惚恍。肺肝欲絕形骸外，涕淚自落衣巾上。此憂難與世共知，憶子論心更惆悵。

思古

古之士方窮，材行已云貴。大臣公聽采，左右不得蔽。或從蒿藜間，入據廊廟勢。小夫不敢望，云我非其彙。朝遊雋者羞，暮出逢者避。所以後世愚，人人顧高位。

惜日

白日照四方，當在中天留。春風地上行，當與時周遊。和氣所披拂，槁乾却濕柔。愛欲傳萬物，勢難停一州。棲棲孔子者，惜日此之由。不能使此邦，利澤施諸侯。豈若駕以行使我遇者稠。當時三千人，齊宋蒞陳周。小者傳吾粗，大能傳真幽。道散學以聖，衆源乃常流。吾初如匏瓜，彼亦孰知丘。唯士欲自墮窮道，非外求。聲必相天子，乃能經九疇。行雖恥強勉，閉戶非良謀。

送裴如晦卽席分題二首（以黯然消魂惟別而已爲韻撥而惟字韻作）

飄然五湖長，昨日國子師。綠髮約略白，青衫欲成縑。牽舟推河水，去與山水期。春風垂虹亭，一杯湖上持。傲兀何賓客，兩忘我與而。能復記此飲，詩成酒淋漓。

二

十月款水冰，問君「行何爲？」一行不顧斗米，自與五湖期。一乎生湖上遊，幽事略能知。此後若最樂，窮年得游嬉。彩鯨抗波濤，風作鱗之而，鳴鼓上洞庭。笑看紅橘垂，漠漠大梁下。黃沙吹酒旗，鹿豕故人愁。回首一相思！

三

邂逅君子堂，一杯相與持。便應取酩酊，萬事不足惟。平明蔡河風，回首成差池。獨我漫浪者，尙得行相追。磨刀繪巖多，宿昔少陵詩。還當捕鱸魚，載酒與我期。甫里松菊盛，洞庭柑橘垂。文章爲我唱，不數陸與皮。

卷八 古詩

兩馬齒俱壯

兩馬齒俱壯，自驕千里材。生姿何軒軒？或是龍之媒！一馬立長衢，顧影方徘徊；一馬裂銜轡，犇嘶逸風雷；立豈飽芻豆，戀棧常思迴。弄豈欲野翫，久羈羨駑駘。兩馬不同調，各爲世所猜。問之不能言，使我心悠哉。

春從沙磧底

春從沙磧底，轉上青天際。靄靄桑柘墟，浮雲變恣媚。游人出暄暖，鳥語辭陰翳。心知歸有日，我亦無愁思。所嗟獨季子，尙客江湖涯。萬里卜風風，飄飄何時至？

晨興望南山

晨興望南山，不見南山根。草樹露顛頂，樛枝空復繁。銅瓶取井水，已至尙餘溫。天風一吹拂，的皪成瑣璣。

結屋山澗曲

結屋山澗曲，挂瓢秋樹顛。鳴不中律呂，時時驚我眠。吾兒亦惡聒，勦力事棄捐。止我爲爾歌，不如恣其然！狂風動地至，萬竅各啾喧。一瓢雖易除，豈在有無間？？皦皦山下石，泠泠手中弦。臨流寫所愛，坐聽以窮年。

朝日一暴背

朝日一暴背，欣然忘夜寒。樵松煮澗水，既食取琴彈。彈作南風歌，歌罷坐長歎。寤彼栖栖者，？遺世良獨難！黃菊有至性

團團城上日，秋至少光輝。積陰欲滔天，况乃草木微！黃菊有至性，孤芳犯羣威。采采霜露閒，亦足慰朝餼！

少狂喜文章

少狂喜文章，頗復好功名。稍知古人心，始欲老蠶耕。低個但志食，邂逅亦專城。仰慙冥冥士，俯愧擾擾厖。良夜未遠央，青燈數寒更。撥書置左右，仰屋慨平生！

三戰敗不差

三戰敗不差，一官遷輒喜。古人思慰親，愧辱甯在己？？於陵避兄食，織屨仰妻子。思義有相權，潔身非至理！

少年見青春

少年見青春，萬物皆嫵媚。身雖不飲酒，樂與賓客醉；一從鬢上白，百不見可喜。心腸非故時，更覺日月駛；聞歡已倦往，得飽還思睡。春歸只如夢，不復悲憔悴！寄言少年子，努力作春事，亦勿怪衰翁，衰強自然異。

白日不照物

白日不照物，浮雲在寥廓。風濤吹黃昏，屋瓦更紛泊。行觀蔡河上，負土私力弱。隋堤散萬家，亂若春蠶箔。仍聞決數道，且用寬城郭。婦子夜號呼，西南漫爲壑。

草端無華滋

草端無華滋，陰氣已盤固。暄妍却如春，歲晚曾不寤。一裘可以暖，貧士終難豫。忽忽遭夜空，寒蟲欲坏戶。

一日不再飯

一日不再飯，飯已入九眠。忽忽返照開，頓羸不可遷。筋骸微纏束，肺腑鼎鑪煎。長往理不惜，高堂思所牽。

秋枝如殘人

秋枝如殘人，顏色先憔悴。微寒吹已空，性命一何脆。甯當記疇昔，葩葉相嫵媚。歲行誰使然，好殺豈天意。

青青西門槐

人情甘阿諛，我獨倦請謁。尤於權門疎，萬事亦已拙。平生江湖期，夢寐不可過。青青西門槐，少解馬上渴。

天下不用車

天下不用車，人人乘馬馳。王賈雖善御，攬轡欲從誰。漢武伐大宛，殺人若京坻。孝文却走馬，獨行先安之。物命在天，取舍各有時。陰陽更用事，冬暖豈所宜。卜氏強獻玉，兩刑亦已癡。幸終馮異二，已剖得不疑。

山田久欲拆

山田久欲拆，秋至尙求雨。婦女喜秋涼，踏車多笑語。朔雲卷衆水，慘淡吹子楚。橫陂與直壑，遂即沒田廬。靈霽反照中，散絲魚幾縷。鴻蒙不可問，且往知何許。歛眠露下舸，側見星月吐。龍骨已嘔唾，回家真作苦。

聖賢何常施

聖賢何常施，所遇有伸屈。曲士守一隅，欲以齊萬物。喪非不欲富，言爲南宮出。世無子貢子，誰敢救其矢。

散髮一扁舟

散髮一扁舟，夜長眠屢起。秋水瀉明河，迢迢藕花底。愛此露的皪，復怜雲綺靡。諒無與鼓弦，幽獨亦可喜。

道人北山來

道人北山來，問：「松我東岡？」舉手指屋脊，云：「今如此長。」開田故歲收，種果今年嘗，告叟去復來，耘鋤尚康強。死狐正首丘，遊子思故鄉，嗟我行老矣，墳墓安可忘？

今日非昨日

今日非昨日，昨日已可思；明日異今日，如何能勿悲；當門五六樹，上有蟬鳴枝，朝聽尚壯急，暮聞已衰遲。仰看青青葉，亦復少華滋，萬物同一氣，固知當爾爲！我友南山居，笑談解人頤，分我秋柏實，問言「歸何時？」衣冠污窮塵，苟得猶苦飢，低徊歲已晚，恐負平生期！

秋日不可見

秋日不可見，林端但餘黃，杖藜思平野，俛仰畏無光。栗栗澗谷風，吹我衣與裳；娟娟空山月，照我冠上霜。

騏驎在霜野

騏驎在霜野，低徊向衰草，入櫪聞秋風，悲鳴思長道。黃金作鞭轡，粲粲空外好，人生貴得意，不必恨枯槁！

悲哉孔子沒

悲哉孔子沒，千歲無麒麟，蚩蚩盡鉏商，此物誰能珍？漢武得一角，燔烹誣鬼神，更以鑄黃金，傳夸後世人。

秋庭午吏散

秋庭午吏散，予亦歸息偃，豈無嘉賓客，欲往心獨懶。北窗古人篇，一讀三四反，悲哉不蚤計，失道行晡晚！

秋日在梧桐

秋日在梧桐，轉陰如急轂，冥冥蔽中庭，下視今可暴。高蟬不復嘒，稍得寒鷗宿，百歲有衰翁，行歌待春綠。

我欲往滄海

我欲往滄海，客來自河源。手探囊中膠，救此千載渾。我語「客徒爾，當還治崑崙。」嘆且謝「不能。」相看涕飜盆；客止我且往，濯髮扶桑根。春風吹我舟，萬里空目存。

前日石上松

前日石上松，斲移沙水際。青青折釵股，俯映幽人砌。蟠根今豈茂，落子還蒼翠。三年一楮葉，世事真期費。

日出堂上飲

日出堂上飲，日西未云休。主人笑而歌。客子嘆以憊。指此「堂上柱，始生在巖幽，雨露飽所滋，凌雲亦千秋。所託願求久，何言值君收，乃令卑濕地，百蟻上窮咬。丹青空外好，鎮壓已堪憂。爲君重去之，不使一蟻留。蟻力雖云小，能生萬蚍蜉，又能高其礎，不爾繼者穠。」語客「且勿然，百年等浮漚。」爲客當酌酒，何豫主人謀。

卷九 古詩

孔子

聖人道大能亦博，學者所得皆秋毫。雖傳古未有孔子，蠅螻何足知天高。桓魋武叔不量力，欲撓一草搖蟠桃。顏回已自不可測，至死鑽仰忘身勞。

揚雄二一首

子雲游天祿，華藻銳初學。覃思晚有得，晦顯無適莫。寒食鄒魯後，於此歸先覺。豈嘗知符命，何苦自投閣。長安諸愚儒，操行自爲薄。謗嘲出異已，傳載因疏略。孟軻勸伐燕，伊尹干說毫。叩馬觸兵鋒，食牛要祿爵。少知羞不爲，況彼皆卓犖。史官蔽多聞，自古喜穿鑿。

子雲平生人莫知，知者乃獨稱其辭；今尊子雲者皆是，得子雲心亦無幾。聖賢樹立自有師，人知不知無爲俗人賤，今常貴古，子雲今存誰女數？

漢文帝

輕刑死人衆，喪短生者偷，仁孝自此薄，哀哉不能謀。露臺惜百金，灑陵無高丘，錢恩施一時，長患被九州。

秦始皇

天方獵中原，狐兔在所憎，傷哉六孱王，當此鸞鳥磨，搏取已掃地，翰飛尚憑凌。遊將跨蓬萊，以海爲丘陵，勤石頌功德，羣臣助驕矜。舉世不讀易，但以刑名稱。蚩蚩彼少子，何用辨堅冰？

韓信

韓信寄食常歉然，邂逅漂母能哀憐，當時噲等何由伍？但有淮陰惡少年。誰道蕭曹刀筆吏，從容一語知人意，壇上平明大將旗，舉軍盡驚王不疑。揀兵半楚灘，半沙（一作揀兵擊楚灘半涉）從初龍且聞信怯，鴻溝天下已橫分，談笑重來卷楚氣，但以怯名終得羽，誰爲孔費兩將軍？

叔孫通

先生秦博士，秦禮頗能熟；量主欲有爲，兩生皆不欲。草具一王儀，羣豪果知肅；黃金旣徧賜，短衣亦已續。儒術自此凋，何爲反初服？

東方朔

平原狂先生，隱翳世上塵，材多不可數，射覆亦絕倫。談辭最詭怪，發口如有神，以待親幸，賜子頗不貧。金玉本光瑩，泥沙豈能堙，時時一悟主，驚動漢庭臣。不肯下兒童，敢言詆平津，何知夷與惠，空復忤時人！

楊劉

人各有是非，犯時爲患害。唯詩以譎諫，言者得無悔。汾王昔監謗，騷雅今尙載。末俗忌諱繁，此理甯復在。南山詠種豆，議法過四罪。文都戲桃花，母子受顛沛。疑似已如此，況欲諄諄誨。事變故不同，楊劉可爲戒。

恭倉

位在萬乘師，孟軻猶不遇。豈云貧與賤，世道非吾趣。意行天下福，事忤由然去。命也固有在，臧倉汝何與。

田單

得王萬乘齊，走死區區燕。田單一卽墨，掃敵如風旋。舞鳥怪不測，騰牛怒無前。飄飄樂毅去，磊砢功名傳。掘墓與剽降，論乃愧儒先。深誠可奮士，王蠃豈非賢。

戴不勝

昔在宋王所，皆非薛居州。區區一不勝，幸苦亦何求。懷祿詎有恥，知命乃無憂。此士自可憐，能復識此不。

陸忠州

虞人以士招，御者與射比。當時尙養爲，況乃天下士。英英陸忠州，學問難明智。低徊得坎壈，動筆終不遂。

張元行

君不聞開元盛天子，糾合舊僚披姦猖。幾年辛苦補四海，始得完好無疽瘡。一朝寄託誰家子，咸福顛倒那復理。那知赤子偏愁毒，祇見狂胡倉卒起。茫茫孤行西萬里，偪仄歸來竟憂死。子孫險不失故物，社稷陵夷從此始。由來犬羊著冠坐廟堂，安得四鄙無豺狼。

招送行效張籍

一車南，一車北，身世忽忽俱有役。憶昔論心兩湖縲，那知相送不得留。但聞馬嘶覺已遠，欲望應須上前坂。秋風忽起吹泥塵，雙目空回不見人。

陰漫漫行

愁雲怒風相追逐，青山滅沒滄江裏。少留燈火就空床，更聽波濤圍野屋。憶昨踏雪度長安，夜宿木溜還苦寒。誰云當春便妍暖，十日九入陰漫漫。

一日歸行

賤翁奔走食與衣，百日奔走一日歸。平生歡意苦不盡，正欲老大相因依。空房蕭瑟施繡帷，青燈半夜哭聲稀。音容想像今何處，地下相逢果是非？

泚水

泚水無情日夜流，不肯爲我少淹留。相逢故人昨夜去，不知今日到何州。州州人物不相似，處處蟬鳴令客愁。可憐南北意不就，二十起家今白頭。

陰山畫虎圖

陰山健兒鞭羆尾，走勢能追北風及。透迤一虎出馬前，白羽橫穿更人立。回旗倒戟四邊動，抽矢當前放蹄入。爪牙踴躍不得形，磧上流丹看來濕。胡天朔漠殺氣高，煙雲萬里埋弓刀。穹廬無工可貌此，漢使自解丹青包。堂上絹素開欲裂，一見猶能動毛髮。低徊使我思古人，此地搏兵走戎羯。禽逃獸遁亦蕭然，豈若封疆今晏眠。契丹弋獵漢耕作，飛將自老南山邊。還能射虎隨少年。

杜甫畫像

吾觀少陵詩，爲與元氣侔。力能排天幹九地，壯顏毅色不可求。浩蕩八極中，生物豈不稠。醜妍巨細千萬殊，竟莫見以何雕鏤。惜哉命之窮，顛倒不見收。青衫老更斥，餓走半九州。瘦妻僵前子仆後，攘攘盜賊舂戈矛。吟哦當此時，不廢朝廷憂。常願天子聖，大臣各伊周。宵令吾廬獨破受凍死，不忍四海寒飈颼。傷屯悼屈止一身，嗟時

之人死所羞。所以見公畫，再拜涕泗流。惟公之心古亦少，願起公死從之游。

吳長文新得顏公壞碑

魯公之書既絕倫，歲久更爲時所珍。荒壇壞冢朽崖屋，剝落風雨埋腥塵。斷碑數尺誰所得，點畫入紙完如新。延陵公子好事者，拓取持寄情相親。六書篆籀數變改，訓詁後世多失真。誰初妄鑿許異體，坐使學士勞骸筋。堂堂魯公勇且仁，出遇世難親經綸。揮毫卓犖又驚俗，豈亦以此誇常民。但疑技巧有天得，不必勉強方通神。詩歌甘棠美召伯，愛惜蔽芾由思人。時危忠誼常恨少，寶此勿復令埋堙。

答揚州劉原甫（因君古人風更欲投五百言）

少食苦不足，一官聊自謀。爲生晚更拙，懷祿尚遲留。黽勉詎有補，強顏包衆羞。謂我古人風，知君以相優。君實高世才，主恩正綢繆。嗚矣哀此民，華簪寔易投。

寄岳州張使君

昔人甯飲建業水，共道不食武昌魚。公來建業每自如，亦復不厭武昌居。武昌山川今可想，綠水逶迤煙莽蒼。白鷗晴飛隨兩槳，岸蘼葺葺映魚網。投老留連陌上塵，思公一語由何往。

送元厚之待制知福州

海隅山谷閒，人物最多處。平旦息相吹，連城馱如霧。閩王舊宮室，丹漆美無度。今爲大帥府，千里來赴愬。元侯文章翁，更以吏能著。峨峨中天閣，鳴玉新改步。銜詔出梨嶺，方爲遠人慕。旌旗滿流水，冠蓋東門駐。四坐共咨嗟，疑侯不當去。張仲稱孝友，樊侯正求助。名城雖云樂，行矣未宜遽。

悼四明村蕪

杜生四五十，孝友稱鄉里。隱約不外求，耕桑有妻子。藜杖牧鷄豚，筠筒釣鮪鯉。歲時沽酒歸，亦不乏甘旨。天

涯一杯飯，夙昔相逢喜。談辭足詩書，篇詠又清泚。都城問越客，安否常在耳。日月未巢央，如何棄子死。古風久凋零，好學少爲己。悲哉四明山，此士今已矣。

哭梅聖俞

詩行於世先。春秋國風變，衰始柏舟。文辭感激多所愛，律呂尚可諧鳴球。先王澤竭士已偷，紛紛作者始可羞。其聲與節急以浮，真人當天施再流。篤生梅公應時求，頌歌文武功華優。經奇緯麗散九州，衆皆少銳老則不。翁獨辛苦不能休，惜無采者人名道。貴人憐公青兩眸，吹噓可使高岑樓。坐令隱約不見收，空能乞錢助饋糶。疑此有物司諸幽，棲棲孔孟葬魯鄒。後始卓犖稱軻丘，聖賢與命相楯矛。勢欲強達誠無由，詩人況又多窮愁。李杜亦不爲公候，公窺窮陋以身投。坎軻坐老當誰尤，吁嗟豈卽非善謀。虎豹雖死皮終留，飄然載喪下陰溝。粉書軸幅懸無旒，高堂萬里哀白頭。東望使我高聲謳。

遊章義寺

九日章義寺，倦遊因解纜。拂榻寄午夢，起尋北山椒。岑巖鳥絕迹，悲鳴唯一鴞。歡言與僧期，於此共簞瓢。斬松入九根，窗壁具一朝。伏檻何所見，蒼蒼圍寂寥。巖谷寒更靜，水泉清不搖。安得有車馬，尚無漁與樵。伸茂真觀復，心明衆塵消。陰嶺有嘉客，儻來不須招。

飯祈澤寺

駕言東南遊，午飯投僧館。山白梅蕊長，林黃柳芽短。寒簷沙際來，略徇桑閒斷。春映一川明，雪消千壑漫。魚隨竹影浮，鳥誤人聲散。翫物豈能留，干時吾自懶。

答瑞新十遠

遠水悠然碧，遠山天際蒼。中有山水人，寄我十遠章。我時在高樓，徙倚觀八荒。亦復有遠意，千載不相忘。

送文學士倅邛州

文翁出治蜀，蜀士始文章。司馬唱成都，嗣音得王揚。學漢守孫，千秋起相。操筆賦上林，脫巾選爲郎。擁書天祿閣，奇字校偏傍。忽乘駟馬車，牛酒過故鄉。時平無譴劾，不訪碧雞祥。問君行何爲，關隴正繁霜。中和助宣布，循吏綴前茅。豈特爲親榮，區區夸一方。

送宋中道倅洛川

漳水不灌鄴，不知幾何時。後世有史起，乃能爲可爲。余嘗憐洛民，烏鹵半不治。頗覺漳可引，但爲談者嗤。高議不同俗，功成人始思。夫子到官日，勿忘吾此詩。

送張公儀宰安豐

楚客來時鴈爲伴，歸期祇待春冰泮。鴈飛南北三兩回，回首湖山空夢亂。秘書一官聊自慰，安豐百里誰復歎。揚鞭去去及芳時，毒酒千觴花爛漫。

送陳諤

有司昔者患不公，翻名騰書今故密。論才相若子獨棄，外物有命真難必。鄉閭孝友莫如子，我願卜隣非一日。朱門奔奔行多慚，歸矣無爲惡蓬華。

送孫長倩歸歸州

溪澗得雨潦，奔溢不可航。江海收百川，浩浩誰能量。溪澗之日短，江海之日長。願生畜道德，江海以自方！

送喬執中秀才歸高郵

薄飯午不羹，空爐夜無炭。寥寥日避席，烈烈風欺幔。謂子勿惡此，何爲向子歎。長年客塵沙，無婦助親爨。寒暄慰白首，我弟纔將冠。迨迨歲又晚，想見淮湖漫。古人一日養，不以三公換。田園在戮力，且欲歸鋤灌。行矣子誠

然，光陰未宜翫！負米力有餘，能無讀書伴？

雲山詩送正之

雲山參差碧，相圍溪水詰。曲帶城隍，溪窮壤斷。至者誰？予獨與子相諧熙。山城之西，鼓吹悲，水風蕭蕭不滿旗。子今去，此來無時，子有不可誰子規。

卷十 古詩

和甫如京師微之置酒

季子將北征，貂裘解亭皋。使君擁鳴騶，出錢載酒醪。作詩寵行色，坐客多賢豪。信知大夫才，能賦在登高。陟圯憂未已，強歌反哀號。問言「歸何時？」一逮此冬風饒。「川塗良阻脩，篋轡慎所操。黃屋初啓聖，萬靈歸一陶。詢謀及疎賤，拔取皆時髦。往矣果有合，可辭州縣勞。」

別孫莘老

逢原未熟我，已與子相知。自吾得逢原，知子更不疑！把手湖上舟，望子欲歸時。茫然乃分散，獨背東南馳。寥寥西城居，邂逅與子期。鷄鳴入省門，朱墨來紛披。舍意不自得，強顏聊爾爲。會合常在夜，青燈照書詩。往往並衾語，至明不言疲。忽忽捨我去，使我當從誰？送子不出門，我身方羈縻。我心得自如，今與子相隨。隨子至湖上，逢原所嘗嬉。想見荷葉盡，北風卷寒漪。已懷今日愁，更念昔日悲。相逢亦何有？但有鏡中絲。

寄丁中允寶臣

入先九州閒，泛泛水中木。漂浮隨風波，邂逅得相觸。始我與夫子，得官同一州。相逢皆偶然，情義乃綢繆。我於人事疎，而子久矣修。磨礱以成我，德大不可羈。乖離今六年，念子未嘗休。豈不道相逢，但得頃刻留。歡喜不滿

顏，長年拘離憂。古人有所思，千里駕車牛，如何咫尺間，而不與子遊？顧惜五斗米，無辜自拘囚！念彼磊落者，心顏兩漸羞。剡山碧榛榛，剡水日夜流，山行苦無曦，水淺亦可舟。使君子所善，來檄自可求，何時子來意，待子南山頭！

示平甫弟

休渠西受崑崙水，五月奔湍射黃天，高淮夜入忽倒流，碣岸相看欲生鬚。萬橋如山屹不動，嗟我仲子行亦止，自聞留連且一月，每得問訊猶千里。老工取河天上落，伏礫遶沙卷無底，土橋立馬望城東，數日知有相逢喜。牆隅返照媚槐穀，池面過雨蘇篁葦，欣然把手相與閑，所願此時無一詭，豈無他憂能老我，付與天地從今始。閉門爲謝載酒人，外慕紛紛吾已矣！

懷北山送勝上人

蒼藤翠木江南山，激激流水兩山間，山高水深魚鳥樂，車馬跡絕人長閑。雲埋樵磴隔蔥蒨，月弄釣影臨潺湲。黃塵滿眼衣可濯，夢寐惆悵何時還？

相國寺啓同天節道場行香院觀戲者

侏優戲場中，一貴復一賤；心知本自同，所以無欣怨。

馬上轉韻

三月楊花迷眼白，四月柳條空老碧，年光如水儘東流，風物看看又到秋。人世百年能幾許，何須戚戚長辛苦？富貴功名自有時，算瓢掙茹亦山雌。

乙巳九月登冶城作

欲尋鍾山岑，因知冶城路，躋攀隱木杪，稍記曾遊處。紅沉渚上日，蒼起榛中霧；卽事有哀傷，山川自如故！

過劉貢甫

去年約子遊山陂，今者仍爲大梁客。天旋日月不少留，稱意人閒宵易得。天明徑欲相就語，雲雪填城萬家白。冬風吹鬣馬更驕，一出何由問行迹。能言奇字世已少，終欲追攀豈辭劇。枕中鴻寶舊所傳，飲我甯辭酒或索。吾願與子同醉醒，顏狀雖殊心不隔。故知今有可憐人，回首紛紛斗筭窄。

估玉

潼關西山古藍田，有氣鬱鬱高拄天。雄虹雌霓相結纏，晝夜不散非雲煙。秦人披斤上其巖，視氣所出深鑿鑄，得物盈尺方且堅。以斤試叩聲泠然，持歸市上求百錢。人皆疑嗟莫愛憐，大梁老估聞不眠。操金喜取走踴躍，深藏牢包三十年。光怪鄰里驚相傳，欲獻天子無由緣。朝廷時日鍾鼓縣，呼工琢走寘神筵。玉材細鑽不中權，賈孫抱物詔使前。紅羅複疊怕紫塵，發視紺碧光屬聯。詔問與價富幾千，衆工讓口無敢先。嗟我豈識真（一作死）與全。

信都公家白兔

水精爲宮玉爲田，姮娥縮衣洗朱鉉。宮中老兔非日浴，天使潔白宜嬋娟。揚鬚彈足桂樹間，桂花如霜亂後前。赤鷄相逐窺不得，空疑兩瞳射日丹。東西跳梁自長久，天畢橫施亦何有。憑光下視置罔繁，衣褐紛紛漫回首。去年驚墜滌山雲，出入虛莽猶無羣。奇毛難藏果亦得，千里今以窮歸君。空衢險幽不可返，食君庭除嗟亦窘。令子得爲此免謀，豐草長林且遊衍。

車螯二一首

車螯肉甚美，由美得烹燂。殼以無味棄，棄之能久存。予嘗憐其肉，柔弱甘咀吞。又嘗怪其殼，有功不見論。醉客快一噉，散投牆壁根。甯能爲收拾，持用訊醫門。

一一

軍餐肉之弱，恃設保厥身，自非身有求，不敢微啓唇。尚恐獨者得，泥沙常埋堙，往往湯火間，身盡殼空存。維海錯萬物，口牙且咀吞，爾無如彼何，可畏甯獨人。無爲久自苦，含匿不暴陳，豁然從所如，游蕩四海溷。清波躍其汗，白日曬其昏，死生或有在，豈遽得烹燂。

與平甫同賦槐

冰雪泊楚岸，萬株同飄零。春風都城居，初見葉青青。歲行如車輪，蔭翳忽滿庭。秋子今在眼，何時動江舲。

甘棠梨

甘棠詩所歌，自足誇衆果。愛其凌秋霜，萬玉懸磊砢。閔夫盛採摘，市賈爭包裹。車輪動盈箱，舟載輒連柁。朝分不知數，暮在知幾顆。但使甘有餘，何傷小而橢。主人捐千金，釘短留四坐。柑棹與橙棗，在口亦云可。都城紛華地，內熱易生火。問客當此時，蠲煩孰如我。

獨山梅花

獨山梅花何所似，半開半謝荆棘中。美人零落依草木，志士顛頓守蒿蓬。亭亭孤豔帶寒日，漠漠遠香隨野風。移栽不得根欲老，回首上林顏色空。

同昌叔賦鴈奴

鴈鴈無定棲，隨陽以南北。嗟哉此爲奴，至性能懇惻。人將伺其殆，奴輒告之亟。舉羣寤而飛，機巧所無得。夜或以火取，奴鳴火因匿。頻驚莫我捕，願謂奴不直。嗷嗷身百憂，泯泯衆一息。相隨入罾繳，豈不聽者惑。偷安與受給，自古有亡國。君看鴈奴篇，禍福甚明白。

老樹

去年北風吹瓦裂，牆頭老樹凍欲折。蒼葉蔽屈忽扶疎，野禽從此相與居。禽鳴無時不可數，雌雄各自應律。

呂，我牀撥書當午眠，能驚我眠聒我語。古詩烏鳴山更幽，我念不若鳴聲收；但憂此物一朝去，狂風還來欺老樹。

賦東得燭字

種桃昔所傳，種棗予所欲，在實爲美果，論材又良木。餘甘入鄰家，尙得饒婦逐，況余秋盤中，快噉取饜足。風包墮朱繪，日顆皺紅玉，贄享古已然，幽詩自宜錄。絢懷青齊間，萬樹蔭平陸，誰云食之昏，匿知乃成俗。廣庭觴聖壽，以此參肴蕪，願比赤心投，皇明儻子燭？

飛鴈

鴈飛冥冥時下泊，稻梁雖少江湖樂，人生何必慕輕肥，辛苦將身到沙漠。漢時蘇武與張騫，萬里生還值偶然，丈夫許國當如此，男子辭親亦可憐！

寓言九首

誦誦古之士，出必見禮樂，羣游與羣飲，仁義待揚搯。心疲歇舞荒，耳聒米鹽濁，所以後世賢，絕俗乃爲學！

二

不得君子居，而與小人游，疵瑕不相摩，况乃溷黷稠。高語不敢出，鄙辭弱顏辭，始云避世患，自覺日已偷。如傳一齊人，以萬楚人咻，云復學齊言，定復不可求。仁義多在野，欲從苦淹留，不悲道難行，所悲累身修。

三

周公歌七月，耕稼乃王術，宣王追祖宗，考牧與宮室。甘棠能聽訟，召伯聖人匹，後生論常高，於世復何實？

四

婚喪孰不供，貸錢免爾縈，耕收孰不給，傾粟助之生。物贏我收之，物窘出使營，後世不務此，區區控兼井。

五

正觀業萬世，經營豈非艱？其子一搖之，宗廟靈幾殫！開元始聰明，一肯葬岷山；功高後毀易，德薄人存難。

六

言失於須臾，百世不可除；行失几席間，惡名滿八區。百年養不足，一日毀有餘；諒彼取不仁，戒哉惟厥初！

七

鐘鼓非樂本，本末猶相因；仁聲入人深，孟子言之醇。如何正觀君，從古同隋陳；風俗不粹美，惜哉世無臣！

八

遊鯨厭海濁，出戲清江湄；風濤助翻騰，網罟不敢窺。失身洲渚間，螻蟻乘其機；物大苦易窮，一窮無所歸。

九

猛虎臥草間，羣鳥從噪之；萬物忌強梁，富獨以其私。虎終機械得，鳥亦彈丸隨；山鷄不忤物，默與鳳凰期。

舟中讀書

冉冉木葉下，蕭蕭山水秋；浮雲帶田野，落日抱汀洲。歸臥無與語，出門何所求；未能忘感慨，聊以古人謀。

和王樂道進士試卷

文章始隋唐，進取歸一律；安知鴻都事，竟用程人物；變今嗟未能，於己空自咄。流波亦已漫，高論常見屈；故令傲儻士，往往棄堦鬱。舉陶叙九德，固有知人術；聖世欲爾爲，徐觀異人出。

自訟

孔子見南子，子路爲不怡；欲從公山氏，勃鬱見色辭。道如天之蒼，萬物不能緇；弟子尙不信，況余乏才資。明知古人仁，語默各有時；苟出不自慎，果爲聽者疑。白圭尙有磨，駟馬猶能追；一言成不智，雖悔欲何爲？

彼狂

上古杳默無人聲，日月不忒山川平。人與鳥獸相隨行，祖孫一死十百生。萬物不給乃相兵。伏羲畫法作後程，漁蟲獵獸寬羣爭。勢不得已當經營，非以示世爲聰明。方分類別物有名，夸賢尙功列恥榮。蠱僞日巧雕元精，至言一出衆輒驚。上智閉匿不敢成，因時就俗救則黥。惜哉彼狂以文鳴，強取色樂要聲盲。震蕩沈濁終無清，詭徒亂聖人氓。豈若泯默死蠶耕？

衆人

衆人紛紛何足競，是非吾喜非吾病？頌聲交作萃豈賢，四國流言且猶聖。唯聖人能輕重人，不能銖兩爲千鈞，乃知輕重不在彼，要之美惡由吾身。

卷十一 古詩

寄題鄂州白雲樓

折楊黃華笑者多，陽春白雪和者少。知音四海無幾人，況乃區區鄂中小？千載相傳始欲慕，一時獨唱誰能曉？古心以此分冥冥，俚耳至今徒擾擾。朱樓碧瓦何年有，榷桷連空欲驚矯。鄂人爛漫醉浮雲，鄧女參差躡飛鳥。丘墟餘響難再得，欄檻茲名復誰表？我來欲歌聲更吞，石城寒江暮雲繞。

聖俞爲狄梁公作詩要予同作

虎豹不食子，鷄臯不乘羣。人惡甚鳥獸，吾能與成功。愛有以計留，去有勢不容。吾謀適合意，幾亦齒茲銘！時風淪九泉，褒取異代忠。堂堂社稷臣，近世孰如公。空使苗裔稱，稱揚得詩翁。一讀亦使我，慨然想餘風。

蒙亭

隱者委所逢，在物無不足。山林與城市，語道歸一轍。詩人論巨細，此指尙局束。頗知區區者，自屏忍所欲。孰

識古之人超然遺耳目，豈於喧與靜趣舍有偏獨？命亭今何爲，似乃畏驚俗。至意不標提，小名聊自屬。夏風蒼楹寒，冬雪隍戶煥。春樊亂梅柳，秋徑深松菊。壺觴日笑傲，裙屣相追逐。此樂已難言，持琴作新曲。

和王樂道烘虱

秋水汗流如炙輮，敝衣濕蒸塵垢沲。施施衆蟲當此時，擇肉甘於虎復餓。咀嗜侵膚未云已，爬搔次骨終無那。那時時對客輒自捫，千百所除纔幾箇。皮毛得氣強復活，爪甲流丹真暫破。未能湯沐取一空，且以火攻令少挫。踞爐熾炭已不暇，對竈張衣誠未過。飄零乍若蛾赴燈，驚擾端如蟻旋磨。欲毆百惡死焦灼，肯貸一凶生棄播。已觀細黠無所容，未放老奸終不墮。然臍膠塢患溢世，焚寶鹿臺身易貨。冢中燎入化秦屍，池上燬隨遷秦坐。彼皆勢極就煙埃，況汝命輕倖涕唾。逃藏壞絮尚欲索，埋沒死灰誰復課。一本無此八句。薰心得禍爾莫悔，爛額收功吾可賀。猶殘衆蟻恨未除，自計甯能久安臥。

和聖俞農具詩十五首

田廬

田父結田廬，聊容一身息。呼兒取茅竹，不借鄉人力。起行廬旁朝，歸臥廬下夕。悠悠各有願，勿笑田廬窄！

樵斧

百金聚一冶，所賦以所遭。此豈異莫耶，奈何獨當樵？朝出在人手，暮歸在人腰。用捨各有時，此日兩無遺。

耕牛

朝耕草茫茫，暮耕水滸滸。朝耕及露下，暮耕連月出。自無一毛利，主有千箱寶。院彼天上星，空名豈余匹？

水車

取車當要津，膏潤及遠野。與天常幹旋，如雨自濼瀉。置心亦何有，在物偶相假。此理乃可言，安得圓機者？

牧笛

綠草無端倪，牛羊在平地。芊綿杳靄間，落日一橫吹。超遙送逸響，澆漫寫真意。豈比賣錫人，吹簫販童稚？

颺扇

精良止如留，疏惡去如擯。如擯非爾憎，如留豈吾吝？無心以擇物，誰喜亦誰愠？翁乎勤簸颺，可使糠粃盡。

田漏

占星昏晚中，寒暑已下疑。田家更置漏，寸晷亦欲知。汗與水俱滴，身隨陰屢移。誰當哀此勞，往往奪其時！

牛衣

百獸冬自暖，獨牛非毳毛。無衣與辛歲，坐恐得空牢！主人覆護恩，豈啻一綈袍。問爾何以報？離離滿東臯。

樓種

富家種論石，貧家種論斗。富貧同一時，傾瀉應心手。行看萬壟空，坐使千箱有。利物博如此，何慚在牛後？

耒耜

耒耜見於易，聖人取風雷。不有仁智兼，利端誰與開？神農后稷死，般爾相尋來。山林盡百巧，採斲無良材。

歲錢鏹

於易見耒耜，於詩聞錢鏹。百工聖人爲，此最功不薄。欲收禾黍善，先去蒿萊惡。願同歌器悟，更使臣工作。

耨耨

鍛金以爲曲，揉木以爲直。直曲相後先，心手始兩得。秦人望屋食，以此當金革。君勿易耨耨，耨耨勝鋒鏑。

襪襪

采采霜露下，披披煙雨中。蒲茅以爲友，短褐相與同。勿妬市門人，綺紈被奴僮。當慙邊城戍，擐甲徂春冬。

臺笠（史記索隱謂葦累立也）

耕有春雨濡，耘有秋陽暴。二物應時須，九州同我服。欲爲生少慕，得此自云足。君思周伯陽，所願豈華轂？
耘鼓

逢逢戲場聲，壤壤戰時伍。日落未云休，田家亦良苦。問兒今壘上，聽此何莽鹵。昨日應官繇，州前看歌舞。

次韻酬微之贈池紙并詩

微之出守秋浦時，稚冰看搏萬穀皮。波工龜手吃今樣，魚網肯數荊州池。霜紈奪色買不售，虹玉喪氣山無輝。方船穩載獻天子，善價徐取供吾私。十年零落尙自一，持以贈我隨清詩。君甯久寄金穀地，方執賜筆磨坊竊。當留此物朝上國，日侍帝側書新儀。不然名山副史本，褒拔元凱誅窮奇。咨予文章非世用，畫鏤空爾糜冰脂。揮毫才足記姓字，竊學又恥從師宜。忽忽點汗亦何忍，嘉貺但覺難爲辭。篇終有意責趙璧，窮國恐誤連城歸。傾囊倒篋聊一報，安敢坐以秦爲雌。

酬沖卿月晦夜有感

夜雲不見天，況乃星與月。蕭蕭暗塵走，坎坎寒更發。樓歌客尙飲，酪酎不畏雪。巷哭復有人，鄰風送幽咽。紛然各所遇，悲喜孰優劣。君方感莊周，浩蕩擺羈縲。歸來亦置酒，玉指調絃撥。獨我坐無爲，青燈對明滅。

送子思兄參惠州軍

云云曲江水，天借九秋色。樓臺飛半空，秀氣盤韶石。載酒填里閭，吹花換朝夕。笙簫震河漢，錦繡爛冠幘。地靈瘴癘絕，人物傾南極。先朝有名臣，臥理訟隨息。稍稍延諸生，談笑與賓客。子來適妙年，謁入交履舄。寂寥九齡後，此獨望一國。虞翻禮下汜，韓愈俟趙德。孤岸鎮頰波，俗流未易識。我方文葆中，旋逐旌旗蹟。去思今豈忘，耳目熟遺迹。吏舍殷勤言，僂仰問乖隔。當時府中兒，侵尋髮邊白。下帷雖著書，不揀寒饑迫。謂宜門闌士，宦路久頹赫。

奈何猶差池，更捧丞掾檄。驥摧千里蹄，鵬墮九霄翮。人生無巧愚，天運有通塞。試觀馳騁人，意氣宇宙窄。榮華去路塵，謗辱與山積。優游祿仕間，較計誰失得。送君強成歌，跼踖翻感激。

送董伯巖歸吉州

我來以喪歸，君至因謫徙。蒼黃憂患中，邂逅遇於此。去年服初除，聽教相助喜。看君數歸月，但眉雨三指。茫然冬更秋，一笑非願始。籃輿楊柳下，明月芙蓉水。僮僕屢闌門，客罷方隱几。是非評衆詩，成敗斷前史。時時對弈石，漫漫爭生死。送迎皆幅巾，設食但陳米。亦曾戲篇章，揮翰疾蒿矢。君豪才有餘，我老慙先止。東城景陽陌，南望長干紫。欲斷三畝蔬，於焉寄殘齒。經過許後日，唱和猶在耳。新恩忽捨我，欣悵生彼己。江湖北風帆，捩柁卽千里。相逢知何時，莫惜縑與紙。

八月十九日試院夢冲卿

空庭得秋長漫漫，寒露入幕愁衣單。喧喧人語已成市，白日未到扶桑間。永懷所好卻成夢，玉色髣髴開心顏。逆知後應不復隔，談笑明月相與閒。

平甫歸歛

無田士相弔，亦以廢燕樂。我官雖在朝，得飲乃不數。詩書向牆戶，賓至無杯杓。空取上古言，酌之等糟粕。有如揚子雲，歲晚天祿閣。但無載酒人，識字真未博。叔今歸自東，一笑堂上酌。緒餘不及客，兒女聊相酢。高談非世歡，自慰亦不惡。寄言繁華子，此趣由來各。

答陳正叔

天馬志萬里，駕鹽不如閑。壯士困局京，不如棄之完。利行有阨轍，勢涉無恬瀾。明明千年羞，促促一日歡。孰肯避此世，引身取平寬。超然子有意，爲我歌考槃。子方慕孔氏，委吏久盤桓。得失未云殊，聊各趨所安。

過食新城藕

他年過食新城藕，枕藉船中載親友；今年却到經行處，獨坐昏煙對舞柳。甘酸向口無所適，牢落盤餐與樽酒。冰房玉節漫自好，欲御還休涕垂手。曾參宦學居常近，陽城離別初不久。人間此願兩未能，西風落日空迴首。

明州錢君倚衆樂亭

使君幕府開東部，名高海曲人知慕。艤船談笑政卽成，洗滌山川作嘉趣。平泉浩蕩銀河注，想見明星弄機杼。戴紗築戍天上路，投虹爲橋取孤嶼。掃除荆棘水中央，碧瓦朱甍隨指顧。春風滿城金版舫，來看置酒新亭上。百女吹笙採鳳悲，一夫伐鼓靈鼉壯。安期羨門相與遊，方丈蓬萊不更求。酒酣忽跨鯨魚去，陳迹空令此地留。

愛日

厲生陰沙春，冬息陽海滢。冥冥取南北，豈以食爲累？咨予愁病軀，朴鄙人所戲。無才治時難，量力當自棄。豈知塞上霜，飄然亦何事。高堂已白髮，愛日負明義。悲風吹平原，秣馬聊一偈。舍懷孰與語？仰屋思嘆喟。孟母知身從，萊妻取人制。一肉儻易謀，萬鍾非得計。

答裴煜道中見寄

君遊苦數歸，苦晚一驛險。有千里遠，知君陟降旦暮間。馬力不勁厭長坂，雨脚墜地花枝低。風頭入溪蒲葉偃，此處登臨不奈愁。瓊樹森森遮疊嶽。

餘寒

餘寒駕春風，入我征衣裳。捫鬢祇得凍，蔽面尙疑創。士耳恐猶墜，馬毛欲吹僵。牢持有失著，疾飲無留湯。瞳瞳扶桑日，出有萬里光。可憐當此時，不濕地上霜。冥冥鴻鴈飛，北望去成行。誰言有百鳥，此鳥知陰陽。豈時有必至，前識聖所臧。把酒謝高翰，我知思故鄉。

孤城

孤城回望（一作首）距幾何，記得好處常經過，最思東山煙樹色，更憶南湖秋水波。百年顛倒（一作三年飄忽）如夢寐，萬事乖隔（一作萬事感激）徒悲歌！應須飲酒不復道，今夜江頭明月多。

和微之藥名勸酒

赤車使者錦帳郎，從客珂馬留閑坊，紫芝眉宇傾一坐，笑語但聞雞舌香。藥名勸酒詩實好，陟釐爲我書數行。真珠的皪鳴糟牀，金罍琥珀正可嘗，使君子細看流光，莫惜覓醉衣淋浪，獨醒至死誠可傷！歡華易盡悲酸早，人間沒藥能醫老；寄言歌管衆少年，趁取烏頭未白前。

客至當飲酒二首

結屋在牆陰，閉門讀詩書，懷我平生友，山水異秦吳。杖藜出柴荆，豈無馬與車？窮通適異趣，談笑不相愉。豈復求古人，浩蕩與之俱，客至當飲酒，日月無根株。

二

天提兩輪光，環我屋角走，自從紅顏時，照我至白首。纍纍地上土，往往平安友，少年所種樹，礫石行復朽。古人有真意，獨在無好醜，冥冥誰與論？客至當飲酒！

乙未冬婦子病至春不已

天旋無窮走日月，青髮能禁幾回首，兒呻婦嘆冬復春，強欲笑歌難發口。黃卷幽尋非貴嗜，藜牀穩臥雖貧有，二物長乖亦可憐，一生所得猶多苟。

強起

寒堂耿不寐，輓輓聞車聲，不知誰家兒，先我霜上行。歎息夜未央，遽呼置前楹，推枕欲強起，問知星正明。昧

巨聖所勉，齋詩有雞鳴，嗟予以竊食，更覺負平生！

飲裴侯家

裴侯飲我日向中，四坐賓客顏皆紅，掃除高館邀我入，自出糶麥憐民窮。天邊眼力破萬里，桑麻冥冥山四起，野心探尋殊未已，更欲瀟衣北城水。忽見碧樹樓桃懸，下馬恣食不論錢，青星磊落入我眼，恐是半醉遊青天。裴侯方坐塵沙裏，役身救物當如此，我曾偶脫簿領閒，何忍愛惜一日閑。且歸拂席飽眠睡，明日更看滁南山。

送謝師宰赴任黃州

珠玉不自貴，故爲人所憐，賢愚亦如此，好惡有自然。聞子欲東南，使我抱幽恨，炎風沙土中，甘與子留連。大梁非無客，跪起廢食眠，相看獨不厭，以此知子賢。衰氣已難強，壯心方少年，才高豈易得，勗子在雕鏤。

二

崑崙一支流向東，七月八月船如風，愛君少壯此行樂，恨我留連成老翁。神頭兩岸水無窮，伏檻荷花滿地紅，當時不得君攜手，今日山川在眼中。

次韻遊山門寺 蔡文奇山

宣城百山間，文春尤奇峰，拔出飛鳥上，圖畫難爲容。聞昔有幽人，捫蘿追赤松，遺形此古室，孤坐鹿裘重。人去邈不反，洞壑空藏龍，側行蒼崖煙，俯仰求靈蹤。遊者如可得，甘棄萬戶封，安能久塵土，傾倒相迎逢。

車盤

海於天地間，萬物無不容，車盤記其一，埋沒沙水中。獨取常若易，衛生乏明聰，機緘誰使然，含蓄略相同。坐欲腸胃得，要令湯火攻，置之先生盤，噉客爲一空。蠻夏怪四坐，不論殺之功，傾藉堆左右，棄置任兒童。何當強收拾，持問大醫工。

瘡
浮陽燥欲出，陰濕與之戰。燥濕相留連，蟲出乃投間。搔膚血至股，解衣燎鑪炭。方其愜心時，更有無可患。呼醫急治之，莫惜千金散。有樂卽有苦，愜心非所願。

卷十二 古詩

和平甫舟中望九華山二首

楚越千萬山，雄奇此山兼。盤根雖巨壯，其末乃脩纖。去縣尙百里，側身勇前瞻。蕭條煙嵐上，縹緲浮青尖。徐行稍復還，所矚亦已添。精神去疊疊，氣象來漸漸。卸席取近岸，移船傍蒼蘂。窺觀坐窮晷，未覺晷刻淹。江空萬物息，四面波瀾恬。峨然九女鬢，爭出一鏡匳。臥送秋月沒，起看朝陽還。遊氣蕩無餘，瑣細得盡覘。陵空翠蘿直，照影寒鋸銛。冢木立紺髮，崖林張紫髯。變態生倏忽，雖神詎能占。當留老吾身，少駐誰云嬾。惜哉秦漢君，黃屋上青巖。等之事嬉遊，捨此何其廉。我疑二后荒，神物久已厭。埋藏不欲登昏檢，又疑封蔽固以爲謬。或是古史書，脫落簡與籤。當時備巡遊，今不在細縑。終南秦之望，泰山魯所詹。天王與秩祭，俎豆羅醴醢。苟能澤下民，維此遠亦沾。方今東南旱，土脈燥不黏。尙無膚寸功，豈免竊食嫌。神莽吾難知，士疴吾能破。文章巧傳會，智術工飛箝。薦寶互珪璧，論材自梗柎。苟以飾婦妾，謬云活蒼黔。豈如幽人樂，茲山謝閭閻。穴石作戶牖，垂泉當門藩。尋奇出後徑，覽勝倚前簷。超然往不返，與世徒咕咕。高興寄日月，千秋伴烏蟾。遐追商洛翁，秦火不能炎。近慕楚穆生，竟脫楚人鉗。吾意竊所尙，人謀諒難貪。

二

誰謂九華遠，吾身未嘗詹。唱篇每起子，子口安能緝。憶在秋浦北，空江上新蟾。光潔寫一鏡，迴環兩堤廡。露

坐引衣襟，風行歛帽簷。維舟當此時，巨細得盡瞻。試嘗論大略，次乃述微纖。此山廣以深，包畜萬物兼。噓雲吐霧，雨生育靡不漸。巍然如九皇，德澤四海濶。此山相後先，各出羣峰尖。毅然如九官，難立在堂廉。挺身百辟上，附麗無姦檢。此山高且寒，五月不覺炎。草樹萸已綠，冰霜尚涵淹。頽然如九老，白髮連蒼髯。此山當無雲，秀色鬱以添。姣然如九女，靚飾出重簾。瓊環與巾裙，紺玉青紉縑。遠之妍西施，近或醜無鹽。變態不可窮，詩者徒咕咕。我初勇一往，役世難安恬。浪荒不走職，民瘼常難砭。乖離今數旬，夢想欲窺覘。自期得所如，何甯釋囚鉗。念昔太白巔，下視海日暹。竭來天柱遊，展齒尚苔黏。猶之健飲食，風餐亦云饜。胡爲慕攀踏，已憊且不嫌。豈其仁智心，山水固所潛。男兒有所學，進退不在占。功名苟不諧，廊廟等閭閻。況乃掄椽杙，其誰辦榱椳。歸歟巖崖居，料理帶與篋。得石坐兀兀，逢泉飲厭厭。取舍斷在獨，豈必詢謀僉。子語實慰我，甯殊邑中黔。玉枝將在山，常倚以葭蒹。詩力我已屈，鋒銛子猶銛。扶復更一戰，語汝其無謙。

和中甫兄春日有感

雪釋沙輕馬蹄疾，北城可遊今暇日。饑饉溪谷水亂流，漠漠郊原草爭出。矯捷過雨吹爛熳，幽鳥迎陽語啾啾。分香欲滿錦樹園，剪綵休開寶刀室。胡爲我輩坐自苦，不念茲時去如失。飽聞高逸動車輪，甘臥空堂守經帙。淮蝗蔽天農久餓，卒圍城盜少逸。至尊深拱罷蕭韶，元老相看進刀筆。春風生物尚有意，壯士憂民豈無術。不成歡醉但悲歌，回首功名古難必。

信陵坊有籠山樂官

萬里山林姿，羽毛何璀璨。鳴聲應律呂，唯有知者愛。都門市井兒，誰翫汝文采。應須鎖樊籠，勿受丸矰害。

收鹽

州家飛符來比櫛，海中收鹽今復密。窮囚破屋正嗟秋，吏兵操舟去復出。海中諸島古不毛，島夷爲生今獨

勢不煎海水，餓死耳！誰肯坐守無亡逃？爾來賊盜往往有，劫殺賈客沈其艘。一民之生重天下，君子忍與爭秋毫。

省兵

有客語省兵，兵省非所先。方今將不擇，獨以兵乘邊。前攻已破散，後距方完堅。以衆亢彼寡，雖危猶幸全。將既非其才，議又不得專。兵少敢孰繼，胡來飲秦川。萬一雖不爾，省兵當何益？驕惰害已久，去歸豈能田。不田亦不桑，衣食猶兵然。省兵豈無時，施置有後前。王功所由起，古有七月篇。百官勤儉慈，勞者已息肩。游民慕草野，歲熟不在天。擇將付以職，省兵果有年。

發廩

先王有經制，頒賚上所行。後世不復古，貧窮三兼并。非民獨如此，爲國賴以成。築臺尊寡婦，入粟至公卿。我嘗不忍此，願見井地乎。大意苦未就，小官苟營營。三年住荒州，市有棄餓嬰。罵言發富藏，云以救鰥惻。崎嶇山谷間，百室無一盈。鄉亭已云然，搖弱安可生。茲地昔豐實，土沃人良耕。他州或皆竄，貧富不難評。函詩出周公，根本詎宜輕。願書七月篇，一寤上聰明。

感事

賤子昔在野，心哀此黔首。豐年不飽食，水旱尙何有。雖無剽盜起，萬一且不久。特愁吏之爲，十室被八九。原田敗粟麥，欲訴嗟無憖。聞闕幸見省，咎咎隨其後。況是交冬春，老弱就僵仆。州家閉倉庾，縣吏鞭租負。鄉鄰銖兩徵，坐逮空南敵。取費官一毫，菴桀已云富。彼昏方怡然，自謂民父母。竭來佐荒郡，懷慄常漸疾。昔之心所哀，今也執其咎。乘田聖所勅，況乃余之陋。內訟敢不勑，同憂在僚友。

美玉

美玉小瑕疵，國工猶珍之。大賢小玷缺，良交豈其絕。小缺可以補，小瑕可以磨。不補亦不磨，人爲奈爾何？

寄曾子固

吾少莫與合愛我君爲最。君名高山嶽，喝犍嵩與太。低心收恣友，似不讓塵搯；又如滄江水，不逆溝吠滄。君身揭日月，遇輒破氛靄；我材特窮空，無用補倉廩。謂宜從君久，垢污得洗汰。人生不可必，所願每顛沛。垂黜五年餘，牢落千里外，投身落俗奔，薄宦自鉗鉞。平居每自守，高論從誰丐。搖搖西南心，夢想與君會。思君挾奇璞，願售無良儉，窮閭抱幽憂，凶禍費襍綸。州窮吉士少，誰可增諸妹。仍聞病連月，醫藥誰可賴。家貧奉養狹，誰與通貨具。詩人刺曹公，賢者荷戈殺。奈何遭平時，德澤盛汪濊。鸞鳳鳴且下，萬羽來翾翾。呦呦林間鹿，爭出噬苹藟。乃令高世士，動輒遺狼狽。人事既難了，天理尤茫昧。聖賢多如此，自古云無奈。周人貴婦女，扁鵲名醫滯。今世無常勢，趨舍唯利害。而君信斯道，不閔身窮泰。棄捐人間樂，濯耳受天籟。諒知安肥甘，未求顧糠粃。龍螭雖蟠屈，不慕蛇蟬蛻。令人重感奮，意勇忘身葦。何由日親灸，病體同砭艾。功名未云合，歲月尤須愒。懷思切劇効，中夜淚滂霑。君嘗許過我，早晚治車馱。山溪雖峻惡，高眺發蒙昧。峰巒碧參差，木樹青曉藹。桐江路尤駛，飛槩下鳴瀨。魚村指暮火，酒舍瞻晨旆。清醪足消憂，玉釧行可險。行行願無留，日夕佇傾蓋。會將見顏色，不復謀著蔡。延陵古君子，議樂恥言鄒。細事豈足論，故欲論其大。技技發韃鞞，慄慄見戈銳。探深犯巖壁，破滅纒強媿。離行步荃蘭，偶坐陰松檜。宵床連衾幃，晝食共麪糲。茲歡何時合，清瘦見衣帶。作詩寄微誠，誠語無綵繪。

同杜史君飲城南

山公遊何處，白馬鳴翩翩。檀那十啟碧，五月浮寒煙。留客聽其間，風吹江海縣。執罇不見日，竹外空青天。焚蠟助月出，酒光發金船。狂客惜不去，醉翁舞回旋。何必吹簫人，玉枝自嬋娟。歸路借紅燭，雨星低馬前。

有感

憶昔與胡子，戲娛西城幽。放斥僕與馬，獨身步田疇。牛豎歌我旁，聽之爲久留。一接田父語，嘆之勝王侯。追

逐恨不恡，暮歸輒懷愁。願當輕千乘，祇願足一丘。子時怪我少，好此寂寞遊。笙簫不入耳，又不甘膠漆。那知抱孤傷，罷頓不能道。世味已鮮少，但餘野心稠。乖離今十年，班髮滿我頭。昔與亦略盡，食眠常百憂。每逢佳山水，欲往輒復休。方壯遂如此，況乃高春秋。

送孫叔康赴御史府

古人喜經綸，萬事慚強聒。時來上青冥，俯仰但一節。危言回丘山，聲利盡毫末。由來治亂體，宿昔心已達。肯隨俗好惡，議論輕自決。境風何寥寥，夢寐待豪傑。天書下東南，趣召赴嚴闕。長材晦朝倫，高行隱家閥。新除臚問章，宿蓮行施設。念吾非忘形，此理未易說。

別馬祕丞

作夷惡一世，季也皆鄉人。吾嘗論夫子，有似季之倫。人情路萬殊，近世頗荆榛。唯君避其間，坦坦得所循。意君誠愷悌，慕向從宿昔。奈何勿相懼，鷓首已云北。莓莓郊原青，漠漠風雨黑。冠蓋滿津亭，君今去何適。

到郡與同官（時停鄧州）

瀉碧沅橫帶郭，浮蒼鶴竄遙閣。草木猶疑夏鬱葱，風雲已見秋蕭索。荒歌野舞同醉醒，水果山肴互酬酢。自嫌多病少權顏，獨負嘉賓此時樂。

自鄧州追送朱氏女弟憩衡山館宿木齋僧舍明日度長安嶺至曉口

晨霜踐河梁，落日憩亭臯。念彼千里行，惻惻我心勞。攬轡上層岡，下臨百仞濠。寒流咽欲絕，魚鼈久已逃。暮行苦遶迴，細路隱蓬蒿。驚驛出馬前，為駭亡其曹。投僧避夜雨，古檠昏無膏。山木鳴四壁，疑身在波濤。平明長安嶺，飛雪忽滿袍。天低浮雲深，更覺所向高。

招同官遊東園

青青石上蘂，霜至亦已凋。冉冉水中蒲，爾生信無聊。感此歲云晚，欲懼念誰邀？嘉我二三子，爲回東城鑿。幽菊尙可泛，取魚繫榆條。毋爲百年憂，一日以逍遙。

九日隨家人遊東山遂遊東園

暑往詎幾時，涼歸亦云暫。相隨東山樂，及此身無憾。聊回清池梅，更伏荒城檻。采采黃金花，持盃爲君泛。

秋懷

城南平野寒多露，窗壁含風秋氣度。鄰桑槭槭已欲空，悲蟲啾啾促機杼。柴門半掩掃鳥迹，獨抱殘編與神遇。韓公旣去豈能追？孟子有來還不拒！

旣別羊王一君與同官會飲于城南因成寄（用藥名）

赤車使者白頭翁，當歸入見天門冬。與山久別悲忽忽，澤瀉半天河漢空。羊王不留行薄晚，酒肉從容追路遠。臨流黃昏席未卷，玉壺倒盡黃金盞。羅列當辭更繾綣，預知子不空青眼。嚴徐長卿誤推挽，老年揮翰天子苑。送車陸續隨子返，坐聽城雞腸宛轉。

試茗泉

此泉地何偏，陸羽曾未閱。坻沙光散射，靈乳甘潛洩。靈山不可見，嘉草何由啜？但有夢中人，相隨掬明月。

躍馬泉

古水縮蛟螭，憎山欲驟突。山祇來伐之，半嶺跳髻膝。玉河鳴塞空，組練光照日。崩騰赴不測，一路常萬匹。神戰異人間，千秋爲儻忽。泉旁往來客，夜寄幽人室。但聽鳴蕭蕭，何由見神物？

白紵山

白紵衆山頂，江湖所縈帶。浮雲卷晴明，可見九州外。肩輿上寒空，置酒故人會。峰巒張錦繡，草木吹竿籟。登

臨信地險，俯仰知天大，留歡薄日晚，起視飛鳥背。殘年苦局東，往事嗟摧壞！歌舞不可求，桓公井空在！

七星硯

余聞星墮地，往往化爲石，石上有七星，此理余莫測，持來當白日，光彩不爲匿，恍如起鴻蒙，俛仰帝垣側。當由偶然似，見取參筆墨，豪心蕩珍異，樂以萬金得。南工始爲僞，傳合巧無隙，亦時疑世人，故自有能識。

九鼎

禹行掘山走百谷，蛟龍竄藏魑魅伏，心誌幽妖尙覬隙，以金鑄鼎空九牧。冶雲赤天漲爲黑，韜風餘吹山拔木，鼎成聚觀變怪索，夜人行歌鬼晝哭。功施元元後無極，三姓衛守相傳屬，弱周無人有宜出，沈之九幽拆地軸。始皇區區求不得，空令神姦窺邑屋。

九井（得盈字）

涇崖涉澗三十里，高下犖確無人耕，捫蘿挽葛到山趾，仰見吹瀉何崢嶸。餘聲投林欲風雨，末勢卷土猶溪阮，飛蟲凌兢走獸慄，霜雪夏落雷冬鳴。野人往往見神物，鱗甲漠漠雲隨行，我來立久無所得，空數石上菖蒲生。中官繫龍沉玉册，小吏磔狗燒銀餅，地形偶爾藏險怪，天意未必司陰晴。山川在理有崩竭，丘壑自古相虛盈，誰能保此千世後，天柱不折泉常傾。

寄題衆樂亭

陵陽遊觀吾所好，恨不卽過衆樂亭，嘗聞髣髴入夢寐，吟筆自欲圖丹青。千峰秀出百里外，忽於其上崢嶸。搖朝雲噓曷日暖，暖夜水落澗風冷，冷春花窈窕寫爭舞，夏木蔭鬱猿哀鳴。潦收葉落天地爽，海月影到山川明。簾與晨出誰與適，坐與萬物觀虛盈，令思民事不忍後，田間笑語催蠶耕。吏休歸舍獄訟少，墟落飲酒欲秋成。唯愁一日奪令去，出來老稚交逢迎，彼民安知方祿仕，徒喜使我寬逋征。令知道義士林服，遺愛豈用吾詩評。

書會別亭

西城路，居人送客西歸處。年年借問去何時？今日扁舟從此去。春風吹花落高枝，飛來飛去不自知。路上行人亦如此，應有重來此處時。

題鍾州山谷寺石牛洞泉穴（皇祐三年九月十六日自州之太湖過江甯縣）

山谷乾元寺宿與道人文銳弟安國擁火遊石牛洞見李翱習之書聽泉久之

明日復遊乃刻習之後

水冷冷而北出，山靡靡而旁圍。欲窮源而不得，竟悵望以空歸。

卷十三 古詩

泊舟姑蘇

朝遊盤門東，暮出閶門西。四顧茫無人，但見白日低。荒林帶昏煙，上有歸鳥啼。物皆得所託，而我無安棲！

崑山慧聚寺次孟郊韻

僧蹤蟠青苔，莓苔上秋牀。露翰饑更清，風鶻遠亦香。掃石出古色，洗松納空光。久遊不忍還，迫迨冠蓋場。

如歸亭願風

春江竊窺來無地，飛帆浩浩窮天際。朝出吳川夕霽溪，回首喬林吹岸薺。桡師高臥自嘯歌，戲彼挽舟行復止。人生萬事反衍多，道路後先能幾何？

垂虹亭

三江五湖口，地與天不隔。日月所蔽虧，東西渺然白。漫漫變北斗，浩浩浮南極。誰投此虹蜺，欲濟兩間阨。中

流雜蜃氣，瀾楫相承翼。初疑神所爲，滅沒在頃刻。晨興坐其上，傲兀至中吳。猶憐變化功，不謂因人役。今君持酒，樂談笑，顧賓客。頗誇九州物，壯厲此無敵。爨煌丹沙柱，璀璨黃金壁。中家不慮始，助我皆豪殖。喟予獨感此，剝爛有終極。改作不可無，還當采民力。

張氏靜居院

動者利進爲，靜者樂止居。物性有偏得，惟賢時卷舒。張侯始出仕，所至多名譽。老矣歸偃休，買地廝荒蕪。屋成爲令名，名實與時俱。南堂棲幽真，晨起瞻像圖。北堂畫五禽，游戲養形軀。燕有諸賓庭，學有諸子廬。問侯「年幾何？」「矯矯八十餘。」問侯「何能爾？」「心不藏愛愉。」問侯「客何爲？」「弦歌飲投壺。」問侯「兒何讀？」「夏商及唐虞。」嵩山填門戶，洛水遶階除。疾於山水間，結廬有通衢。我念老退者，古多賢大夫。留侯亦養生，乃欲凌空虛。閉門不飲酒，豈異山中臞。疎傅稍喜客，揮金能自娛。不聞喜教子，滿屋青紫朱。張侯能兼取，勝事古所無。褒稱有樂石，丞相爲之書。而我不自量，聞風亦歌呼。

丙戌五日京師作二首

北風閉雨去不下，驚沙蒼茫亂昏曉。傳聞城外八九里，雹大如拳死飛鳥。

二

浮雲離披久不合，太陽獨行乾萬物。誰令昨夜雨霧霽，北風蕭蕭寒到骨。

答客

士常疑西伯，何至姜里尋？韓鯨親父子，尙脫井廩醜。昏主雖聖臣，飛禍安可卜。致命遂其志，雖窮不爲戮！

次韻唐彥猷華亭十詠

顧林亭（野王所居也）

王安石詩集 卷十三

寒湖上亭，不見野王居。平林豈舊物？歲晚空扶疎。自古聖賢人，邑國皆丘墟。不朽在名德，千秋想其餘。

寒穴

袖農冽冰霜，高穴與雲平。空山滄千秋，不出鳴咽聲。山風吹更寒，山月相與清。北客不到此，如何洗煩醒？

吳王獵場

吳王好射虎，但射不操戈。匹馬掠廣場，萬兵助遮羅。時平事非昔，此地桑麻多。猛獸亦已盡，牛羊在田坡。

始皇馳道

穆王得八駿，萬壽得期修。茫茫萬載間，復此好遠游。車輪與馬跡，此地亦嘗留。想當治道時，勞者尸如丘。

柘湖（湖中有山生柘故名柘湖。記云秦有女入湖爲神，今有廟。）

柘林著湖山，菱葉葦湖濱。秦女亦何事，能爲此湖神。年年賽雞豚，漁子自知津。幽妖窟險阻，禍福易欺人！

陸瑁養魚池

野人非昔人，亦復水上居。紛紛水中游，豈是昔時魚。吹波浮還沒，競食糟糠餘。吞舟不可見，守此歲月除。

華亭谷（水行二百里入松江）

巨川非一源，源亦在衆流。此谷乃清淺，松江能覆舟。蟲魚何所知，上下相沈浮。徒嗟大盈北，浩浩無春愁。（

華亭水自大盈入松江而北入海）

陸機宅

故物一已盡，嗟此歲年深。野桃自著花，荒棘自生鍼。芊芊谷水，陽鬱鬱崑山陰。俛仰但如昨，遊者不可尋！

崑山（世傳陸氏家生機，雲故名崑山。言生玉也。）

玉人生此山，山亦傳此名。崖風與水清，清越有餘聲。悲哉世所珍，一出受敬傾。不如鶴與猿，棲息尙全生。

三女崗（吳王葬三女於此）

自古世上雄，慷慨擅功名。當時豈有力，能使死者生！三女共一丘，此憾亦難平！音容若有作，無力傾人城。

太白嶺

太白巖巖東南馳，衆嶺環合青紛披。煙雲厚薄皆可愛，樹石疎密自相宜。陽春已歸鳥語樂，溪水不動魚行遲。生民何由得處所，與茲魚鳥相諧熙。

秃山

吏役滄海上，瞻山一停舟。怪此秃誰使？鄉人語其由：「一狙山上鳴，一狙從之遊。相匹乃生子，子衆孫還稠。山中草木盛，根實始易求。攀挽上極高，屈指亦窮幽。衆狙各豐肥，山乃盡侵牟。攘爭取一飽，豈暇議藏收。大狙尙自苦，小狙亦已愁。稍納受咋噬，一毛不得留。」狙雖巧過人，不善操勦授。所嗜在果穀，得之常似偷。嗟此海山中，四顧無所投。生生未云已，歲晚將安謀？」

贈曾子固

曾子文章衆無有，水之江漢星之斗。挾才乘氣不媚柔，羣兒謗傷均一口。吾語羣兒勿謗傷，豈有曾子終皇皇，借令不幸賤且死，後日猶爲班與揚。

鮑公水

村南鮑公山，山北鮑公水。高穴逗遠源，泠泠落山嘴。玉色與鉛味，不可他味比。竹樹四蒙密，翠藤相披靡。漫即昔少年，幽居得之此。臨窺若有遇，愛歎無時已。浮名未汙染，永矢終焉爾。奈何中棄入長安，十載風塵化舊顏。謹置滿耳不可洗，此水泠泠空在山。

寄李士甯先生

王安石詩集 卷十三

七九

樓臺高竚間晴霞，松檜陰森夾柳斜；渴愁如箭去年華，陶情滿滿傾榴花；自嗟不及門前水，流到先生雲外家。

僧德殊家水簾求予詠

淙淙萬音落石頭，皎皎一派當簷前；清風高吹鸞鶴唳，白日下照蛟龍涎；浮雲紺額自能卷，缺月琢鉤相與縣；朱門試問幽人價，翡翠鮫綃不直錢。

杭州修廣師法喜堂

浮屠之法與世殊，洗滌萬事求空虛；師心以此不挂物，一堂收身自有餘；堂陰置石雙嶧嶧，石脚立竹青扶疎；一來已覺肝膽豁，況乃宴坐窮朝晡；憶初救時勇自許，壯大看俗尤崎嶇；豐車肥馬載豪傑，少得志願多憂虞；始知進退各有理，造次未可分賢愚；曾將菜室返耕釣，相與此處吟山湖。

復至曹娥堰寄剡縣丁元珍

溪水渾渾來自北，千山抱水清相射；山深水急無艇子，欲從故人安可得？故人昔日此水上，鱗酒扁舟慰行役；津亭把手坐一笑，我喜滿懷君動色；論新講舊惜未足，落日低徊已催客；離心自醉不復飲，秋果寒花空滿席；今年却坐相逢處，悵悵難求別時迹；可憐溪水自南流，安得溪船問消息？

答曾子固南豐道中所寄

吾子命世豪，術學窮無閒；直意慕聖人，不問閔與顏；彼昏何爲者？誣構來嚙嚙；應逮犯秋陽，動爲人所歎；不卹我躬瘁，乃嗟天澤溼；令人念公卿，燁燁趨王班；泊無憫世意，狙猿而佩環；愛子所守卓，憂子不能攀；永矢從子游，合如扉上鑲；願言借餘力，迎浦疎潺潺；亦有衣上塵，可攀裨太山；大江秋正清，鳥鵲相縈絆；四吟浩無主，日暮煙霞斑；水竹密以勁，霜楓衰更殷；賞記亦云健，行矣非間關；相期東北遊，致館淮之灣；無爲藝甯羸，悠然及溫還。

寄贈胡先生（并序）

孔孟去世遠矣，信其聖且賢者，實諸書焉耳。翼之先生與予並世，非若孔孟之遠也。聞薦紳先生所稱述，又詳於書，不待見而後知其人也。歎慕之不足，故作是詩。

先生天下豪傑魁，胸臆廣博天所開。文章事業慕孔孟，不復卑視蔡與崔。十年留滯東南州，飽足藜藿安蒿萊。獨鳴道德驚此民，民之聞者源源來。魁冠大帶滿門下，奮如百壘乘春雷。惡人沮服善者起，昔時踳跖今蹇回。先生不試乃能爾，誠令得志如何哉。吾願聖帝營太平，補葺廊廟拔頽頽。披旒發纒廣耳目，照徹山谷多遺材。先牧先生作梁柱，以次構架協與楹。羣臣面向帝深拱，仰戴堂陛方崔嵬。

得曾子固書因寄

始吾居揚日，重問每見及。云一將自親側，萬里同譚書。一子行何舒舒，吾羣已汲汲。窮年夢東南，顏色不可搆。仁賢豈欺我，正恐事維艱。嚴親抱憂衰，生理賴以給。不然離江外，天寒北風急。無乃山路惡，僕弱馬行蹙。孤懷未肯開，歲物忽如熟。邇來高郵住，巷屋頗卑濕。蓬蒿稍芟除，茅竹隨稍葺。苟云禦風氣，尚恐憂雨汁。故人若在眼，屢獨開巾及。忠信蓋未見，吾取誣茲邑。出關誰與語，念子百憂集。毗聽聊自放，日暮城頭立。徐歸坐當戶，使者操書入。時開識子意，如渴得美清。驪駒日就道，玉手行可執。舊學待鏘磨，新文得刪拾。重登城頭臺，喜氣滿庠隰。

寄虔州江陰一妹

貢水日夜下，下與葦水期。我行二水間，無日不爾思。飄若越鳥北，心常在南枝。又如蛟首蛇，南北兩欲馳。逝者日已遠，百憂詎能追。生存苦乖隔，邂逅亦何時。女子歸有道，善懷見於詩。庶云留汝車，慰我堂上慈。

登越州城樓

越山長青水長白，越人長家山水國。可憐客子無定宅，一夢三年今復北。浮雲縹緲抱城樓，東望不見空岡

頭，人間未有歸耕處，早晚重來此地遊。

憶昨詩示諸外弟

憶昨此地相逢時，春入窮谷多芳菲。短垣囹圄困冠蓋，踴躍蒿藜紅相圍。燕雀驚翻草錯雜，出黃蜂自鑽空差。飛此時少壯自負恃，意氣與日爭光輝。頗聞弄筆歲華色，脫略不省旁人譏。空欲持此博軒冕，言言孔孟猶寒飢。丙子從親走京國，浮虛龔益編人衣。明年組作建昌吏，四月挽滄江上磯。瑞居感張亦自竊，青天閃爍無停暉。男兒少壯不得立，技此窮老將安歸。吟哦圖書謝慶弔，空室寂寞生浮威。材疎命賤不自揣，欲與稷契還相希。天一朝畀以福，先子泯沒子誰依。精神空離肝肺絕，背血被面無時晞。女兒呱呱泣相守，三載厭食露山薇。屬聞降詔起羣彥，遂自下國趨王畿。刻章琢句獻天子，鈞取薄祿歡庭闈。身看青衫手持版，奔走辛歲官淮沂。淮沂無山四封瘴，獨有廟塔尤峨巍。時時憑高一慨望，想見江南多翠微。歸心動蕩不可抑，若狂吹鷁旋旂。騰書潛屏私自列，仁者惻隱從其祈。暮春三月亂江水，勁櫓健帆如健機。還家上堂拜祖母，奉手出澤縱橫揮。出門信馬向何許，城郭宛然相識稀。未懷前事不自適，却指舅館接山扉。當時習兒戲，我側于今冠。忽何願，願況復丘樊湛秋色，蜂蝶摧藏花草靡。令人感嘆千萬緒，不忍蒼卒回駘駘。留當開樽強自慰，邀子劇飲毋子違。

卷十四 律詩（五言八句）

秋會亭

數家茅水竹，一塢共雲林。晚食澆道已，獨謠欣會心。移牀隨漫興，操筴取幽尋。未愛神維汝，猶憐妙斲琴。

東山亭

起伏晴雲徑，縱橫流水陵。草長荒草碧，花遠淡黃。楚夢從人笑，吳吟得自怡。東山與不與，恐走及芳時。

歲晚

月映林塘澹，風含笑語涼；俯窺憐綠淨，小立佇幽香。攜幼尋新的，扶衰坐野航；延緣久未已，歲晚惜流光！

半山春晚卽事

春風取花去，酬我以清陰；翳翳陂路靜，交交園屋深。牀敷每小息，杖屨或幽尋；惟有北山鳥，經過遺好音。

敬眠

翠幙卷東岡，敬眠月半牀；松聲悲未夜，荷氣馥初涼。清話非無寄，幽期故不忘！扁舟亦在眼，終自懶衣裳。

露坐

露坐看溝月，飄然風度荷；珠跳散作點，金湧合成波。老失芳歲易，靜知良夜多；陵秋久不寐，吾樂豈弦歌？

山行

出寫清淺景，歸穿著翠蔭；平頭均楚製，長耳嗣吳吟。暮嶺已佳色，寒泉仍好音；誰同此真意，倦鳥亦幽尋。

題男祠堂（在寶公塔院）

斯文實有寄，天豈偶生才？一日鳳鳥去，千秋梁木摧。煙留衰草恨，風造暮林哀；豈謂登臨處，飄然獨往來。

定林

漱甘涼病齒，坐曠息煩襟；因脫水邊屣，就敷巖上衾。但留雲對宿，仍值月相尋；真樂非無寄，悲蟲亦好音！

送張甥赴青州幕

人情每期費，之子適子心；老餞城東陌，悲分歲暮襟。少留班露草，遂往隔雲林；未覺青丘遠，因風好嗣音！

送張宣義之官越幕二首

會稽遊宦鄉，海物錯句章；土潤箭筈美，水甘茶鼎香。今君誠暫屈，他日恐難忘？唯有西興渡，靈胥或怒張。

二

誰謂貴公子？乃如寒士家。真宜舉敦樸，已自勝浮華。洲荻藏迷子，溪篁擁若耶。相望只在眼，音問莫言賒。

送贊善張判民西歸

柴荆雀有羅，公子數經過。邂逅相知晚，從容所得多。百憂生暮齒，一笑隔滄波。早晚西州路，遙聽下坂珂。

送劉監簿南歸

不見灑塘路，茫然四十春。長爲異鄉客，每憶故時人。水閣公三世，雲浮我一身。濠梁送歸處，握手但悲辛。

秋夜二首

客臥書顛倒，蟲鳴坐寂寥。殘燈生暗暈，重露集寒條。真樂閑尤見，深禪靜更超。此懷無與晤，擁鼻一長謠。

二

漫逗長風細，窗留半月斜。浮煙暝綠草，玄露冷黃花。獨曳綠雲屐，仍尋度水槎。歸時參夜半，鄰犬靜中譁。

卽事

徑暖草如積，山暗花更繁。縱橫一川水，高下數家村。靜聽雞鳴午，荒尋犬吠昏。歸來向人說，疑是武陵源。

晝寢（甲子四月十七日午時作）

井逕從蕪漫，青藜亦倦扶。百年唯有且，萬事總無如。棄置蕉中鹿，驅除屋上烏。獨眠牕日午，往往夢華胥。

過故居

泝棧開新屋，扶輿遠故園。事遺心獨寄，路僻目空存。野果寒林寂，蠻花午簾溫。難忘舊時處，欲宿愧桑門。

鴈

北去還爲客，南來豈是歸？倦投空渚泊，飢帖冷雲飛。垣柵鷄長暖，溝池鷺自肥。憐渠不知此，更墮野人機。

與道原過西莊遂遊寶乘（元豐四年十月二十四日）

桑楊（一作麻）已零落，葦荇亦（一作復）消沈，園宅在人境，歲時傷我心。強穿西（一作南）埭路，共望北山岑，欲覓（一作與）道人語，跨鞍聊一尋。

二

親朋會合少，時序感傷多！勝踐聊為樂，清談可當歌。微風淡水竹，淨日暖煙蘿；興極猶難盡，當如薄暮何？

送陶氏歸兼寄絢甫

雲結川原暗，風馳草木蕩；遙瞻季行役，正對女傷悲。夢事中千變，生涯老百罹；更慚無道力，隨路涕交頤。

自府中歸寄西庵行詳

意衰難自力，扶路便何還；強逐蕭蕭水，遙看慘淡山。行尋香草竭，歸漾晚雲間；西崦分明見，幽人不可攀。

贈上元宰梁之儀承議（梁多留詩在江甯僧舍）

白下百賢寧，能歌如紫芝；民欺自不忍，將治本無為。風月誰同賞，江山我亦思；粉牆侵醉墨，枵腹綠苔滋。

贈殊勝院簡道人

早悟者山謔，今為洛社亭；有生常寂寞，所得是風騷。露夕吟逾苦，雲收思共高；此懷差自適，千社一牛毛。

懷吳顯道

南郭紅亭冷，西山白道曠；江光凌早氣，洲色亂黃雲。歲暮誰邀客，情親故憶君；天涯獨惆悵，歸鳥黑紛紛。

靜照堂

任公躡會稽，海上得招提；淨觀堂新構，幽尋客屣攜。飛簷出風雨，灑翰落虹蜺；投老黃塵陌，東看路恐迷？

重遊草堂次韻二首

王安石詩集 卷十四 八五

垣屋荒蕪，野殿冷檀沈；鶴有思顯意，鷹無戀遁心。禪房閉深竹，齋鉢度遙岑；寂寞黃塵裏，金身倚一尋。

二

僧殘尚食少，佛古但泥多；寒守三衣法，飢傳一鉢歌。寬閑每迸竹，危朽漫牽蘿；悵悵庭前柏，西來意若何？

三

野寺真蘭若，山僧老病多；疎鐘挾谷響，悲梵入樵歌。水映茅簷竹，雲埋鷓女蘿；拂塵書所見，因得擬陰何。

題齊安寺山亭

此山無躑躅，故國有楊梅；悵望心常折，慙慙手自栽。暮年逢火改，晴日對花開；萬里爲塘路，春風自往來。

自白門歸望定村有寄

蹇驢愁石路，余亦倦躋攀；不見道人久，忽然芳歲殘。朝隨雲暫出，暮與鳥爭還；杳杳青松壑，知公在兩間。

宿定林示無外（名務周）

天女穿林至，姮娥度隴來；欲歸今晝晚，相值且徘徊。誰謂我忘老，如聞蟲造哀；鄰衾亦不寐，共盡白雲杯。

宿北山示行詳上人

都城羈旅日，獨許上人賢；誰爲孤峰下，還來宴坐邊。是身猶夢幻，何物可攀緣；坐對青燈落，松風咽夜泉。

獨飯

窗明雨不借，榻淨一簾簾；栩栩幽人夢，天天老者居。安能問香積，誰可告華胥；獨飯牆陰轉，看雲坐久如。

草堂

草堂今寂寞，往事翳山椒；蕙帳空留鶴，蘿衣終換貂。生皆墮天表，隱或寄公朝；疊穎何勞怒，東風汝自搖。

示耿天騰

挾策能傷性，捐書可盡年；弦歌無舊習，香火有新緣。白土長岡路，朱湖小洞天。望公時顧我，於此暢幽悵。

今知光宅寺，牛首正當門。臺殿金碧毀，丘墟桑竹繁。蕭蕭新犢臥，冉冉暮鴉翻。回首千歲夢，雨花何足言。

示無外

支頤橫口語，椎髻曲肱眠。草問誰賓主，安如汝輩年。鄰雞生午夜，幽草弄秋妍。卻憶東窗簟，蠻藤故宛然。

北山暮歸示道人

千山復萬山，行路有無間。花發蜂遞繞，果垂猿對攀。獨尋寒水度，欲趁夕陽還。天黑月未上，兒童初掩關。

懷古二首

日密畏前境，淵明欣故園。那知飯不賜，所喜菊猶存。亦有牀座好，但無車馬喧。誰爲吾侍者，稚子候柴門。

二

長者一牀室，先生三徑園。非無飯滿鉢，亦有酒盈樽。不起華邊坐，常開柳際門。漫知談實相，欲辯已忘言。

與寶覺宿精舍

授授復翩翩，秋牀燭屢昏。真爲說萬物，豈止挾三言。問義曹溪室，捐書闕里門。若知同二妄，目擊道逾存。

中書偶成

忽忽余年往，茫茫不自知。慙慙照清淺，邂逅見衰遲。輔世無賢業，容身有聖時。歸歟今可矣，何以長人爲。

華藏寺會故人（得泉字）

百夢成阻闕，一笑得留連。城郭西風裏，園林落日前。共知官似夢，莫負酒如泉。興罷重攜手，江湖卽渺然。

求全

王安石詩集 卷十五

八八

求全傷德義，欲速累功名；玉要藏而待，苗非掘故生。未妨徐出書，何苦急墮成；此道今亡矣，嗟誰可與明？

秋風

擊斂一何饜，天機亦自勞；牆隈小翻動，屋角盛呼號。漠漠驚沙密，紛紛斷柳高；江湖豈在眼，昨夜夢波濤。

次韻呂叔度書

城雲漏日晚，樹涼寒更深；滲密魚雖暖，巢危鶴更陰。橫風高竊弩，殘溜細鳴琴；歲換兒童喜，還傷老大心。

次韻呂叔度書

君方困旅食，予亦誤朝簪；自索東方米，誰多季子金。高門萬馬散，窮巷一燈深；客主竟何事，蕭條梁父吟。

卷十五 律詩 (五言八句)

次韻唐公三首

東陽道中

山蔽吳天密，江蟠楚地深；浮雲堆白玉，落日寫黃金。渺渺隨行旅，紛紛換歲陰；強將詩詠物，收拾濟時心。

江行

材非當世用，轂有故人推；使節春冬換，征帆日夜開。南遊取于越，東望得州來；試盡風波惡，生涯亦可哀！

旅思

此身南北老，愁晷問征途；地大蟠三楚，天低入五湖。看雲心共遠，步月影同孤；慷慨秋風起，悲歌不爲鱸。

烏塘

地僻居人少，山稠伏獸多；怒狸朝搏鴈，嚙虎夜窺騾。籬落生孫竹，門庭上女蘿；未應悲寂寞，六載一經過。

欲歸

水漾青天暖，沙吹白日陰；塞垣春錯莫，行路老侵尋。綠稍還幽草，紅應動故林；留連一盃酒，滿眼欲歸心。

發贈陶

促轡數殘更，似聞雞一鳴；春風馬上夢，沙路月中行。笳鼓遠多思，衣裘寒始輕；稍知田父穩，燈火閉柴荆。

王村

曉謫王村路，春風北使旗；塵催輕騎走，寒咽短簫吹。攬轡聯貂帽，投鞭各酒卮；紛紛小兒女，何事倚牆窺？

長垣北

攬轡長垣北，貂寒不自持；霜風急鼓吹，煙月暗旌旗。騎火流星點，牆桑亞戟枝；柴荆掩春夢，誰見我行時？

冬日

擾擾今非昔，漫漫夜復晨；風沙不貸客，雲日欲迷人。散髮愁邊老，開顏醉後春；轉思江海上，一洗白綸巾。

壬辰寒食

客思似楊柳，春風千萬條；更傾寒食淚，欲漲冶城潮。巾髮雪爭出，鏡顏朱早雕；未知軒冕樂，但欲老漁樵！

雨中

尙疑櫻欲吐，已怪菊成漂；紫萸凌風怯，青苔挾雨驕。長閑故有味，多難自無聊；牢落柴荆晚，生涯付一瓢。

宿雨

綠攬寒蕪出，紅爭暖樹歸；魚吹塘水動，鴈拂塞垣飛。宿雨驚沙盡，晴雲晝漏稀；却愁春夢短，燈火著征衣。

乘日

乘日塞垣入，御風塘路歸；胡皆躍馬去，鴈却背人飛。煙水吾鄉似，家書驛使稀；忽忽照顏色，恨不洗征衣。

秋露

日月凋何急，荒庭露送秋；初疑宿雨滋，稍怪曉霜稠。曠野將馳獵，華堂已御裘；空令半夜鶴，抱此一端愁。

還自河北應客

媿客問謠俗，舊傳今自如。材難知驥馬，味美賽河魚。塞水移民久，川防動衆初。北人雖異論，時議或非疎。

將次洛州憩禿上

漠漠春風裏，茸茸綠未齊。平田鷗散啄，深樹馬迎嘶。地入河流曲，天隨日去低。高城已在眼，聊復解輕齋。

和仲庶夜過新開湖憶冲之仲涂共泛

水遠浮秋色，河空洗夜氛。行隨一明月，坐失兩孤雲。露髮此時濕，風顏何處醺。淹留各有趣，不比漢三君。

(白樂天有二處成孤雲之句)

送契丹使還次韻答淨因老

老欲求吾志，時方據我華。強將愁出塞，空得病還家。日轉山河暖，風含草木葩。勝遊思一往，不敢問三車。

送吳叔開南征

摻袂不勝情，犀舟擊汰行。倦遊無萬里，惜別有千名。春草淒淒綠，江楓湛湛清。金陵多麗景，此去屬蘭成。

遊棲霞庵約平甫至因寄

渺渺林間路，蕭蕭物外僧。高陰涼易入，閑貌老難增。官事真傷錦，君恩更飲冰。求田此山下，終欲忤陳登。

和棲霞寂照庵僧雲渺(平甫)

蕭然一世外，所樂有誰同。晏坐能忘老，齋蔬不過中。無心爲佛事，有客問家風。笑謂西來意，雖空亦不空。

宜春苑

惜費金。
宜春舊臺沼，日暮一登臨。解帶行蒼蘚，移鞍（一作鞍）坐綠陰。樹疎啼鳥遠，水靜落花深。無復增修事，君王

春日

冉冉春行暮，菲菲物競華。鶯猶求舊友，燕不背貧家。室有賢人酒，門無長者車。醉眠聊自適，歸夢到天涯。
癸卯追感正月十五事

正月端門夜，金輿縹緲中。傳觴三鼓罷，縱觀萬人同。警蹕聲如在，嬉遊事已空。但令千載後，追詠太平功。
晚興和沖卿學士

剡剡風生晚，娟娟月上初。白沙眠綠驥，清浪浴鱸魚。竟欲從君飲，猶使讀我書。斜陽不到處，牆角樹扶疎。
秋興和沖卿

雲浮朝慘淡，風起夜颼颼。欲作冰霜地，先迴草樹秋。征人倚笛怨，思婦回砧愁。爲問隨陽雁，哀鳴豈有求？
次韻沖卿除日立春

猶殘一日臘，併見兩年春。物以終爲始，人從故得新。迎陽朝翦綵，守歲夜傾銀。恩賜隨嘉節，無功祇自塵。
題友人郊居水軒

田中三畝宅，水上一軒開。爲有漁樵樂，非無仕進媒。槎頭收晚釣，荷葉卷新醅。坐說魚腴美，功名挽不來。
遊賞心亭寄虔州女弟

秀發千峰霧，清涵萬里秋。滄江天上落，明月鏡中流。眼與魂俱斷，身依影獨留。爲憐幽興極，不見爾來遊。
江亭晚眺

日下崦嵫外，秋生沆碭閒。清江無限好，白鳥不勝閑。雨過雲收嶽，天空月上灣。歸鞍侵調角，回首六朝山。

金山寺

重經高處寺，一與白雲親；樹木有春意，江山如故人。幽軒含氣象，偏影落風塵；日暮臨歸去，徘徊欲損神。

揖仙閣

結閣揖仙子，疏塘臨隱扉；水花紅四出，山竹翠相圍。雲度疑耕下，鳧驚恐鳥飛；蜀韞甯可恃，投釣此忘歸。

舟夜卽事

火距臨遙岸，餘光照客舩；水明魚中餌，沙暖鷺忘眠。感慨無窮事，避回欲曉天；山泉如有意，枕上送潺湲。

何處難忘酒二首（擬白樂天作）

何處難忘酒，英雄夫志秋；廟堂生莽卓，巖谷死伊周。賦斂中原因，干戈四海愁；此時無一盞，難遣壯圖休！

二

何處難忘酒，君臣會合時；深堂拱堯舜，密席坐夔夔。和氣襲萬物，歡聲連四夷；此時無一盞，真負鹿鳴詩。

送孫子高

蕩漾江南客，融怡席上珍；一罇相別酒，千里獨歸人。客路貧堪病，交情遠更親；自慙兒女意，失淚滴衣巾。

送董傳

悠悠隴頭水，日夜向西流；行路未云已，歸人空復愁。文章合用世，顏髮未驚秋；一聽秦聲罷，還來上國遊。

寄涪州晁同年

秀色歸荒隴，新聲換亂毛；日催花蕊急，雲避鴈行高。駐馬旌旗暖，傳觴鼓吹豪；班春不知負，短髮爲君搔。

白雲禪師

白首一山中，形骸槁木同；苔爭庵徑路，雲補衲穿空。塵土隨車轍，波濤信柁工；昏昏老南北，應謝此高風。

自白土村入北寺二首

木杪田家出，城陰野徑分。溜渠行碧玉，畦稼臥黃雲。薄植胭脂染，深荷水磨焚。夕陽人不見，雞鶩自成羣。

二

雨過百泉出，秋聲連衆山。獨尋飛鳥外，時渡亂流間。坐石偶成歌，看雲相與還。會須營一畝，長此聽潺湲。

題朱鄭中白都莊

蕭灑桐廬守，滄洲寄一廬。山光隔釣岸，江氣雜炊煙。藜杖聽鳴鶴，籃輿看種田。明時須共理，此興在他年。

史教授循善堂

湖海十年著，林塘三畝餘。靜非談者匹，貧勝富人居。列鼎亦何有，幅巾聊自如。貧應不獨善，學子滿階除。

寄涵公道人

帝力護禪林，滄洲側布金。樓依水月觀，門接海潮音。開士假軟語，遊人多苦吟。會同方丈宿，燈火夜沉沉。

身閑

身閑宜晚食，歲晏忌晨興。人自嘲便腹，吾方樂曲肱。睡蛇雖不去，夢虺已無憑。寄語中林客，思禪病未能。

還家

還家豈不樂，生事未應閑。朝日已復出，征鞍方更攀。傷心百道水，闕目萬重山。何以忘羈旅，悠然醉夢間。

題渴泉壁示諸子有欲閑之意

吟哦一水上，披寫衆峰間。偶運非彭澤，留名比峴山。君才今高稷，家行古原顏。平世雖多士，安能易地閑。

和唐公舍人訪淨因

西城方外士，傳法自南華。高蹈玩一世，旁通兼數家。來遊仁者淨，傳詠正而葩。乘興何時載，還能託後車。

沂溪懷正之

故人何處所？天角浪漫漫；寂寞斷音驛，徘徊愁肺肝。世情紛可怪，旅況浩難安。願化東南鵠，高飛託羽翰。

答許秀才

高陽有才子，負笈求晨鐘；所趣少知者，其辭多慨然。樵妻竟謝絕，漂母寧哀憐。尚友古之人，于今猶壯年。

卷十六 律詩 (五言八句) (五言長篇附)

次韻景仁雪霽

新聲生屋霽，殘點着垣衣。委翳無多在，飄零不更飛。砌中餘宿潤，暖處自朝暉。稍見青青色，還從柳上歸。

次韻范景仁二月五日夜風雪

何知此擗近，談笑接清揚。對雪知春淺，回燈惜夜長。密雲通炫晃，殘月墮冥茫。故有臨邛客，抽毫興未忘。

次韻冲卿過睢陽

宮廟此神鄉，留親泊楚艙。天開今壯麗，地積古悲涼。不改山河舊，猶餘草木荒。還聞足賓客，誰是漢鄒陽？

答冲卿

風作九衢黃，南窗坐正涼。破瓜青玉美，浮菴白雲香。詩懶猶能強，官閑肯便忘。賢愚各有用，尺寸果誰長？

得書知二弟附陳師道舟上汴

兒童聞太丘，邂逅兩心投。與汝今爲伴，知吾不復憂。園桃已解萼，沙水欲驚舟。一見南飛鴈，江邊肯更留。

初憩利州

衣足一囊弊，粟餘三釜陳。猶依食貧地，已媿省煩人。塵土病催老，風波愁過春。詩書今在眼，還欲討經綸。

瘴起舍弟尙未已示道原

側足呻吟地，連雲瘴瘴秋。窮鄉發自絀，小市藥難求。肝膽疑俱破，筋骸漫獨瘳。慙君遠從我，契闊每同憂。

送杜十八之廣南

東南炎海外，尋訪又輪君。過嶺猿啼暖，貪程馬送曛。清談消瘴癘，秀句起煙雲。及早來鄉薦，朝廷尙右文。

崑山慧聚寺次張祐韻

峰嶺五出沒，江湖相吐吞。園林浮海角，臺殿擁山根。百里見漁艇，萬家藏水村。地偏來客少，幽興祇桑門。

吳江

莽莽昔登臨，秋風一散襟。地留孤嶼小，天入五湖深。柑橘無千里，魚蝦有萬金。吾雖輕范蠡，終欲此幽尋。

句

靈源開闢有，羸縮但相隨。逆折山能礙，奔流海與期。泥沙拆蚌蛤，雲雨暗蛟螭。欲問深深何許，馮夷祇自知。

江南

江南春起極，秋至尙波濤。問舍才能定，呼舟已復操。行歌付浩蕩，歸夢得蕭騷。冉冉欲何補，紛紛爲此勞。

賈生

漢有洛陽子，少年明是非。所論多感慨，自信肯依違。死者若可作，今人誰與歸。應須踏東海，不但涕沾衣。

還自舅家書所感

行行過舅居，歸路指親廬。日苦樹無賴，天空雲自如。黃焦下澤稻，綠碎短焚蔬。沮溺非吾意，憫嗟聊駐車。

世事

世事一何稠，論心日已偷。尙蒙今士笑，宜見古人羞。老圃聊須問，良田亦欲求。非關畏黻冕，無責易身修。

寄純甫

塞上無花草，飄風急我歸。梢林聽澗落，卷土看雲飛。想子當紅蕊，思家上翠微。江寒亦未已，好好著春衣。

招丁元珍

默默不自得，紛紛何所爲？畫墁聊取食，鼠較且隨時。秋入江湖暗，風生草樹悲。黃花一杯酒，思與故人持。

遊杭州聖果寺

登高見山水，身在水中央。下視樓臺處，空多樹木蒼。浮雲連海氣，落日動湖光。偶坐吹橫笛，殘聲入富陽。

京兆杜嬰大辭能讀書，其言近莊，其爲人曠達而廉清，自託於醫，無貴賤請之輒往，卒也以詩二首傷之。

蕭瑟野衣巾，能忘至老貧。避囂依市井，蒙垢出埃塵。接物工齊物，勞身取爲身。傷心宿昔地，不復見斯人。

二

叔度醫家子，君平卜肆翁。蕭條昨日事，髣髴古人風。舊宅雨生菌，新阡寒轉蓬。存亡誰一問，嗟我亦窮空。

江上

潮連風浩蕩，沙引空淹留。落日更清坐，空江無近舟。共看蒹葭宅，聊卽稻梁謀。未敢嗟艱食，凶年半九州。

二

書自江邊使，鄉鄰病餓稠。何言萬里客，更作百身憂。補敗今誰卹，趨生我自羞。西南雙病眼，落日倚扁舟。

夏夜舟中頗涼，因有所感

扁身畏朝熱，空夜倚梳櫺。日共火雲退，風兼水氣涼。未秋輕病骨，微曙浣愁腸。堅我江湖意，滔滔興不忘。

孤桐

天質自森森，孤高幾百尋；陵霄不屈己，得地本虛心。茂老根彌壯，陽驕葉更陰；明時思解纜，願斷五絃琴。

遲明

欽枕浩無情，蓬蓬獨遲明；霜繁紅樹老，雲月素蟾清。倦鵲猶三匝，寒雞未一鳴；故山何處所，應有曉猿驚。

陪友人中秋夕賞月

海霧看如洗，秋陽望却昏；光明疑不夜，清瑩欲無坤。掃掠風前坐，留連露下尊；苦吟應到曉，況有我思存。

慎斷修路者

畚築今三歲，康莊始一修；何言野人意，能助令君憂！勦力非無補，論心豈有求？十年空志食，因汝起子羞。

河勢

河勢浩難測，禹功傳所聞；今觀一川破，復以二渠分。國論終將塞，民嗟亦已勤；無災等難必，從衆在吾君。

送河間晁寺丞

公孫富文墨，名字世多知；談笑取高第，弦歌當此時。臨河新石費，近塞繭絲移；緩急常愁此，看君有所爲。

暮春

春期行晷晚，春意臘芳菲；曲水應修禊，披香未試衣。雨花紅半墮，煙樹碧相依；悵望夢中地，王孫底不歸？

遊北山

攬纒出東城，登臨目暫明；煙雲藏古意，猿鶴弄秋聲。客坐苔紋滑，僧眠樹蔭清；賞心殊未已，山下日西榮。

吳正仲謫官得故人寄蟹以詩謝之余次其韻

越客上荆荆，秋風憶把螯；故煩分巨跪，持用佐清糟。飲量寬滄海，詩鋒捷孟勞；甘飧飽觴詠，餘事付鈞陶。

陳師道宰烏程縣

嘗聞太丘長，德不負公卿；墟墓今千載，昆雲亦一城。本懷深閉蓄，餘論略施行；故自有仁政，能傳家世聲。

冬至

都城開博路，佳節一陽生；喜見兒童色，歡傳市井聲。幽閑亦聚集，珍麗各攜擎；却憶他年事，關商閉不行。

湯泉

寒泉詩所訝，獨此沸如烝；一氣無冬夏，諸陽自廢興。人游不附火，蟲出亦疑冰；更憶灑山下，歎然雪滿塍。

讀鎮南邸報癸未四月作

賜詔寬言路，登賢壯陛廉；相期正在治，素定不煩占。衆喜夔龍盛，予虞絳灌儉；太平詎可致，天意慎猜嫌。

擬和御製賞花釣魚

雲暖蓬萊日，風酣太液春；水光承步輦，花氣入鈎陳。伏檻留清蹕，傳觴屬從臣；露香連釣餌，落葉亂游鱗。鑄

飲恩知厚，衝博賜願均；更看追夏諺，先此詠逢辰。

和吳沖卿雪霽紫宸朝

虎士開閭闔，雞人唱九霄；雲移銀闕角，日轉玉廊腰。箠動川收潦，靴鳴海上潮；舞袍沾宿潤，拜笏擁殘飄。賜

飲人何樂，歸嘶馬亦驕；低徊但忘食，吟咏得逍遙。

和吳沖卿集禧齋祠

緘封祝辭密，占寫御名真；帝坐遙臨物，星圖俯映人。風含煙外節，月點霧中茵；沈薰升煙遠，槐檀取燎新。羽

衣歸寂寞，金鏐立逡巡；却想來時路，還疑隔一塵。

送周都官通判湖州

綠水烏程地，青山顧渚濱；酒醪猶美好，茶薺正芳新。聚泛樽前月，分班焙上春；仁風已入俗，樂事始關身。橘

柏供南貢，楓槐望北宸。知君白羽扇，歸日未生塵。

雙廟（張巡許遠）

兩公天下駿，無地與騰騰。就死得處所，至今猶耿光。中原擅兵革，昔日幾侯王。此獨身如在，誰令國不亡！北風吹樹急，西日照窗涼。志士千年淚，冷然落翼觴。

和子瞻同王勝之游蕪山（并序）

子瞻同王勝之游蕪山，有詩余愛其一峰多巧障，日江遠欲浮天一之句，因次其韻。

金陵限南北，形勢豈其然。楚役六千里，陳亡三百年。江山空幕府，風月自觥船。主送悲涼岸，妃埋想故蓮。臺傾鳳久去，城踞虎爭偏。司馬孺廟域，獨龍層塔顛。森疎五願木，蹇淺一人泉。稅杖窮諸嶺，藍輿罷半天。朱門圍綠水，碧瓦第青煙。墨客真能賦，留詩野竹娟。

送鄂州知府宋謙議

盛世千齡合，宗工四海瞻。天心中額後，雲翼首離潛。德望完圭角，儀形壯陸廉。徐鳴蒼玉佩，盡校碧牙籤。綸掖清光注，鑿坡茂渥霑。文明誠得主，政瘼尙煩砭。右府參機務，東塗贊景炎。廟談資石畫，兵略倚珠鈴。坐鎮均勞逸，齋居養智恬。謠謠喧井邑，惠化穆蒼黔。進律朝章舊，疏恩物議僉。通班三殿邃，徙部十城兼。申甫周之翰，佩蒙魯所詹。地靈奎宿照，野沃汶河漸。首路龍旗盛，提封虎節嚴。賜服纏紫艾，衛甲綴朱綬。海谷移文省，谿堂燕豆添。班春回紺轡，問俗卷彤幘。舟楫商巖命，熊羆渭水占。治裝行入覲，金鼎重調鹽。

見鐘亭上王郎中

高亭豁可望，朝暮對谿山。野色軒楹外，霞光几席間。樹侵蒼靄沒，鳥背夕陽還。草帶平沙闊，煙籠別戍閑。圃畦荷氣合，田徑燒痕斑。樵笛吟晴塢，漁帆出暝灣。登臨及芳節，宴喜發朱顏。夾砌陳旌旆，褰簾進佩環。觀風南國

最，應宿紫宸班；康樂詩名舊，燕音詎可攀。

卷十七 律詩 (七言八句)

歲晚懷古

先生歲晚事田園，魯叟遺書廢討論；問訊桑麻憐已長，按行松菊喜猶存。農人調笑追尋壑，稚子歡呼出候門；遙謝載醪祛惑者，吾今欲辯已忘言。

段約之園亭

愛公池館得忘機，初日留連至落暉；菱暖紫鱗跳復沒，柳陰黃鳥嘯還飛。徑無凡草唯生竹，盤有嘉蔬不采薇；勝事閩州雖或有，終非吾土豈如歸。

又段氏園亭

欹眠隨水轉東垣，一點炊煙映水昏；漫漫芙蓉難覓路，脩脩楊柳獨知門。青山呈露新如染，白鳥嬉游靜不煩；朱雀航邊今有此，可能搖蕩武陵源。

回橈

柴荆散策靜涼颺，隱几扁舟白下潮；紫磨月輪升靄靄，帝青雲幕卷寥寥。數家雞犬如相識，一塢山林特見招；尚憶木瓜園最好，興殘中路且回橈。

醉釀金沙一花合發

相扶照水弄春柔，發似矜夸似斂羞；碧合晚雲霞上起，紅爭朝日雪邊流。我無丹白知如夢，人有朱鉛見即愁；疑此冶容詩所忌，故將膠木比綢繆。

次韻公闕正議書公戲語申之以祝助發一笑

故人辭祿未忘情，語我猶能作扞城。身不自遭如貢薛，兒應堪教比章平。老罷豈得長高臥，雉鳳仍聞已聞生。把盞祝公公莫拒，縉衣心爲好賢傾。

次韻致遠木人洲二首

迷子山前漲一洲，木人圖志失編收。年多但有柳生肘，地僻獨無茅蓋頭。河側飽生乾尙立，江邊屈子槁將投。未妨他日稱居士，能使君疑福可求。

二

杙爾何年客此洲，飄流誰棄止誰收。無心使口肝使目，有幹作身根作頭。暴露神靈難寄託，禱祠村落幾依投。紛紛剪紙真虛負，立槁安知富可求。

次韻酬龔深甫二首

思容楚老護松楸，復得一龔從我遊。講肄劇談兼祖謝，舞雩高蹈異求由。北尋五柝故未慙，東挽三楊仍有膠。陟嶽降原從此始，但無瑤玉與君舟。

一

握手東岡雪滿蓂，後期惆悵老吳蠶。芳辰一笑真難值，暮齒相思豈久堪。他日杜詩傳渭北，幾時周宅對漳南。百年邂逅能多少，且可勤來共草菴。

次葉致遠韻

生涯聊占水中洲，豈卽乘桴逐聖丘。身與鳧飛仍鴈集，心能茅靡亦波流。由來杞梓常先伐，誰謂菰蒲可久留。乘興吾廬知未厭，故移脩竹擬延騶。（一作「知君聊占水中洲，去卽東浮逐聖丘。憂國無時須問舍，得坻有

興卽乘流。由來要路當先據，誰謂窮鄉可久留？他日五湖尋范蠡，想能重此駐前驕。

次韻酬朱昌叔五首

點也自殊由與求，既成春服更何憂？拙於人合且天合，靜與道謀非食謀。未愛京師傳谷口，但知鄉里勝壺頭。嗟予老矣無一事，復得此君相與遊。

二

去年音問隔淮州，百謫難知亦我憂。前日杯盤共江渚，一歡相屬豈人謀？山蟠直瀆輸淮口，水抱長干轉石頭。乘興舟輿無不可，春風從此與公遊。

三

烏榜登臨興未休，共言何許更消憂？聯裾蕭寺尋真覺，方駕孫陵弔仲謀。語罷每開歡笑口，詩來仍悼苦吟頭。已知軒冕真吾累，且可追隨馬少游。

四

白下門東春水流，相看一噓散千憂。穿梅入柳曾莫逆，度堊緣岡初不謀。世事但如吹劍首，官身難卽問刀頭。長臨鍛篋真自苦，有興復來從我遊。

五

樂世閑身豈易求？巖居川觀更何憂？放懷自事如初服，買宅相招亦本謀。名譽子真矜谷口，事功新息困壺頭。知君於此皆無累，長得追隨壙壤遊。

次韻送程給事知越州

千騎東方占上頭，如何誤到北山遊。清明若觀蘭亭月，暖熱因忘蕙帳秋。投老始知歡可惜，通宵豫以別爲

憂；西歸定有詩千首，想肯重來賁一丘。

次韻酬徐仲元

投老逍遙胝與堂，天刑真已脫桁楊。緣源靜翳無魚淪，度谷深追有鳥頰。每苦交游尋五柳，最嫌尸祝授庚桑。相看不厭唯夫子，風味真如顧建康。

詩奉送覺之奉使東川

鞭；一；代官儀新藻拂，得瞻宸宇想留連。
三秋不見每惓惓，握手山林復悵然。後會敢期黃耆日，相看且度白鷄年。畏途石棧王尊馭，榮路金門祖逸

次韻奉酬覺之

周；尚；有光華賁岑寂，篋中佳句得長留。
久知乘傳入西州，雞黍從容本不謀。戶外驚塵尺書至，眼中飛浪片帆收。山林病骨煩三顧，湖海離腸欲萬

送程公闢得謝歸姑蘇

陪；（少保元絳謝事居姑蘇又王中南善歌詞與相唱酬燕集）除此兩翁相見外，不知三徑爲誰開？
東歸行路嘆賢哉，碧落新除寵上才。白傅林塘傳畫去，吳王花鳥入詩來。唱酬自有微之在，談笑應容逸少

送真判官

斷蘆洲渚落楓橋，渡口沙長過午潮。山鳥自呼泥滑滑，行人相對馬蕭蕭。十年長自青衿識，千里來非白璧招。握手祝君能強飯，華簪常得從雞翹。

次韻張德甫奉議

知君非我載醪人，終日相隨免汗茵。賈盡高山見流水，唱殘白雪值陽春。中分香積如來鉢，對現毗耶長者

身；誰拂定林幽處壁？與君圖寫繼吾真。

北山三詠

寶公塔

道林真骨葬青霄，窈堵千秋未寂寥。寶勢旁連大江起，尊形獨受衆山朝。雲泉別寺分三徑，香火幽人止一瓢。我亦鷲峰同聽法，歲時歌頌豈辭遙。

與海方丈

往來城府住山林，諸法脩然但一音。不與物違真道廣，每隨緣起自禪深。舌根已淨誰能壞，足迹如空我得尋。歲晚北窗聊寄傲，蒲萄零落半牀陰。

蓮光泉

籜龍將雨繞山行，注遠投深靜有聲。雲涌浴槽朝自暖，虹垂齋鏡午還晴。銅瓶各滿幽人意，玉鬣因高正士名。神力可嗟妨智巧，桔槔零落復蒼生。

登寶公塔

倦童疲馬放松門，自把長筇倚石根。江月轉空爲白晝，嶺雲分暝與黃昏。鼠搖岑寂聲隨起，鷗矯荒寒影對翻。當此不知誰客主，道人忘我我忘言。

重登寶公塔復用前韻二首

空見方墳涌半霄，難將生死問參寥。應身東返知何國，瑞像西歸自本朝。遺寺有門非輦路，故池無鉢但僧瓢。獨龍下視皆陳迹，追數齊梁亦未遙。

碧玉旋螺恍隔霄，冠山仙冢亦寥寥。空餘華構延風月，無復靈蹤落市朝。帳座追嚴多獻寶，供盤隨施有操。他方出沒還如此，與物何心作遷遙。

紙暖閣

聯屏蓋障一尋方，南設鈎簾北置牀。側座對敷紅絮暖，仰牕分啓碧紗涼。氈廬易以梅添壞，錦幄終於草野妨。楚穀越藤真自稱，每糊因得減書囊。

雨花臺

盤互長干有絕陁，井包佳麗入江亭。新霜浦溆綿綿淨，薄晚林巒往往青。南上欲窮牛渚怪，北尋難忘草堂靈。便與却走垂楊陌，已戴寒雲一兩星。

北牕

病與衰期每強扶，雞壅桔梗亦時須。空花根蒂難尋摘，夢境煙塵費掃除。耆域藥囊真妄有，軒轅經匱或元無。北窗枕上春風暖，漫讀毗耶數卷書。

小姑

小姑未嫁與蘭支，何恨流傳樂府詩。初學水仙騎赤鯉，竟尋山兔從文狸。繽紛雲縹空棠檝，綽約煙鬟獨桂旗。弄玉有祠終或往，飛瓊無夢故難知。

榮上人處欲歸以詩留之

道人傳業自天台，千里脩然赴感來。梵行毗沙爲外護，法筵靈曜得重開。已能爲我透神足，便可隨方長聖胎。肯願北山如慧約，與公西嶽斷莓苔。

呈陳和叔（井序）

嘉祐末和叔以集賢校理判登聞鼓院同知太常禮院皮場街有園數畝中置二棹輒裘丈北戶臨溝略約通街旁作小屋毀輜車爲蓋某以直集賢院爲三司度支判官以知制誥糾察在京刑獄同管勾三班院間度約飯車蓋下隨所有無坐臥輒上笑語常至夜如此三歲而和叔遭太夫人憂未幾某亦喪親以去時永昭陵尙未復土也後與和叔皆蒙今上拔用數會議語皆憂傷之餘責厚事叢無復故情元豐元年某食觀使祿居鍾山南和叔經略廣東道舊悵然某作詩以敘其事

親；後會縱多無此樂山林投老一傷神！
毀車爲屋僅容身，三歲相要薄主人。書寓棹輒常至夜，冬松溝約復尋春。南陔不泊公歸里，蒼墓垂成我喪

招呂聖之使君

潮溝東路兩牛鳴，十畝漪漣一草亭；委質山林如許國，寄懷魚鳥欲忘形。紛紛易變浮雲白，落落誰鍾老柏青；尙有使君同好惡，惟隨秋水肯揚舲。

公闢杆道見過獲聞新詩因敘數仰

青丘神父能爲政，碧落僊翁好作詩；舊事齊兒應共記，新篇楚老得先知。懷輒大峴如迎日，供帳闔門勝去時；若與鳴夷鬪百草，錦囊佳麗敵西施。

全椒張公有詩在北山西菴僧者漫之悵然有感

十年悵悵躡山阡，終欲持杯滴到泉；東路角巾非故約，西州華屋浸脩椽。幽明永隔休炊黍，真俗相妨久絕弦；遺墨每看疑邂逅，復隨人事散如煙。

嶺雲

嶺雲合處小盤桓，人得敷衾馬解鞍；寒荻著天榆歷歷，淨華浮海桂團團。交游渙散淵明喜，吏卒蕭條叔夜

寬方丈老翁無一髮，更知來不爲皮冠。

蓼蟲

蓼蟲事業無餘習，芻狗文章不更陳；
隱几自憐居喪我，倨堂誰覺似非人。
難堪藏室稱中士，祇合箕山作外臣；
尚有少緣灰未死，欲持新句惱比隣。

莫懷

莫疑得竹未知得，莫笑仙翁不學仙；
靈骨肯傳黃蘗燼，真心自放赤松煙。
蓮華世界何關汝，楮葉工夫浪費年；
露鶴在中江月白，一燈岑寂擁書眠。

卷十八 律詩 (七言八句)

示命秀老

繚繞山如涌翠波，人家一半在煙蘿；
時豐笑語春聲早，地僻追尋野興多。
窄堵未費開北向，招提素脊隱西阿；
暮年要與君攜手，處處相煩作好歌。

外廚遺火示公住

刀七初無欲清(七姓切)人，如何竈鬼尙嫌嗔；
脩脩短褐方煬(一作圍)火，冉冉青煙已被宸。
邂逅焚巢連鳥雀，倉黃濡幕愧比鄰；
王陽幸有囊衣在，報賞焦頭亦未貧。

讀眉山集次韻雪詩五首

若木昏昏未有鴟，凍雷深閉阿香車；
搏雲忽散筵爲屑，翦水如分綬作花。
擁篲尙憐南北巷，持杯能喜兩三家；
戲撥弄掬輸兒女，羔袖龍鍾手獨叉。

二

神女青腰寶髻鵷，獨藏雲氣委飛車；夜光往往多聯璧，白小紛紛每散花。珠網纏連拘翼座，瑤池森漫阿環家；銀爲宮闕尋常見，豈卽諸天守夜叉。

三

惠旒文字黑如鵷，於此機緘漫五車；嚼苦易縑終不染，紛然能幻本無花。觀空白足甯知處，疑有青腰豈作家？
家慧可忍寒真覺晚，爲誰將手少林叉。

四

寄聲三足阿環鵷，問訊青腰小駐車；一一照肌甯有種，紛紛迷眼爲誰花？爭妍恐落江妃手，耐冷疑連月姊家；長恨玉顏春不久，畫圖時展爲君叉。

五

戲搖微縞女鬟鵷，試咀流酥已頰車；歷亂稍埋冰揉粟，沉消時點水圓花。豈能舴艫真尋我，且與蝸牛獨臥家；欲挑青腰還不敢，直須詩膽付劉叉。

讀眉山集愛其雪詩能用韻復次韻一首

醜樞嚴飾曜金瓏，比興難工漫百車；水種所傳清有骨，天機能識嫩非花。嬋娟一色明千里，綽約無心熟萬家；長此賞懷甘獨臥，袁安交戟豈須叉。

入功德水

雪山馬口出琉璃，聞說諸天與護持；此水遙連入功德，供人真淨四威儀。當時迦葉無塵染，何事闍鄉有土思；道力起緣非一路，但知瓢飲是生疑。

寄題程公闕物華樓

吳楚東南最上游，江山多在物華樓。遙瞻旌節臨尊俎，獨臥柴荆阻獻酬。想有斯詩傳素壁，怪無餘墨到滄洲。偶逢南草重重綠，章水還能向北流。

酬俞秀老

灑掃東廡置一牀，於君獨覺故情長。有言未必輪摩詰，無法何曾泥鼓光。天壤此身知共弊，江湖他日要相忘。猶貪半偈歸思索，却恐提桓妄揣量。

次韻吳冲卿召赴資政殿聽講詩我感事一冲卿詩云：雪簫鳩鵲御溝融，燕

見殊恩綴上公，晝日乍驚三接寵，正風獲德二南終。解頭共仰天顏喜，贊而裁容聖域通。午漏漸長知禹錫，侍臣何術補堯聰。時修撰經義所，初進二南有

旨資政殿讀云。

周南麟趾聖人風，未有騶虞繫召公。雅頌兼陳為四始，笙歌合奏以三終。討論詔使成書上，休澣恩容著藉通。牆面豈能知奧義，延隆聽賞自為聰。

張侍郎示東府新居詩因而和酬二首

得野方蕞北山萊，赤白中天二府開。功謝蕭規慙漢第，恩從隗始詫燕臺。曾留上主經過跡，更費高人賦詠才。自古落成須善頌，掃除東閣望公來。

二

榮觀流傳動草萊，中官賜設上尊開。鼓歌窸窣聽疑夢，肴果聯翩饒有臺。斧藻故應宜舊德，棟梁非復稱凡材。虛堂欲踵曹參事，試問齊人或肯來。

次韻冲卿上元從駕至集禧觀偶成

昭陵持夢從遊人，更見熙甯第四春。寶構中開移玉座，華燈錯出映朱塵。輦前時看新歌舞，仗外還如舊徵巡。投老逢時追往事，却含愁思度天津。

次韻陪駕觀燈

繡篋含風下玉除，宮商挾奏斐然殊。福祥周室流爲火，恩澤堯樽散在衢。伏枕但能知廣樂，揮毫何以報明珠。願留巾篋歸田日，追詠公歡每自娛。

和吳相公東府偶成

承華往歲幸躊躇，風月清談接緒餘。並轡趁朝今已老，連牆得屋喜如初。誅茅我夢江皋地，澆蕘公思洛水渠。斂退故應容拙者，先營環堵祭牢蔬。

和蔡樞密孟夏日西府書事

宮闕初晴氣象饒，寶車攢轂會東朝。重輪慶自離明發，內壤陰隨解澤消。賜籩外廷紛錦繡，燕庖中禁續薪樵。聯翩入賀知君意，咫尺威顏不隔霄。

和蔡副樞賀平戎慶捷

城郭名王據兩陞，軍前一日送降旗。羌兵自此無傳箭，漢甲如今不解纍。幕府上功聯舊代，朝廷稱慶具新儀。周家道泰西戎喙，還見詩人詠串夷。

次韻奉和蔡樞密南京種山藥法（蔡詩井序云：一蒙見索南都種山藥法，井以生頭數十莖送上，輒成小詩。一青青正是中分天，區種何妨試玉延，卽見引頰綠夏木，定知如題薰冬筵。俗傳睡時以足按之卽如人足。一潤蓮御水冰

霜結蔭近堯雲雨露偏；自裹自題還自媿，揠苗應笑宋人然。
區種拋來六七年，春風條蔓想宛延，難追圃老菴苔徑，空對珍盤玳瑁筵。嘉種忽傳河右壤，靈苗更長闕西偏，故畦穿斷知何日，南望鍾山一慨然。

次韻元厚之平戎慶捷（來詩有一何人更得通天帶，謀合吾心只晉公）之句。
朝廷今日四夷功，先以招懷後燧戎，胡地馬牛歸隴底，漢人煙火起湟中。投戈更講諸儒藝，免胄爭趨上將風，文武佐時慚吉甫，宣王征伐自肅公。

謁魯公（卽赴會時）

翊戴三朝冕有蟬，歸榮今作地行仙，且開京闕（一作洛）蕭何第，未放江湖范蠡船。老景已鄰周呂尚，慶門方似漢韋賢，一觴豈足爲公壽，願賦長虹吸百川。

駕自啓聖還內

衣冠原廟漢家儀，羽衛親來此一時，天子當懷霜露感，都人亦歎鼓簫悲。紛紛瑞氣隨雲漢，漠漠榮光上日旗，塵土未驚閭闔閉，綠槐空覆影參差。

集禧觀池上詠野鷄

池上野鷄無數好，晴天鏡裏雪毳毳，似憐暄暖鳴相逐，疑戀寬閑去却回。京洛塵沙工點汙，江湖矰弋飽驚猜，羽毛的人難近，嗟此謀身或有才。

次韻東廳韓侍郎齋居晚興

齋禁雖嚴異太常，蕭然高臥意何長，煙含欲暝宮庭紫，日映新秋省闕黃。壯節易推行蹢蹢，華年相背去堂堂，追攀坐歎風塵隔，空聽鈞天夢帝鄉。

王安石詩集 卷十八

一一二

酬和甫祥源觀醮罷見寄

竊祿祠官久見容，每持金石薦宸衷。鈞天忽忽清都夢，方丈寥寥弱水風。知結勝緣人意外，想尋陳迹馬蹄中。新詩起我超然興，更感鍾山蕙帳空。

和御製賞花釣魚

陰幄晴雲拂曉開，傳呼仙仗九天來。披香殿上留朱輦，太液池邊送玉杯。宿蘂暖含風浩蕩，戲麟清映日徘徊。宸章獨與春爭麗，恩許賡歌豈易陪。

二

靄靄祥雲聳路晴，傳呼萬歲雜春聲。蔽虧玉仗宮花密，映燭金溝御水清。珠蘂受風天下暖，錦鱗吹浪日邊明。從容樂飲真榮遇，願賦嘉魚頌太平。

次楊樂道韻十六首

後殿朝衣偶題

百年文物士優游，萬國今方似綬旒。發策東堂招雋乂，回輿北苑罷倡優。忽隨諸彥登龍尾，尙憶當年應鶴頭。獨望清光無補報，更慙虛食太官羞。

御溝

渺渺金河漲欲平，數支分綠報清明。常祭犖路漂花去，更引流杯送酒行。靜見金輿穿樹影，清含玉漏過牆聲。衰顏一照自多感，迴首江南春水生。

幕次憶漢上舊居

漢水泱泱繞鳳林，峴山南路白雲深。如何憂國忘家日，尙有求田問舍心。直以文章供潤色，未應風月負登

臨！超然便欲遺榮去，却恐元龍會見侵。

後苑詳定書懷

文墨由來妙禁中，家傳豈獨賦河東；平生聽想風聲早，數日追隨笑語同。御水新如鴨頭綠，宮花更有鶴翎紅；看花弄水聊爲樂，不晚朝廷相弱翁。

上巳聞苑中樂聲書事

苑中誰得從春遊，想見漸臺瓦欲流；御水曲隨花影轉，宮雲低繞樂聲留。年華未破清明節，日暮初回夜複舟；更覺至尊思慮遠，不應全爲拙倡優。

用樂道舍人韻書十日事呈樂道舍人聖從待制

東門人物亂如麻，想見新鞦韆路華；午鼓已傳三刻漏，從官初賜一杯茶。匆匆殿下催分首，授授宮前聽賣花；歸去莫言天上事，但知呼客飲流霞。

詳定幕次呈聖從樂道

殿閣掄材覆等差，從臣今日擅文華；揚雄識字無人敵，何遜能詩有世家。舊德醉心如美酒，新篇清目勝真茶；一觴一詠相從樂，傳說猶堪異日誇。

崇政殿詳定幕次偶題

嬌雲漠漠擁層軒，嫩水濺濺不見源；禁柳萬條全細撚，宮花一段錦新翻。身閑始更知春樂，地廣還同避世喧；不恨玉盤冰未賜，清談終日自蠲煩。

詳定試卷二一首

簾垂咫尺斷經過，把卷空聞笑語多；論衆勢難專可否，法嚴人更謹誰何。文章直使看無類，勳業安能保不

磨？疑有高鴻在寥廓，未應迴首顧張羅。

二

童子常誇作賦工，葆年羞悔有揚雄；當時賜帛倡優等，今日論才將相中。細甚客卿因筆墨，卑於爾雅注魚蟲；漢家故事真當改，新詠知君勝弱翁。

奉酬楊樂道

邂逅聯裾殿閣春，却愁容易即離羣；相知不必因相識，所得如今過所聞。近代聲名出盧駱，前朝筆墨數淵雲；與公家世由來事，愧我初無百分。

奉酬聖從待制

班行想望歲空多，知有龍門未敢過；和近聖人師展季，勇爲君子盜荆軻。三刀舊協庭闈夢，五袴今傳里巷歌；復道謙書嘗滿篋，不唯詩句似陰何。

次韻吳仲庶少中畫壁

畫史雖非顧虎頭，還能滿壁寫滄洲；九衢京洛風沙地，一片江湖草樹秋。行數鱗魚竄共樂，臥看鷗鳥吏方休；知君定有扁舟意，却爲丹青肯少留。

夜讀試卷呈君實待制景仁內翰

篝燈時見語驚人，更覺揮毫捷有神；學問比來多可喜，文章非特巧爭新。蕉中得鹿初疑夢，牖下窺龍稍眩真；邂逅兩賢時所服，空令孤朽得相因。

答張奉議

五馬渡江開國處，一牛吼地作菴人；結蟠茅竹纔方丈，穿築溝園未過旬。我久欲忘言語道，君今來見句文

身；思量何物堪酬對，捧喝如今總不親。

卷十九 律詩（七言八句）

次韻和吳仲庶池州齊山圖畫（知制誥時作）

省中何忽有崔嵬，六幅生綃坐上開。指點便知巖石處，登臨新作使君來。雅懷重向丹青得，勝勢兼隨翰墨回。更想杜郎詩在眼，一江春雪下離堆。

次韻祖擇之登紫微閣二首

山；漠漠秋陰護掖垣，青雲祇在兩楹間。宮樓唱罷雞人遠，門闕朝歸虎士閑。華蓋北瞻天帝座，蓬萊東想道家山；却慚久此隨諸彥，文采初無豹一斑？

二

山；掖門相對徹銅銀，鸞鸞飛落在雨閒。潤色平生知地禁，登臨此日愧身閑。浮雲倒影移窗隙，落木回颺動屋山；忽憶初來秋尚早，紫微花點綠苔斑。

送沈觀察院出使湖南

諫書平日阜囊中，朝路爭看一馬驄。漢節飽曾衝海霧，楚帆聊復借湖風。皇華命使今爲重，直道酬君遠亦同。投老承明無補助，得爲湘守卽隨公。

春風

田；一馬春風北首燕，却疑身得舊山川。陽浮樹外滄江水，塵漲原頭野火煙。日借嫩黃初著柳，雨催新綠稍歸田；回頭不見辛夷發，始覺看花是去年。

王安石詩集 卷十九

一一六

永濟道中寄諸舅弟

燈火忽忽出銷陶，回看永濟日初高；
似聞空舍爲烏樂，更覺荒陂人馬勞。
客路光陰真棄置，春風邊塞祇蕭
颯；
辛夷樹下烏塘尾，把手何時得汝曹。

道逢文通北使歸

朱顏使者錦貂裘，笑語春風入貝州；
欲報京都近消息，傳聲車馬少淹留。
行人盡道還家樂，騎士能吹出塞
愁；
回首此時空慕羨，驚塵一段向南流。

將次相州

青山如浪入漳州，銅雀臺西八九丘；
螻蟻往還空壘故，騏驎埋沒幾春秋。
功名蓋世知誰是？
氣力迴天到此
休！
何必地中餘故物，魏公諸子分衣裘。

次韻平甫喜唐公自契丹歸（予辭北使而唐公代往）

留犁撓酒得戎心，繡袷通歡歲月深；
奉使由來須陸賈，離親何必強曾參。
燕人候望空甌脫，胡馬追隨出蹄
林，
萬里春風歸正好，亦逢佳客想揮金。

尹村道中

滿眼霜吹宿草根，謾知新歲不逢春；
却疑青嶂非人世，更覺黃雲是塞塵。
萬里張侯能奉使，百年曾子肯辭
親；
自憐許國終無用，何事紛紛客此身？

次韻王勝之詠雪

萬戶千門車馬稀，行人却返鳥休飛；
玲瓏翦水空中墮，的皪裝春樹上歸。
素髮聯華驚老大，玉顏爭好羨輕
肥；
朝來已賀豐年瑞，更問田家果是非？

次韻酬府推仲通學士雪中見寄

朝來看雲詠君詩，想見朱衣在赤墀。爲問火城將帶試，何如雲屋聽臆知？
曲肱稍覺吹來密，窮巷終憐掃去遲。欲訪故人非興盡，自緣無路得傳卮。

次韻宋次道憶太平早梅

大梁春費寶刀催，不似湖陰有早梅。今日盤中看翦綵，當時花下就傳杯。
紛紛自向江城落，杳杳難隨驛使來。知憶舊游還想見，西南枝上月徘徊。

和曾子翔授舒掾之作

皖城終歲靜如山，府掾應從到日閑。一水碧羅裁療繞，萬峰蒼玉刻孱顏。
舊遊筆墨苔今老，浪走塵沙鬢已斑。攬轡羨君橋北路，春風枝上鳥關關。

送劉和父奉使江西

劉郎今日擁旌麾，傳到江南喜可知。上冢還須擊羊豕，下車應不問狐狸。
無人敢效（一作勸）公榮酒，爲我聊尋逸少池。亦見嶺頭花爛慢，更將春色寄相思。

次韻張子野竹林寺二首

澗水橫斜石路深，水源窮處有叢林。青鴛幾世開蘭若，黃鶴當年瑞卯金。
敗壁數峰連粉墨，涼煙一穗起檀沈。十年親友半零落，回首舊遊成古今。

二

京峴城南隱映深，兩牛鳴地得禪林。風泉隔屋撞哀玉，竹月緣堦貼碎金。
藻井仰窺塵漠漠，青燈對宿夜沈沈。扁舟過客十年事，一夢此山愁至今。

王安石詩集 卷十九

一一八

送吳龍圖知江甯

才高明主味方深，屬郡聞風自革心。閩里不須多按治，山川從此數登臨。茅簷坐隔雲千里，柏壘初抽翠一尋。東望法然知有寄，但疑公豈久分襟。

送直講吳殿丞宰鞏縣

青嵩碧洛曾遊地，墨綬銅章恣在身。擁馬尙多畿甸雪，隨衣無復禁城塵。古來學問須行己，此去風流定慰人。更憶少陵詩上語，知君不負鞏梅春。

送真州吳處厚使君

江上齊船駐彩樓，鳴笳應滿綠楊橋。久爲漢史知文法，當使淮人服教條。拱木延陵瞻故國，叢祠瓜步認前朝。登臨莫負山川好，終欲東歸聽楚謠。

送李質夫之陝府

平世求才漫至公，悠悠羈旅士多窮。十年見子尙短褐，千里隨人今北風。戶外屨貧虛自滿，樽中酒賤亦空。共嫌欲老無機械，心事還能與我同。

題蘇子致政孫學士歸來亭

彭澤陶潛歸去來，素風千歲出塵埃。明時雋老心無累，故里高門子有才。更作園林負城郭，常留花月映池臺。却尋五柳先生傳，柴水區區但可哀。

次韻吳季野題岳上人澄心亭

高亭五月尚寒生，回首塵沙自鬱蒸。砌水亂流穿石底，檻雲高出蔽山層。躋攀欲絕人間世，締構知從物外僧。踞坐來清似洗，神奇未怪佛圖澄。

送薛珍

披筴窮鄉滿髮絲，
陂田荒盡豈嘗窺？
未應谷口終身隱，
正合菑川舉國推。
握手百憂空往事，
還家一笑卽芳時。
柘園定有辛夷發，
亦見東風使我知。

寄張先郎中

留連山水住多時，
年比馮唐未覺衰。
篝火尙能書細字，
郵筒還肯寄新詩。
胡牀月下知誰對？
蠻榼花前想自隨。
投老主恩聊欲報，
每瞻高躅恨歸遲。

汜水寄和甫

虎牢關下水逶迤，
遐想汝飄然過此時。
灑血祇添波浪起，
脫身難借羽翰追。
留連厚祿非朝隱，
乖隔殘年更土厓。
已卜冷城三畝地，
寄聲知我有歸期。

寄黃吉甫

朱顏去似朔風驚，
白髮多於野草生。
披筴讀書空有得，
求田問舍轉無成。
解鞍烏石岡邊坐，
攜手辛夷樹下行。
今日追思真樂事，
黃塵深處走雞鳴。

次韻平甫村墅春日

昨日青青尙未齊，
忽看春色滿高低。
陂梅弄影爭先舞，
葉鳥藏身自在啼。
樵躡踏雲歸舊徑，
漁篋背雨向前溪。
似似知我欲逃軒冕，
談笑相過各有攜。

卽席次韻微之泛舟

畫舸幽尋北果園，
應將陳迹問桑門。
地隨牆壁行多曲，
天著岡巒望易昏。
故國時平空有木，
荒城人少半爲行。
悠悠興廢皆如此，
賴付乾愁酒一罇。

王安石詩集 卷十九

1110

示長安君

少年離別意非輕，老去相逢亦愴情！
草草杯盤供笑語，昏昏燈火話平生。
自憐湖海三年隔，又作塵沙萬里行。
欲問後期何日是，寄書應見雁南征。

和平甫招道光法師

練師投老演真乘，像劫空王爪與肱。
於總持門通一路，以光明藏續千燈。
從容發口酬摩詰，邂逅持心契慧能。
新句得公還有賴，古人詩字取無僧。

和祖仁晚過集禧觀

妍暖聊隨馬首東，春衫猶未著方空。
煙霞送色歸瑤水，山木分香繞閭風。
壯髮已輪塵外綠，衰顏漫到酒邊紅。
日斜歸去人間世，却記前遊似夢中。

程公闢轉運江西

江西一節鑄黃金，最慰章濱父老心。
長孺向來真強子，次公今不異重臨。
餘風尚有敦謠在，陳迹非無勝事尋。
豫想新詩能寄我，十年華省故情深。

次韻微之卽席

釀成吳米野油囊，却愛清談氣味長。
閑日有僧來北阜，平時無盜出南塘。
風亭對竹酬孤峭，雪徑尋梅認暗香。
江水中滌應未變，一杯終欲就君嘗。

和王微之秋浦望齊山感李太白詩牧之

齊山置酒菊花開，秋浦聞猿江上哀。
此地流傳空筆墨，昔人埋沒已蒿萊。
平生志業無高論，末世篇章有逸才。
尚得使君驅五馬，與尋陳迹久徘徊。

次韻王微之登高齋

臺殿荒墟暮井堙，豪華不復昔臨春。北山漠漠雲垂地，南埭悠悠水映人。馳道被虧松半死，射場埋沒雉多馴。登高一曲悲亡國，想繞紅梁落暗塵。

和微之重感南唐事

叔竇傾陳行弊梁，可嗟曾不見興亡。齋祠父子終身費，酣詠君臣舉國荒。南狩皖山非故地，北師淮水失名王。天移四海歸真主，誰誘昏童肯用良。

李君昆弟訪別長蘆至淮陰追寄

怒水憑風雪壘高，亂流追我祇魚初。忽看淮月臨寒食，想映江春聽伯勞。道義宮成麟一角，文章已禿免千毫。後生可畏吾知子，南北何時見兩髦。

貴州虞部使君訪及道舊竊有感聞因成小詩

韶山秀拔江清寫，氣象還能出搢紳。當我垂暮初識字，看君揮翰獨驚人。郵轍急報旄麾入，齋閣遙瞻組紱新。握手更誰知往事，同時諸彥略成塵。

沖卿席上得行字

二年相值喜同聲，並轡塵沙眼亦明。新詔各從天上得，殘樽同向月邊傾。已嗟後會歡難必，更想前官責尚輕。鼠勉敢忘君所勗，古人憂樂有違行。

示董伯巖

穿橋度壑祗閒行，詠石嘲花亦漫成。嚼蠟已能忘世味，畫脂那更惜時名。長千里北寒山紫，白下門西野水明。此地一廬須卜築，故人他日訪柴荆。

卷二十 律詩（七言八句）

思王逢原二首

布衣阡陌動成羣，卓犖高才獨見君；杞梓豫章蟠絕壑，洪麟腰裏跨浮雲。行藏已許終身共，生死那知半路分？便恐世間無妙質，鼻端從此罷揮斤。

二

蓬蒿今日想紛披，冢上秋風又一吹；妙質不爲平世得，微言唯有故人知。廬山南墮富書案，盜水東來入酒卮；陳迹可憐隨手盡，欲歡無復似當時。

三

百年相望濟時功，歲路何知向此窮；鷹隼奮飛風羽短，麒麟埋沒馬羣空。中郎舊業無兒付，康子高才有婦同；想見江南原上墓，樹枝零落紙錢風。

和吳御史臨淮感事

柵鎖城扉曉一開，拖牙車軸轉成雪；黃塵欲礙龜山出，白浪空分汴水來。澁觀有村邀味陋，繁雲無力報奸回；騷人此日追前事，悲氣隨風動管灰。

和文獻滄浦見寄

多難漂零歲月賒，空餘文墨舊生涯；相看楚越常千里，不及朱陳似一家。髮爲感傷無翠葆，眼從瞻慕有玄花；唯詩與我寬愁病，報爾何妨賦棣華。

次韻吳季野再見寄

衣裘南北弊風塵，志趣卑汗已累親；流俗尚疑身察察，交遊方笑黨頻頻。遠同魚樂思濠上，老使鷗鷺取嶼濱；邂逅得君還恨晚，能明吾意久無人。

次韻平甫贈二靈山人汪惟象

家山松菊半荒蕪，杖策窮年信所如；占見地靈非卜筮，筭知人貴自陶漁。久諳郭璞言多驗，老比顏含意更疎；祇欲勒成方士傳，借君名姓在新書。

次韻和甫詠雪

奔走風雲四面來，坐看山壑玉崔嵬；平治險穢非無德，潤澤焦枯是有才。勢合便疑包地盡，功成終欲放春回；寒鄉不念豐年瑞，只憶青天萬里開。

次韻張氏女弟詠雪

天上空多地上稀，初寒風力故應微；那能鎮壓黃塵起，強欲侵凌白日飛。邑犬橫來矜意氣，窟蟾偷出助光輝；都城只有袁安憶，我亦年年幸賜衣。

次韻徐仲元詠梅二首

溪杏山桃欲占新，高梅放藥尚嬌春；額黃映日明飛燕，肌粉含風冷太真。玉笛悲涼吹易散，冰紈生澀畫難親；爭妍喜有君詩在，老我（一作我老）脩然敢效��。

二

舊挽青條冉冉新，花遲亦度柳前春；肌冰綽約如姑射，膚雪參差是太真。搖落會應傷歲晚，攀翻臞欲寄情親；終無驛使傳消息，寂寞知誰笑與��。

詩呈節判陸君（名彥回）

中郎筆墨妙他年，晚與君遊喜象賢。款款故情初未慙，飄飄新句總堪傳。英才但未遭文學，明主甯當棄浩然。投贈臨分加組麗，小詩能不強雕鐫。

留題曲親益山（和州曲敘）

巧與天成未覺殊，國工施手豈須臾。根連滄海蓬萊闊，勢壓黃河砥柱孤。坐上煙嵐生紫翠，影中樓閣見青朱。爲山觀水皆良喻，誰向君家識所趨？

不到太初兄所居後已十年以詩攀寄

一水衣巾藟翠綃，九峰瓊瑤刻青瑤。生才故有山川氣，卜築兼無市井聲。三葉素風門閥在，十年陳迹履綦銷。歸榮早晚重攜手，莫負幽人久見招。

偶成二首

漸老偏諳世上情，已知吾事獨難行。脫身負米將求志，勦力求田豈爲名。高論頗隨衰俗廢，壯懷難佐故人傾。相逢始覺寬愁病，搔首還添白髮生。

二

懷抱難開醉易醒，曉歌悲壯動秋城。年光斷送朱顏去，世事栽培白髮生。三畝未成幽處宅，一身還逐衆人行。可憐蝸角能多少，獨與區區觸事爭！

雨過偶書

霏然甘澤洗塵寰，南畝東郊共慰顏。地望歲功還物外，天將生意與人間。霖分星斗風雷靜，涼入軒窗枕簟閒。誰似浮雲知進退，纔成霖雨便歸山。

季春上旬苑中卽事

輦路行看斗柄東，簾垂殿閣轉春風。樹林隱翳燈台霧，河漢微明月影空。新蕊漫如紅燄燄，舊山常夢直漚漚。賞心樂事須年少，老去應無日再中。

上西垣舍人

共說才高世所珍，諸賢誰敢奪光塵。討論潤色今爲美，學問文章老更醇。賦擬相如真復似，詩看子建的應親。仍聞悟主言多直，詔史家兒往往嗔。

退朝

門外鳴驄送筆頻，披衣強起趁朝人。火城夜闌雲藏闕，玉座朝寒雪被宸。迢遞欲成雙白鬢，蕭條難得兩朱輪。猶憐退食親朋在，相與吟哦未厭貧。

與微之同賦梅花屋字三首

漢宮嬌額半塗黃，粉色凌寒透薄妝。好借月魂來映爛，恐隨春夢去飛揚。風亭把盞酬孤豔，雪徑回輿認暗香。不爲調羹應結子，直須留此占年芳。

二

結子非貪鼎鼐嘗，偶先紅杏占年芳。從教臘雪埋藏得，却怕春風漏洩香。不御鉛華知國色，祇裁雲縷想仙裝。少陵爲爾牽詩興，可是無心賦海棠。

三

淺淺池塘短短牆，年年爲爾惜流芳。向人自有無言意，傾國天教抵死香。蠟鬢黃金危欲墮，帶圍紅蠟巧能裝。嬋娟一種如冰雪，依倚春風笑野棠。

和晚菊

不得黃花九日吹，空看野葉翠葳蕤；淵明酩酊知何處？子美蕭條向此時。委翳似甘終草莽，栽培空欲傍藩籬；可憐蜂蝶飄零後，始有閑人把一枝。

景福殿前柏

香葉由來耐歲寒，幾經真賞駐鳴鑾；根通御水龍應墊，枝觸宮雲鶴更盤。怪石謾蒙三品號，老松先得大夫官；知君勁節無榮慕，寵辱紛紛一等看。

四月果

一春強半勒花風，幾日園林幾樹紅；汲汲追攀常恨晚，紛紛吹洗忽成空。行看果下蒼苔地，已作人間白髮翁；豈惜解鞍留夜飲，此身醒醉與誰同？

牆西樹

牆西高樹結陰稠，非屣窮年向此留；白日屢移催我老，清風一至使人愁。紛紛暝鳥驚環合，渺渺涼蟬咽欲休；回首舊林歸未得，看看知復幾春秋？

度鹿巖寄莘老

區區隨傳換冬春，夜半懸崖託此身；豈慕王尊能許國，直緣毛義欲私親。施爲已壞生平學，夢想猶歸寂寞濱；風月一歌勞者事，能明吾意可無人？

狄梁公陶淵明俱爲彭澤令，至今有廟在焉。刁景純作詩見示，繼以一篇（嘉祐中提點江東刑獄時作）。

梁公壯節就夔廳，臨令清身託酒徒；政在房陵成底事，年稱甲子亦何須。江山彭澤空遺像，歲月柴桑失故

區！區未俗此風猶不競，詩翁歎息未應無。

寄沈郵陽（時爲江東提刑）

離家當日尙炎風，叱馭歸時九月窮。朝渡藤溪霜落後，夜邊麈嶺月明中。山川道路良多阻，風俗謠言苦
通；唯有番君人共愛，流傳名譽滿江東。

送裴如晦宰吳江

青髮朱顏各少年，幅巾談笑雨歎然。柴桑別後餘三徑，天祿歸來盡一廛。解近都門誰載酒，蒼條江縣去鳴
弦；猶疑甫里英靈在，到日憑君爲纜船。

次韻樂道送花

沁水名園好物華，露盤分送子雲家。新妝欲應何人面，彩筆知書幾華花。曾和郢中歌白雪，亦陪天上飲流
霞；春風已得同心賞，更擬攜詩載酒誇。

籌思亭（在江東轉運司南廳後園）

昔人何計亦何思，許國憂民適此時。寓興中園爲遠趣，託名華榜有新詩。數株碧柳蒼苔地，一丈紅蕖綠水
池；坐聽菱謠知歲美，想銜杯酒問花期。

愁臺

頽垣斷塹有平沙，老木荒榛八九家。河勢東南吹地坼，天形西北倚城斜。傾壺語罷還登眺，岸幘詩成却嘆
嗟；萬事因循今白髮，一年容易卽黃花。

和正叔懷其兄草堂

茆堂竹樹水之濱，耕稼逍遙似子真。小吏一身今倦宦，先生三畝獨安貧。欲拋縣印辭黃綬，來伴山冠戴白
綸；祇恐明時收士急，不容家有兩閒人。

鄭子憲西齋

漫搆軒窗意亦深，滔滔浮俗倦登臨。詩書子載經綸志，松竹四時蕭洒心。曉枕不容春夢到，夜燈唯許月華侵。行看富貴酬勤苦，車馬重來拾翠陰。

寄題思軒

名郎此地昔徘徊，天誘良孫接踵來。萬屋尙歌餘澤在，一軒還向舊堂開。右軍筆墨空殘沼，內史文章祇廢臺。邑子從今誇勝事，豈論王謝世稱才。

陳君式大夫恭軒

恭軒靜對北堂深，新斲檀栒一散陰。膝下往來前日事，眼中封植去年心。每憐蟬蛩沾餘瀝，獨喜駉歌有嗣音。肯構會須門闕大，世實何用滿籛金。

寄黃吉甫

學兼文武在吾曹，別後應看虎豹韜。欲問廟堂誰鎮撫，尙傳邊塞敢驚騷。旌旗急引飛黃下，（時發騎士南征）烽火遙連太白高。聞說荆人亦憔悴，寧家還願獻春醪。

高翁齋

魏留十七助防邊，埋沒鹽州十八年。衣屨窮空委胡婦，煠糧辛苦待山田。關河舊路頻回首，腹背他時雨受鞭。邂逅得歸耶戰死，毋隨人去亦蕭然。

丁年

丁年結客盛遊從，宛洛旣車處處逢。吟盡物華愁筆老，醉消春色愛醅濃。墟間寂寞在如病，銀燭荒涼叔夜慵。早晚青雲須自致，立談平取徹侯封。

卷二十一 律詩（七言八句）

送王詹叔利州路運判

王孫舊讀五車書，手把山陽太守符。未駕朱轡辭輦轂，却分金節佐均輸。人才自古常難得，時論如君豈久孤。去去使看歸奏事，莫嗟行路有崎嶇。

送周仲章使君

看君東下雪溪船，回首紛紛已五年。簪筆少留吾所望，剖符輕去此何緣。高麾行路穿秦樹，駿馬歸時著蜀鞭。子墨文章應滿篋，承明宣室正詳延。

送王蒙州

請郡東南促去程，拍堤江水照紅旌。仁聲已逐春風到，使節猶占夜斗行。箭落阜鷗竊免避，句傳炎海鱷魚驚。麒麟不是人間物，漢詔先應召賈生。

送龐策判

北都兩去不辭勤，仕路論材況出羣。一相開藩嘗負弩，三年通籍更從軍。清談猶得當時事，遺愛應從此日聞。我憶荆溪山最樂，看君摩翮上青雲。

送潘景純

東都會以一當千，場屋聲名十五年。晚賜綠衣隨宦牒，始操丹筆事戎旂。明時正欲精蒐選，榮路何當力薦延。賴有史君能好士，方看一鷗在秋天。

送僧無惑歸鄰陽

晚扶衰憊寄人間，應接紛紛祗強顏。挂席每諳東匯水，採芝多夢舊遊山。故人獨往今爲樂，何日相隨我亦閑。歸見江東諸父老，爲言飛鳥會知還。

送遜師歸舒州

山川相對一悲翁，往事紛紛夢寐中。邂逅故人恩意在，低徊今日笑言同。看吹陌上楊花滿，忽憶巖前蕙帳空。亦見桐鄉諸父老，爲傳衰颯病春風。

寄育王大覺禪師

單已安那示入禪，草堂難望故依然。山今歲暮終岑寂，人更天寒最靜便。隱蹟亦知甘自足，憑心豈吝慰相憐。所聞不到荆門耳，人老禾新又一年。

寄無爲草張居士

南陽居士月城翁，曾習禪那問色空。卓犖想超文字外，低徊却寄語言中。真心妙道終無二，末學殊方自不同。此理世間多未悟，因君往往嘆西風。

次韻酬鄧子儀二首

青溪相值各青春，老去臆流輒損神。事事只隨波浪去，年年空得髮毛新。論心未忍還橫目，千世還憂近逆鱗。嘉句感君邀我厚，自嗟才不異常人。

二

金陵邂逅府東偏，手得新蒲每共編。采石偶耕垂下日，青溪並釣亦三年。君才有用方求祿，我志無成稍問田。一笑欲論心迹事，白頭相就且歌眠。

送李

湖海聲名二十年，尚隨鄉賦已華顛。却歸甫里無三徑，擬傍胥山就一廛。朱轂風塵休悵望，青鞋雲水且留
鍾。故人亦見如相問，爲道方尋木雁篇。

送章允

道合由來不易謀，豈無和氏識荆璆。一川濁水浮文鷁，千里輕帆落武丘。身退豈嫌吾道進，學成方悟衆人
求。西風乞得東南守，杖策還能訪我不。

別葛使君

邑屋爲儒知善政，市門多粟見豐年。追攀更覺相逢晚，談笑難忘欲別前。客幙雅遊皆置榻，令堂清坐亦鳴
弦。輕舟後夜滄江北，迴首春城空黯然。

送王龍圖守荆南

壯志高才偃一藩，更嗟賢路此時難。長幡欲動何妨屈，老驥能行豈易閑。沙市放船寒月白，涪官留御古苔
斑。知公未厭還隨詔，歸看功名重太山。

次韻酬宋中散二首

初見彤庭賜履雙，便參東閣寄南邦。時聞正論除疑網，每讀高辭折慢幢。陳迹欲尋無復日，舊思思報有如
江。風流今見佳公子，按老心旌一片降。

二

超然京洛諒難雙，處在家庭譽在邦。道義門中窺戶牖，風騷壇上見麾幢。素書款款誰憐杜，彩筆道道獨勝
江。信美賢公有才子，篤誠真復類龍降。

和宋太傅服除還朝簡諸朋舊

呼門初起外廷臣，秀氣稜稜動縉紳；談論坐來能慰我，篇章傳出亦驚人。生芻一束他年闕，伐木相求此地新；便欲與君同樂處，窮通餘事不關身。

次韻酬宋珪一首

洗雨吹風一月春，山紅漫漫綠紛紛；簾裳遠野誰從我？散策空陂忽見君。青眼坐傾新歲酒，白頭追誦少年文；因嗟涉世終無補，久使高材雍上聞。

二

東風渺渺客天涯，病眼先春已見花；遠欲報君羞強聒，老知隨俗厭雄誇。窮通往事真如夢，得失秋毫豈更嗟！邂逅故人唯有醉，醉中衣漬任欹斜。

三

城中燈火照青春，遠引吾方避糾紛；遊行水邊追野馬，嘯歌林下應山君。愁尋徑草無求仲，喜對簪花有廣文；邂逅一樽聊酌酒，聲名身後豈須聞？

四

遠迹荒郊謝舊寮，春風誰與駐干旄；故交重趼恩何厚，新句連篇韻更高。美似狂醒初噉蔗，快如衰病得觀濤；久知坏冶成天巧，豈與人間共一陶？

五

無能私願祇求田，時物安能學計然；鑿井未成歌擊壤，射熊猶得夢鈞天。遙思故國歸來日，留滯新恩已去年；攜手與君遊最樂，春風陂上水濺濺。

六

山破嶺昔從尋親，諸父先生各飄紛；零落長年誰語此，遲回故地却逢君。衣冠偶坐論經術，襤褸當時刺繡文；更怪高軒終未遇，有司何口選方聞。

寄吳正翁知府馬行之，都官梅聖俞、太博和寄依韻酬之。

山水玄暉去後空，騷人還向此間窮。小詩聊與論孤憤，大句安知辱兩雄。秦甲久愁荆劍利，趙兵今窘漢旗紅；背城不敢收餘燼，馬首翩翩只欲東。

寄平甫

少時爲學豈身謀，欲老低徊各自羞；乘馬從徒真擾擾，求田問舍轉悠悠。弦歌舊國平生樂，鞍馬新年幾日留；坐想搖鞭楊柳路，春風先我入皇州。

次韻舍弟常州官舍應客

霜雪紛紛上鬢毛，憂時自悔目空蒿。桑麻祇欲求三畝，執利誰能算一毫？此地舊傳公子札，吾心真慕伯成高；飄然更有乘桴興，萬里寒江正復瀟。

舟還江南阻風有懷伯兄

幾時重接汝南評，兩槩留連不計程；白浪黏天無限斷，玄雲垂野少晴明。平臯望望欲何向？薄宦嗟嗟空此行；會有開樽相勸日，鵲鶴隨處共飛鳴。

同陳伯通、錢材翁遊山二君有詩因次元韻

秋來閑興每登臨，因叩精藍望碧岑；強策羸驂尋水石，忽驚幽鳥下煙林。同時覽物悲歡異，自古忘名趣向深；安得湖山歸我手，靜看雲意學無心。

夢張劍州

萬里憐吾蜀道歸，相逢似喜語還悲。江淮別業依前處，日月新阡卜幾時？自說齒阿猶未穩，卽尋淦水去猶遲。真茫然却是陳橋夢，昨日春風馬上思。

酬慕容員外（嘗爲王官教授以武舉入官，被謫）

初駕王門學者師，晚漂湖海衆人疑。吹毛未識腰間劍，刺股猶藏袖裏雞。衛霍功名還有命，蘇張才氣久非時。江元亦見應須歎，莫放窮愁入兩眉。

次韻張唐公馬上

揭節初悲力不任，賜身終愧認恩臨。却來氣弱歸空耳，偷取官多貴恐深。膏澤空施空謗怨，瘡痍猶在豈誰吟？嗚呼昔信馬江城路，欲訪何人話此心？

和王司封會同年

收科天陞頃同時，回首相歡事亦稀。追憶舊遊星鬢脫，交酬新唱雪襟飛。直須傾倒蟻中酒，休惜潑浪坐上衣。日暮王翁留玄幹，會稽聊滯買臣歸。

次韻酬子玉同年子玉詩云：「鍋盡金湯御帝策，龍求窟虎識軍威。男兒本有四方志，祇在蓬蒿恐不知？」

盛德無心漢北窺，蕃胡亦恐塞方極。塞垣高壘深溝地，幕府輕裘緩帶時。種將時音思李牧，楚音身自感鍾儀。將君許我論邊績，俎豆平生却少知。

和舍弟舟上示沈道源

還裝欲盡喜舟輕，更喜嘉賓伴此行。野飲不忘魚可釣，旅養何惜雁能鳴。西山壯馬先歸牧，南穴殘臬欲就烹。憂國自多廢廟宰，與君詩酒盡交情。

過山即事

却過茲山已九年，江湖身世只飄然。曲城丘墓心空折，鹽步庭闈眼欲穿。慘慘野雲生隴底，蕭蕭飢馬立風前。轉多愁思催華髮，早晚輕舟上秀川。

酬裴如晦

二年羈旅越人吟，乞得東南病更侵。傷子未安莊氏義，壽親還慰魯侯心。鮮鮮細菊霜前蕊，漠漠疎桐日下陰。燭酒一杯秋滿眼，可憐同意不同斟。

酬鄭閣中

蕭條行路欲華顛，回首山林尚渺然。三釜祇知爲養急，五漿非敢在人先。文章滿世吾誰慕？行義如君衆所傳。宜有至言來助我，可能空寄好詩篇？

寄余溫卿

雲散風流不自禁，天涯無路盍朋簪。空馳上國青泥信，誰和南山白石音。平日離愁寬帶眼，訖春歸思滿琴心。終同一命翩翩駕，獨過稽山銀樹陰。

寄鄭侍郎

兩朝人物歎賢豪，凜凜清風晚見褒。江漢但歸滄海闊，丘陵難學太山高。放懷詩酒機先息，迴首功名世自勞。願作公樽組客，恨無三敵斷蓬蒿。

送道光法師住持靈巖

靈巖開闢自何年？草木神奇鳥獸仙。一路紫苔通寶竅，千崖青靄落潺湲。山祇嘯聚荒禪室，象衆低摧想法筵。雪足莫辭重趼往，東人香火有因緣。

卷二十二 律詩（七言八句）

奉酬永叔見贈

欲傳道義心猶在（一作雖壯）強學（一作學作）文章力已窮；他日若能窺孟子，終身何敢望韓公？
出諸生後，倒屣嘗傾廣座中，祇恐虛名因此得，嘉篇爲賦豈宜蒙。

送陳舜愈制科東歸

諸賢發策未央宮，獨得菑川一老翁；
尚學暮年終漢相，高談平日漫周公。君今壯歲收科等，我欲它時看事功；
聞說慨然真有意，贈行聊似古人風。

送何正臣主簿

何郎冰雪照青衣，應敵皆言筆有神；
魯國儒人何獨少，元君畫史故應真。百年冠蓋風雲會，萬里山川日月新；
可但諸公能品藻，會須天子擢平津。

與舍弟華藏院此君亭詠竹

一逕森然四座涼，殘陰餘韻去何長；
人憐直節生來瘦，自許高材老更剛。曾與蒿藜同雨露，終隨松柏到冰霜；
煩君惜取根株在，欲乞伶倫學鳳凰。

上元戲呈真父

車馬紛紛白晝同，萬家燈火暖春風；
別開閭闔壺天外，特起蓬萊陸海中。盡取繁華供俠少，祇分牢落與衰翁；
不知太乙遊何處，定把青藜獨照公。

次韻楊樂道述懷之作

素心非不慕前修？自怪因循欲白頭。獵較趣時終瑣瑣，畫壇營職信悠悠。濠梁最憶知魚樂，牢莢翻慙爲鹿謀。尙有故人能慰我，詩成珠玉每相投。

和楊崇道見寄

宅帶園林五畝餘，蕭條還似茂陵居。殺青滿架書新繕，生白當牕室久虛。孤學自難窺奧密，重言猶得慰空疎。相思每欲投詩社，只待春蒲葉又書。

寄吳冲卿二首

平生身事略相同，三歲連牆左廟中。更得謬恩分省舍，又將衰髮作隣翁。聯翩久傍官槐綠，契闊今看楚蘆紅。不欲與君爲遠別，沙臺吹帽約秋風。

二（時吳晉州方得專）

塞垣花氣欲飛浮，眼底紛紛綠漸抽。悠遠山川嗟我老，急難兄弟想君愁。舊知白日諸曹滿，試問紅燈幾客留。留時節只應無意思，亦如行路判春休。

酬冲卿見別

同官同齒復同科，朋友婚姻分最多。兩地塵沙今齟齬，二年風月共婆娑。朝倫孰與君材似？使指將如我病何。升黜會應從此異，願偷閑暇數經過。

次御河寄城北會上諸友

客路花時祇撥心，行逢御水半晴陰。背城野色雲邊盡，隔屋春聲樹外深。香草已堪回步履，午風聊復散衣襟。憶君載酒相追處，紅萼青跗定滿林。

寄友人三首

萬里書歸說我愁，知君不忘北城幽。一篇封禪才難學，三畝蓬蒿勢易求。欲與山僧論地券，願爲鄰舍事田疇。應須急作南征計，漠北風沙不可留。

二

水邊幽樹憶同攀，曾約移居向此間。欲語林塘迷舊逕，却隨車馬入他山。飛花著地容難冶，鳴鳥窺人意轉閑。物色可歌春不返，相思空復慘朱顏。

三

一別三年至一方，此身漂蕩只殊鄉。看沙更覺蓬萊淺，數日空驚霹靂忙。涉渺水波低赤岸，濛濛雲氣淡扶桑。登臨舊興無多在，但有浮槎意未忘。

寄張襄州

襄陽州望古來雄，耆舊相傳有素風。四葉表閭唐尹氏，一門逃世漢龐公。故家遺俗應多在，美景良辰定不空。遙憶習池寒夜月，幾人談笑伴詩翁。

次韻昌叔懷瀟樓讀書之樂

志食長年不得休，一巢無地拙於鳩。聊爲薄宦容身者，能免高人笑我不。道學文章吾事落，塵埃波浪此生浮。看君別後行藏意，回厭瀟樓祇自羞。

酬洋因長老樓上飯見懷有疑君魂夢在清都之句

道人心與世無求，隱几蕭然在此樓。坐對高梧傾曉月，看翻清露洗新秋。空臨更欲邀元亮，披寫還能擬惠休。願我不知天上樂，虛疑昨夜夢仙遊。

寄張謂招張安國金陵法曹

我老願爲臧丈人，君今少壯豈長貧？好須自致青冥上，可且相從寂寞濱！深谷黃鸝驕引子，曲磻翠碧巧藏身；尋幽觸靜還成興，何必區區九陌塵！

欲往淨因寺，涇州韓持國

紫荆山下物華新，只與都城共一春。令節想君攜綠酒，故情憐我踏黃塵。紺魚已悔他年事，搏虎方收末路身；欲寄微言書不盡，試尋曾閣望西人。

送別韓虞部

客舍街南初著巾，與君兄弟卽相親。當年豈意兩家子，今日更爲同社人。京洛風塵嗟阻闊，江湖杯酒惜逡巡；歸帆嶺北茫茫水，把手何時寂寞濱？

懷舒州山水呈昌叔

山下飛鳴黃栗留，溪邊飲啄白符鳩；不知此地從吾處，亦有他人繼我不。塵土生涯休盪蕩，風波時事只飄浮；相看髮禿無歸計，一夢東南卽自羞。

呈柳子玉同年

三年不上鄴王臺，鴻鴈歸時又北來；水底舊波吹歲換，柳梢新葉卷春回。鹿沙微浪凋雙鬢，鼙鼓忽忽把一盃；勞事欲歇無與和，衰頽思見故人開。

次韻陸定遠以謫往來求詩

牢落何由共一樽，相望空復歎芝焚。濟時尙負生平學，慰我應終別後文。可但風流追甫白，由來家世出機雲；行吟強欲偷新格，自笑安能到萬分。

李璋下第

王安石詩集 卷二十二

一四〇

浩蕩宮門白日開，君王高拱試羣材；學如吾子何憂失，命屬天公不可猜？意氣未宜輕減概，文章尤忌數悲哀；男兒獨患無名爾，將相誰云有種哉？

送楊驥秀才歸鄱陽

客舍風塵弊綠衣，悲吟重見鴈南飛；荆山和氏方三獻，太學何生且一歸？曠野已寒諳獨宿，長年多難惜分違；巾箱所得皆幽藪，亦見鄉人爲發揮。

平山堂

城北橫岡走翠虬，一堂高視兩三州；淮岑日對朱欄出，江岫雲齊碧瓦浮。墟落耕桑公愷悌，杯觴談笑客風流；不知岷首登臨處，壯觀當時有此不？

示儂後

先生貧做古人風，紈想榮桑在眼中；慙慙雞豚非孟子，勤勞禾黍信周公。深藏組纒三千牘，靜占寬閑五百弓；處世但令心自可，相知何藉一劉龔。

示四妹

孟光求壻得梁鴻，廡下相隨不諱窮；卓犖才名今日事，蕭條門巷古人風。五噫尙與時多忤，一笑兼忘我屢空；六月塵沙不相貸，悠然搔首又西東。

寄酬曹伯玉因以招之

寒鷗對立西風樹，幽草環生白露庭；清坐苦無公事擾，高談時有故人經。思君曩日投朱紱，過我何時載綠甌；及北江湖氣蕭瑟，最宜相世倒吾甌。

次韻奉酬李賓夫

逸少池邊有舊山，幾年征淚染文斑；
驚駘自飽方爭路，屢裏長飢不在閑。
雪漲江南歸浩蕩，煙埋河朔去關關；
勞歌一聽皆愁思，況我心非木石頑。

寄袁州曹伯玉使君

宜春城郭燒樓臺，竟見登臨把一盃；
濕濕縹雲生竹箇，冥冥江雨熟楊梅。
政成定入邦人詠，詩就還隨驛使來；
錯莫風沙愁病眼，不知何日爲君開。

荆太保有鶴折翼以詩傷之客有記「翎經冥」二韻而忘其詩者因作四韻

不爲摧傷改性靈，靜中猶見好儀形；
每憐今日長垂翅，却悔當時誤剪翎。
醫得蒼創猶有法，相知多難豈無經？
稻梁且向人間覓，莫羨搏風起北冥。

寄致政吳虞部

白鷗生意在滄波，不爲風塵有網羅；
年抵馮唐初未半，才方疎廣豈能多？
孤清楚國知誰繼，遺愛郴人想共歌；
嗟我欲歸真未晚，雪舟乘興會相過。

再至京口寄漕使曹郎中

漂流曾落此江邊，憶與詩翁賦浩然；
（浩然堂名）鄉國去身猶萬里，驛亭分首已三年。
北城紅出高枝觀，南浦青回老樹圓；
還似昔時風露好，只疑談笑在君前。

次韻平甫金山會宿寄親友

天末海門橫北固，煙中沙岸似西興；
已無船舫猶聞笛，還有樓臺抵見燈。
山月入松金破碎，江風吹水雪崩騰；
飄然欲作乘桴計，一到扶桑恨未能！

送何聖從龍圖

射策曾稱蜀郡雄，朝廷重得漢司空。應留賜席丹塗地，誤責飛芻紫塞功。三徑欲歸無舊業，百城先至有清風。潞山直與天爲黨，回首孫高想見公。

送趙學士陝西提刑

遙知彼俗經兵後，應望名公走馬來。陛下東求今日始，胸中包畜此時開。山西豪傑歸囊膾，河北風光入酒盃。堪笑陋儒昏鄙甚，略無謀術贊行臺。

丙申八月作

秋風摧剝利如刀，漠漠昏煙玩日高。眼看南山露崖巖，心隨東水轉波濤。歸期正自憑蒼翠，生理應須問酒醪。還有詩書能慰我，不多霜雪上顛毛。

登西樓

樓影侵雲百尺斜，行人樓上憶天涯。情多自悔登臨數，目極因驚悵望餘。一曲平蕪連古樹，半分殘日帶晴霞。潘郎何用悲秋色，祇此傷春髮已華。

卽事

河流南苑岸西斜，風有晶光露有華。門柳故人陶令宅，井桐前日嬾持家。嘉招欲羨盃中潑，麗唱仍添錦上花。便作武陵樽俎客，川源應未少紅霞。

卷二十三 律詩（七言八句）

酬吳仲庶小園之句

舊年臺榭掃流塵，職閉朱門歲又新。花影隙中看裊裊，車音牆外去嚶嚶。相逢豈少佳公子，一醉何妨薄主

人祗向東風邀載酒，定知無奈帝城春。

始與韓玉波相近，居遂相與遊。今居復相近，而兩家子唱和詩相屬，因有此作。
羈旅兒童得近鄰，相知邂逅即情親。當時豈意兩家子，此地更爲同社人。勲業彈冠知白首，文章投筆讓青春。萬金雖愧君多產，比我淵明亦未貧。

春寒

春風滿地月如霜，拂曉鐘聲到景陽。花底袂衣朝宿衛，柳邊新火起嚴粧。冰殘玉豨泉初動，水澀銅壺漏更長。從此暄妍知幾日，便應鷓鴣損年芳。

次韻再遊城西李園

京師花木類多奇，常恨春歸人未歸。車馬喧喧走塵土，園林處處鎖芳菲。殘紅已落香猶在，羈客多傷涕自揮。我亦悠悠無事者，約君聯騎訪郊圻。

予求守江陰未得酬昌叔憶江陰見及之作

黃田港北水如天，萬里風檣看賈船。海外珠犀常入市，人間魚蟹不論錢。高亭笑語如昨日，末路塵沙非少年。強乞一官終未得，祗君同病肯相憐。

送蘇屯田廣西轉運

置將從來欲善師，百城蹉跌起毫釐。驅除久費兵符出，按撫紛煩使節移。恩澤易行窮苦後，功名常見急難時。孺文此日風流在，直筆他年豈愧辭。

酬淮南提刑邵不疑學士（來詩及予送沈常州之詩而卒有素壁鏡詩尙未

泥之句）

曾詠常州送主人，豈知身得雨朱輪。田疇汎濫川方壅，廚傳蕭條市亦貧。以我薄材思拊卹，賴君餘教得因循。詢求故有風謠在，不獨饒詩尙未泯。

酬王太祝

一馬常隨世事馳，豈論江徼與河湄。已成白髮潘常侍，更似青衫杜拾遺。勲業儻來知有命，文章聊欲見無期。喜君材俊能從我，力學何妨和子思。

出城訪無黨因宿齋館

關外尋君信馬蹄，漫成詩句任天倪。花枝到眼春相照，（一作映）山色侵衣晚自迷。今日笑談還喜共，經年勞逸固難齊。生涯零落歸心懶，多謝慇懃杜宇啼。

寄張氏女弟

十年江海別常輕，（一作經）豈料今隨寡嫂行。心折回誰論宿昔，魂來空復夢平生。音容想像猶如昨，歲月蕭條忽已更。知汝此悲還似我，欲爲西望涕先橫。

奉寄子思以代別

南北蹉跎成兩翁，悲歡邂逅笑言同。全家欲出嶺雲外，匹馬肯尋山雨中。趨府折腰嗟蹢躅，聽泉分手惜匆匆。寄聲但有加滄飯，才業如君豈久窮？

次韻劉著作過茆山今平謂往遊因寄

華陽仙伯有遺躅，官府今傳在赤城。三鶴不歸猶地勝，二君能到亦心清。詩中慷慨悲陳迹，篇末慇懃獎後生。遙想青雲知可附，坐看閭巷得名聲。

次韻十四叔賜詩留別

窮冬迫路出西津，得伴茫然兩見春；
發冊久嗟淹國士，起家初命慰鄉人；
行辭北闕樓臺麗，歸佐南州縣邑新；
班草敷行次上淚，何時杖屨却相親？

次韻取天陽大風

雲埋月缺覺寒灰，颺發齊如巨象駝；
縱勇萬川冰柱立，紛披千障土囊開；
魯門未怪爰居至，鄭圃何妨禦寇來；
終夜不眠誰與共，坐忘唯有一顏回。

法喜寺

門前白道自縈回，門下青苔間綠苔；
雜樹繞花鶯引去，壞簷無幕鶯歸來；
寂寥誰共樽前酒，牢落空留案上杯；
我憶故鄉誠不淺，可憐鷓鴣重相催。

長干寺

梵僧清閑削布金，小塘回曲翠文深；
柳條不動千絲直，荷葉相依萬蓋陰；
漠漠岑雲相上下，翩翩沙鳥自浮沈；
羈人樂此忘歸思，忍向西風學越吟。

落星寺在南康軍江中

翠雲臺殿起崔嵬，萬里長江一酒杯；
坐見山川吞日月，杳無車馬送塵埃；
鴈飛雲路聲低過，客近天門夢易來；
銅勝概唯詩可收拾，不才羞作等閑來。

清風閣

飛甍孤起下州牆，勝勢崢嶸歷四方；
遠引江山來控帶，平看鷹隼去飛翔；
高蟬感耳何妨靜，赤日焦心不廢涼；
況是使君無一事，日陪賓從此傾觴。

留題微之廳中清風閣

故人名字在瀛洲，擗返低徊向北留。鷗鳥一雙隨坐笑，荷花十丈對冥搜。水涵樽俎清如洗，山染衣巾翠欲流。宦海應疑鬼神事，知君能復幾來遊。

次韻和甫春日金陵寄臺

鍾山紫雲水涵洞，西有陵雲百尺臺。萬物已隨和氣動，一樽聊與故人來。天邊幽鳥鳴相和，地上晴煙掃不開。我眼蒼蒼長一作唯恐盡，直須去取六龍回。

慶老堂神經

板輿去國宦三年，華屋歸來地一偏。種竹常疑出多筍，開池故合涌寒泉。身閑是老猶能戲，道勝鄉人不更遷。嗟我強顏無所及，想君爲樂更焦然。

寄陳直叔

扁舟欲動更徘徊，一笑相看病眼開。事作貴人今見節，政行臺縣幾稱材。忽驚歲月侵雙鬢，却喜山川共一杯。落日亂流江北去，離心猶與水東廻。

寄張翥鼎并示女弟詩張以太夫人喪自袁州歸

劍閣天梯萬里寒，寒風此日白衣冠。烏辭反哺顛毛黑，烏引思歸口血丹。行路想君今青瘦，相逢添我老蒼酸。浮雲渺渺吹西去，每到原頭勒馬看。

元孫以詩送綠石硯所謂玉堂新樣者

玉堂新樣世爭傳，況以綠陰綠有鐫。嗟我長來無異物，愧看持贈有佳篇。久埋瘴霧看猶濕，一取春波洗更鮮。還與故人袍色似，論心於此亦同堅。

和儂之杜亭

爲有檀藥白雉陽，鸞歸杖屨此徜徉。觀魚得意還知樂，入鳥忘機肯亂行。未敢許君輕去國，不應如我漫爲
郎。中門日涉亦無趣，保北千鐘應北堂。

劉德之梅景新句

江梅落盡兩番香，去馬來牛漫不分。當此沈陰無白日，豈知炎旱有形雲。琴絃欲緩何妨促，蠶蠶微生故可
熏。回首涼秋知未遠，言頻重曝阮郎視。

平甫與賓客遊金山思力糞井見寄及相見得詩次韻二首

窺參時宰道人琳，負著諸公弟苦心。勝踐肯論山在險，冥搜欲與海爭深。搖搖北下隨帆影，躑躅東來想足
音。握手更知得伯達，隔雲冥鷲碧千尋。

二

漳南開士好叢林，慧劍何年出水心。獨往便應諸漏盡，相逢未免故情深。檻疑山鳥有真意，窗聽海潮非世
音。一笑上方人事外，不知衰境兩侵尋。

金陵懷古四首

霸祖孤身取二江，子孫多以百城降。豪華盡出成功後，逸樂安知與禍雙。東府舊基留佛剎，後庭餘唱落船
窗。黍離麥秀從來事，且置興亡近酒缸。

二

天兵南下此橋江，敵國當時指顧降。山水雄豪空復在，君王神武有難雙。留連落日頻回首，想像餘墟獨倚
窗。却怪夏陽纔一葦，漢家何事費罍缸。

三

地勢東回萬里江，雲間天闕古來雙。兵纏四海英雄得，聖出中原次第降。山水寂寥埋王氣，風烟蕭颯滿僧窗。廢陵壞冢空冠劍，誰復沾纓醉一缸？

四

憶昨天兵下蜀江，將軍談笑士爭降。黃旗已盡年三百，紫氣空收劍一雙。破堞自生新草木，廢宮誰識舊軒窗？不須搔首尋遺事，且倒花前白玉缸。

次韻舍弟遇子固憶少述時舍弟在臨川

歸計何時就一塵，寒城回首意茫茫。野林細錯黃金日，溪岸寬圍碧玉天。飛兔已聞追騷襲，太阿猶恨失龍泉。遙知更憶河濱友，從事能忘我獨賢。

次韻四叔詠塵

塵土輕颺不自持，紛紛生物更相吹。翻成地上高烟霧，散在人間要路岐。一世競馳甘眯目，幾家清坐得軒眉。超然祇有江湖上，還見波濤恐我時。

石竹花

選公詩酒樂華年，欲取幽芳近綺筵。種玉亂抽青節瘦，刻璠輕染絳花圓。風霜不放飄零早，雨露應從愛惜偏。已向美人衣上繡，更留佳客賦嬋娟。

古松

森森直幹百餘尋，高入青冥不附林。萬壑風生成夜響，千山月照掛秋陰。豈因糞壤栽培力，自得乾坤造化心。廊廟乏材應見取，世無良匠勿相侵。

玉真大櫓鶴廟古松最爲佳樹

壇廟千年草不生，幽真曾此蔭餘清。月枝地上流雲影，風葉天邊過雨聲。材大賢於人有用，節高仙與世無情。秦山陂下今迷處，苦里宮中漫得名。

次韻董伯懿松聲

天機自動豈關情，能作人間物外聲。暝聒一堂無客夢，曉悲千嶂有猿驚。廟中奏瑟沈三嘆，堂下吹簫失九成。俚耳紛紛多鄭衛，直須聞此始心清。

次韻答平甫

高蟬抱殼悲聲切，新鳥爭巢諍語忙。長樹老陰欺夏日，晚花幽豔敵春陽。雲歸山去當簷靜，風過溪來滿壑涼。物物此時皆可賦，悔予千里不相將。

次韻質夫兄使君同年

樓堞相望一日程，春風吹急似搖旌。莫言樂國無愁夢，賴把新詩有故情。客舍五漿非所願，私田三徑會須成。青雲自致歸公等，如我何緣得此聲。

卷二十四 律詩（七言八句）

金明池

宜秋西望碧參差，憶看鄉人禊飲時。斜倚水開花有思，緩隨風轉柳如癡。青天白日春常好，綠髮朱顏老自悲。跋馬不堪塵滿眼，夕陽偷理釣魚絲。

葛溪驛

缺月昏昏漏未央，一燈明滅照秋牀。病身最覺風露早，歸夢不知山水長。坐感歲時歌慷慨，起看天地色淒涼。

王安石詩集 卷二十四

一五〇

涼；鳴蟬更亂行人耳，正抱踈桐葉半黃。

泛舟青溪入水門，登高齋奉呈康叔

簿領紛紛惜此時，起攜佳客散沈迷；十圍但見諸營柳，九曲難尋故國溪。牽埭欲隨流水遠，放船終礙畫橋低；子猷清興何曾盡，想憶高齋更一躋。

爲裴使君賦擬峴臺

君作新臺擬峴山，羊公千載得追攀；歌鍾殷地登臨處，花木移春指顧間。城似大隄來宛宛，溪如清漢落潺潺；時平不比征吳日，緩帶尤宜向此閑。

送李才元校理知邗州

朝廷孝治魯今日，鄉郡榮歸及壯時；闕吏相呼迎印綬，里兒爭出望旄麾。北堂已足誇三釜，南畝當今識兩歧；獨我尙留真有意，天於人欲本無私。

送張頴仲舉知奉新

故人爲邑士多稱，絲賦寬除獄訟平；老吏閉門無重糈，荒山開隴有新粳。方揮玉麈日邊坐，又結銅章天外行；此去料君歸不久，扶村如此卽名卿。

張劍州至劍一日以新憂罷

客舍飛塵尙滿簷，却尋東路想茫然；白頭反哺秦烏側，流血思歸蜀鳥前。今日相逢知悵望，幾時能到與留連；行看萬里雲西去，倚馬春風不忍鞭。

次韻子履達寄之作

飄然逐客出都門，士論應悲玉石焚；高位紛紛誰得志，窮途往往始能文。柴桑今日思元亮，天祿何時召子

雲；直使聲名傳後世，窮通何必較功勳。

送李太保知嚴州

北平上谷當時守，氣略人推李廣優；還見子孫持漢節，欲臨關塞撫羌酋。雲邊鼓吹應先喜，日下旌旗夏少留；五字亦君家世事，一吟何以稱來求。

送西京簽判王著作

兒曹曾上洛城頭，尚記清波遶驛流；却想山川常在夢，可憐顏髮已驚秋。辟書今日看君去，著籍長年歎我留；三十六峰應好在，寄聲多謝欲來遊。

送劉貢父赴秦州請水

劉郎高論坐囉枯，幕府調師用緒餘；筆下能當萬人敵，腹中嘗記五車書。聞多望士登天祿，知有名臣薦子虛；且復弦歌窮塞上，祇應非晚召相如。

送純甫如江南

青溪看汝始蹁躑，兄弟追隨各少年；壯爾有行今納婦，老吾無用亦求田。初來淮北心常折，却望江南眼更穿；此去還知苦相憶，歸時快馬亦須鞭。

送郊社朱兄除郎東歸

手持官牒出神臯，迎客遙知賀酒醪；照映里門非白屋，欺凌春草有青袍。宦遊雖晚何妨久，餓顯從來不必高；孝友父兄家法在，想能清白遺兒曹。

送沈康知常州

作客蘭陵迹已陳，爲傳謠俗記州民；溝塍半廢田疇薄，廚傳相仍市井貧。常恐勞人輕白屋，忽逢佳士得朱

輪；慙歎話此還惆悵，最憶荆溪兩岸春。

安豐張令修芍陂

桐鄉振廩得周旋，芍水修陂道路傳；日想僇功追往事，心知爲政似當年。魴魚鱗鱗歸城市，秔稻紛紛載酒船。楚相祠堂仍好在，勝遊思爲子留篇。

送復之屯田赴成都

槃礴西南江與岷，石犀金馬世稱神。桑麻接畛餘無地，錦繡連城別有春。結綬相隨通籍久，推車此去辟書新。知君不爲山川險，便忘吾家叱馭人。

送經臣富順寺丞

故人爲縣楚江邊，海角猶聞政事傳；萬井已安如赤子，一麾今去上青天。應開醉眼醺藤下，莫起歸心杜宇前；報主代親俱有地，幾人忠孝似君全。

送張卿致仕

子房籌策漢時功，身退超然慕赤松；餘烈尙能開後世，高材今復繼前蹤。執鞭始負平生願，操几何知此地邊；竊食一官慚未艾，緒言方賴賜從容。

送梅龍圖

子真家世子雲鄉，風力才華豈易當？回首古人多隱約，致身今日獨輝光。謨明久合分三府，治劇聊須試一方；從此政成何所報，百城無事祇耕桑。

送李祕校南歸

四十青衫更旅人，悠悠飢馬傍沙塵；久留上國言空富，却走南州食轉貧。自作詩書能見志，應知時命不關

身江湖勝事從今數，肯但悲歌寂寞濱。

送蕭山錢著作

才高諸彥故無嫌，兄弟同時舉孝廉。東觀外除方墨綬，西州相見已蒼髯。靈胥引水清穿市，神禹分山翠入簾。好去弦歌聊自慰，郡人誰敢慢陶潛。

送靈仙裴太博

一官留隱太常中，生事蕭然信所窮。有力尙期當世用，無求今見古人風。遭迴舊學皆殘藁，邂逅相看各老翁。他日卜居何處好，溪山還欲與君同。

送趙夔之蜀永康簿

蜀山萬里一青袍，石棧天梯筆巒高。多學佶君甯易得，小官於此亦徒勞。行追西路聊班草，坐憶南州欲夢刀。他日寄聲能問我，應從錦水至江皋。

酬吳季到見寄（時被召來詩以賈誼見方）

漫披陳露學經綸，捧檄生平祗爲親。聞道不先從事早，課功無狀取官頻。豈堪置足青冥上，終欲回身寂寞濱。俯仰謬恩方自歉，慚君將比洛陽人。

和平甫寄陳正叔

強行南仕莫辭勤，聞說田園已曠耘。縱使一區猶有宅，可能三月尙無君。且同元亮傾鱗酒，更與靈均續舊文。此道廢興吾命在，世間騰口任云云。

送王太卿致政歸江陵

九卿初命亞三司，朝吏相瞻得老師。南闕便還新印綬，東舟只載舊書詩。漢庭錢客無佳句，越水歸裝有富

貲；回首千年見疎苑，共疑今事勝當時？

送叔康侍御

詔取名郎入憲臺，此時方急濟時才；聖聰應已虛心待，姦黨甯無側目猜？白筆豈知權可畏，皂囊還請上親開；佇聞讜論能醫國，飛報頻隨驛騎來。

寄朱昌叔

清江浸浸遠城流，尙憶城邊繫小舟；射虎未能隨李廣，割雞空欲戲言游；雲埋塞路驚塵合，霜入春風滿髮愁；此日君言苦難得，漫多鴻鴈起南州。

九日登東山寄昌叔

城上啼烏破寂寥，思君何處坐岧峣；應須綠酒醺黃菊，何必紅裙弄紫簫；落木雲連秋水渡，亂山煙入夕陽橋；淵明久負東籬醉，猶分低心事折腰。

到舒次韻答平甫

夜別江船曉解驂，秋城氣象亦潭潭；山從樹外青爭出，水向沙邊綠半涵；行問嗇夫多不記，坐論公瑾少能談；只愁地僻無賓客，舊學從誰得指南？

舒州七月十一日雨

行看野氣來方勇，臥聽秋聲落竟慳；浙瀝未生羅豆水，蒼忙空失皖公山；火耕又見無遺種，肉食何妨有厚顏；巫祝萬端曾不救，只疑天賜雨工閑。

次韻答丁端州

莫嗟荒僻又離羣，且喜風謠嶺北聞；銅柱雖然蠻徼接，竹符還是漢家分；春書來逐衡陽鴈，秋騎歸看隴首

雲相見會知南望苦，病骸今但沈休文。

答劉季孫

偶著儒冠敢陋今，自憐多負少時心。輕軒已任人前後，揭厲安知世淺深。策有思悲慷慨，負薪無力病侵淫。愧君綠綺虛投贈，更覺貧家報乏金。

次韻酬王太祝

塵土波瀾不自期，飄然身與願相違。衰根要路知難植，病羽長年欲盡飛。高論已嗟能聽少，力行還恨賦材微。慚君俊少今知我，一見心如客得歸。

寄吳成之

綠髮溪山笑語中，豈知翻斗雨成翁。辛夷屋角搏香雪，躑躅岡頭挽醉紅。想見舊山茅徑在，返隨今日板輿空。涓陽車馬嗟何及，榮祿方當與子同。

寄曾子固

斗粟猶驚報禮輕，敢嗟吾道獨難行。脫身負米將求志，戮力乘田豈爲名。高論幾爲衰俗廢，壯懷難值故人傾。荒城回首山川隔，更覺秋風白髮生。

至開元僧舍上方次韻舍弟二月一日之作

溪谷濺濺漱水通，野田高下綠蒙茸。和風滿樹笙簧雜，霽雪兼山粉黛重。萬里有家歸尚隔，一廬無地去何從。從傷春故欲西南望，回首荒城已暮鍾。

寄王回深甫

少年倏忽不再得，後日歡娛能幾何。願我面顏衰更早，憐居身世病還多。牕間暗淡月含霧，船底飄飄風送

波；一寸古心俱未試，相思中夜起悲歌！

次韻答彥珍

手得封題手自開，一篇美玉綴玫瑰；衆知圓媚難論報，自顧窮愁敢角才？君臥南陽惟吠畝，我行西路亦風埃；相逢不必嗟勞事，尙欲廢歌詠起哉。

寄闕下諸父兄兼示平甫兄弟

父兄爲學衆人知，小弟文章亦自奇；家勢到今宜有後，士才如此豈無時？久聞陽羨溪山好，頗與淵明性分宜；但願一門皆貴仕，時將車馬過茆茨。

卷二十五 律詩（七言八句）（七言長篇附）

鍾山西廡白蓮亭

山亭新破一方苔，白帝留花滿四隈；野豔輕明非傅粉，秋光清淺不憑材。鄉窮自作幽人伴，歲晚誰爲靜女媒？可笑遠公池上客，卻因松菊賦歸來。

贈老僧首

秀骨厖眉倦往還，自然清譽落人間；閑中用意歸詩筆，靜外安身比太山。欲倩野雲朝送客，更邀江月夜臨關；嗟予蹤迹飄塵土，一對孤峰幾厚顏？

次韻舍弟賞心亭卽事二首

檻折簷傾野水傍，臺城佳氣已消亡；難披梗莽尋千古，獨倚青冥望八荒。坐覺麴沙昏遠眼，忽看風雨破驕陽；扁舟此日東南興，欲盡江流萬里長。

一
窮氣消磨不復存，舊朝臺殿抵空村；孤城倚薄青天近，細雨侵凌白日昏。稍覺野雲成晚霧，卻疑山月是朝暾。此時江海無窮興，醒客忘言醉客喧。

次韻陳學士小園卽事

牆屋雖無好鳥鳴，池塘亦未有蛙聲。樹含宿雨紅初入，草倚朝陽綠更生。萬物天機何得喪？百年心事不將迎；與君杖策聊觀化，搔首春風眼尚明。

寄友人

飄然羈旅尚無涯，一望西南百嘆嗟！江擁滄流入海，風吹魂夢去還家。平生積慘應銷骨，今日殊鄉又見花；安得此身如草樹，根株相守盡年華。

登大茅山

一峰高出衆山巔，疑隔塵沙道里千。俯視煙雲來不極，仰攀蘿葛去無前。人間已換嘉平帝，地下誰通句曲天。陳迹是非今草莽，紛紛流俗尚師仙。

登中茅山

脩然杖屨出塵寰，雞犬無聲到沃寒；欲見五芝莖葉老，尚攀三鶴羽翰遙。容溪路轉迷橫物，仙几風來得墮樵；興罷日斜歸亦懶，更磨碑辭認前朝。

登小茅山

捫蘿路到半天窮，下視淮洲杳靄中；物外真游來几席，人間榮願付蒼通。白雲坐處籠池杏，明月歸時鶴馭空；回首三君誰更似？子房家世有高風。

送張仲容赴杭州孫少辟

萬屋相誇漆與丹，笑歌長在綺紈間；
綵船春戲城邊水，畫燭秋尋寺外山。
憶我屢隨遊客入，喜君今赴辟書還；
遙和曼倩威行久，赤筆應從到日閑。

讀李士儻道人

季主遠巡居卜肆，彌明邂逅作詩翁；
曾令宋賈歎車上，更使劉侯驚坐中。
杳杳人傳多異事，冥冥誰識此高風；
風行歌過我非無，謂唯恨貧家酒盞空。

次韻春日即事

人間尚有薄寒侵，和氣先薰草樹心；
丹白自分齊破蕾，青黃相向欲交陰。
潺潺嫩水生幽谷，漠漠輕煙動遠林；
病得一官隨太守，班春無助愧周任。

次韻答陳正叔二首

青衫憔悴北歸來，髮有霜根面有埃；
羣吠我方憎獠子，一鳴誰更識龍媒？
功名落落求難值，日月沄沄去不回；
勝事與身何等近，酒樽詩卷數須開。

二

田宅荒涼去復來，詩書顏髮兩塵埃；
忘機自許鷗相狎，得禍誰期鶴見媒？
此道未行身有待，古人不見首空回；
回何當水石他年，更把韋編靜處開。

送崔左藏之廣京

怪石巉巖上法堂，昔人於此奏書詔；
水清但有嘉魚出，風暖何曾毒草搖？
今日淹留君按節，當時嬉戲我垂髫；
因尋舊政詢遺老，爲作新詩變佞諂。

苦雨

靈場奔走尚無功，去馬交車道不通；風助亂雲陰更密，水爭高岸氣尤雄。平時溝洫今多廢，下戶京困久已空！肉食自嗟何所報？古人憂國願年豐。

江上

村落家家有濁醪，青旗招客解祗裯；春風似補林塘破，野水遙連草樹高。寄食舟車隨處弊，行歌天地此身勞；遲回自負平生意，豈是明時惜一毛？

午枕

百年春夢去悠悠，不復吹簫向此留；野草自花還自落，鳴禽相乳亦相酬。舊蹊埋沒開新徑，朱戶欹斜見畫樓；樓法把一盃無伴侶，眼看興廢使人愁。

寄石鼓寺陳伯庸

鯨海無風白日閑，天門當面險難攀；塵埃掉臂離長陌，琴酒和雲入舊山。仁義未饒軒冕貴，功名莫信鬼神慳！郭東一點英雄氣，時伴君心夜斗間。

送熊伯通

歲暮欣逢蓋共傾，川塗南北豈忘情？事經官路心應折，地入家山眼更明。江上月華空自照，梅邊春意恰相迎；關河不鏤真消息，野客猶能聽治聲。

送王冕

分走人間十五年，塵沙吹鬢各蒼然；山林渺渺長回首，兒女紛紛忽滿前。知子有才思奮發，嗟余無地與迴旋！相看作一作秦吳別，身世何時兩息肩！

王安石詩集 卷二十五

一六〇

送明州王大卿

大曆才臣有此州，昆雲今駕鹿轡游；從來所至邦人喜，真復能分聖主憂。千里封疆何足治，一時名跡故應留；屬城舊吏雖疲懶，尚可揮毫敵幸舟。

姑胥郭

誤褫雲巾別故山，抵吳由越兩間關；千家漁火秋風市，一葉歸舟暮雨灣。旅病愔愔如困酒，鄉愁脉脉似連環；情知帶眼從前緩，更恐顏毛自此斑。

嚴陵祠堂

漢庭來見一羊裘，默默俄歸舊釣舟；迹似磻溪應有待，世無西伯可能留。崎嶇馮衍才終廢，索寞桓譚道不謀；勺水果非鱸膾地，放身滄海亦何求？

藏春塢詩獻刁十四文學士

蒜山東渡得林丘，邂逅籃輿亦少留；今日更知萊氏隱，暮年長憶武陵遊。欲營垣屋隨穿斷，尙歎塵沙隔獻酬；遙約向吳亭下路，春風深駐五湖舟。

太湖恬亭

檻臨溪上綠陰圍，溪岸高低入翠微；日落斷橋人獨立，水涵幽樹鳥相依。清遊始覺心無累，靜處誰知世有機？更待夜深同徙倚，秋風斜月釣船歸。

蒙城清燕堂

清燕新碑得自蒙，行吟如到此堂中；吏無田甲當時氣，民有莊周後世風。庭下早知閑木索，坐間遙想御絲桐；飄然一柱何時得，俛仰塵沙欲作翁。

次韻酬吳彥珍見寄二首（時彥珍爲教授學有右軍墨池）

君作新詩故起予，一吟聊復報雙魚。
杖藜高徑誰來往，散帙空堂自卷舒。
樹外烏啼催晚種，花間人語趁朝
虛；春風處處堪攜手，何事臨池苦學書。

二

篔竹荒茅五畝餘，生涯山蕨與泉魚。
家貧殖貨羞端木，鄉里傳書比仲舒。
白日憶君聊遠望，青林嗟我似逃
虛！春風渺渺烏塘尾，漫得東來一紙書。

自金陵如丹陽道中有感

數百年來王氣消，難將前事問漁樵。
苑方秦地皆蕪沒，山借揚州更寂寥。
荒埭暗雞催月曉，空場老雉挾春
驕；豪華祇有諸陵在，往往黃金出市朝。

初去臨川

東浮溪水渡長林，上坂回頭一拊心。
已覺省煩非仲叔，安能養志似曾參。
憂傷遇事紛紛出，疾病乘虛疊疊
侵；未有半分求自贖，恐填溝壑更霑襟。
（一作「馬頭西去百霑襟，一望親庭更苦心。」）
已覺省煩非仲叔，安能養
志似曾參？憂傷遇事紛紛出，疾病乘虛疊疊侵；手把空篇臥空屋，欲歌商頌不成音。

讀史

自古功名亦苦辛，行藏終欲付何人。
當時黷闇猶承誤，末俗紛紜更亂真。
糟粕所傳非粹美，丹青難寫是精
神；區區豈盡高賢意，獨守千秋紙上塵。

讀詔書（慶曆七年）

去秋東出汴河梁，已見中州旱勢強。
日射地穿千里赤，風吹沙度滿城黃。
近聞急詔收羣策，頗說新年又亢

王安石詩集 卷二十五

一六二

陽賤術縱工難自獻，心憂天下獨君王。

每見王_{太丞}邑事甚冗而剽劇之暇能過訪山館兼出佳篇爲贈仰嘆才力因

成小詩

我看繁訟頻搔首，君富才明見亦常；尚有閑襟尋水石，更留佳句似池塘。松苗地合分高下，鳧鶴天教有短長；徐上青雲猶未晚，可無音問及滄浪？

王_{浮梁}太丞之聽訟軒有水禽三巢于竹林之上恬而自得邑人作詩以美之

因次元韻

水邊舟動多驚散，何事林間近絕疑？野意肯從威令至，舊巢猶有主人知。（見王_{太丞}詩）不關飲啄春江暖，自在飛鳴夏日遲。覽德豈無丹穴鳳，到時應讓向南枝。

寄虞氏兄弟

一身兼抱百憂虞，忽忽如狂久廢書；疇昔心期俱喪勇，此來腰疾更乘虛。久聞陽羨安家好，自度淵明與世疎；亦有未歸溝壑日，會應相近置田廬。

除夜寄舍弟

一尊聊有天涯憶，百感翻然醉裏眠；酒醒燈前猶是客，夢回江北已經年。佳時流落真何得？勝事蹉跎只可憐！唯有到家寒食在，春風因泛瀨溪船。

答熊本推官金陵寄酒

鬱金香是蘭陵酒，枉入詩人賦詠來；庭下北風吹急雪，坐間南客送寒醅。淵明未得歸三徑，（金陵有舊廬）叔夜偕同把一盃；吟罷想君醒醉處，鍾山相向白崔嵬。

和錢學士喜雪

手把詩翁憶雪詩，坐愁窮海瘴煙霏；誰令天上蒼茫合，忽見空中散漫飛。閭闔與風生氣勢，姮娥交月借光輝；山鷗瑟縮相依立，邑犬跳梁未肯歸。點綴丘園榮樹木，埋藏溝壑亂封圻。高歌業已傳都市，逸興何當叩隱扉。頗欲攜樽邀使騎，幾忘溫席薦親闈。公今早晚班春去，強勸澇田補歲饑。

送江陰彭給事赴闕

西江望士衆長兼，卓犖傳家在一男；壯志異時開史牒，妙齡終日對書龕。桂堂發策收科選，櫻苑頌詩豫宴酣；大邑援琴聊試可，小州懷綬果才堪。分臺拜職榮先入，抗疏辭恩取橫單。勁操比松寒不撓，忠言如藥苦非甘。龍鱗直爲當官觸，虎兇實關射利探。朱轂獸頭終協夢，粉闌雞舌更須含。均輸北轉荆門鷁，勸課西臨蜀市蠶。期信有兒迎郭伋，食貧無地乞羊曇。囊垂鈴棧駝鳴圓，節擁棠郊虎視眈。歸見廣墀瞻斧藻，對揚初服改朱藍。進班華省財方阜，出按窮邊虜稍戡。帝命賈琮常冀北，民歌姬奭次周南。投壺饗客魚無乙，伐鼓蒐兵馬有驪。蘇鬣掀紅旗杳杳，虬鬚吒黑霧寥寥。威加諸部風霜肅，惠浸連營雨露涵。大斗時時能劇飲，輕裘往往祇清談。乾龍已應天飛五，晉馬徐觀晝接三。道在君臣方自合，德侔卿長亦誰慚。便蕃肯較平生寵，放曠皆知雅性耽。委佩去辭廷殖殖，揚旌來得府潭潭。一尊客語從容盡，千里人情委曲諳。豈但搢紳稱召杜，故多扶杖祝彭聃。幕中俊乂閑刀筆，帳下驍雄冷劍鐔。楚地怪須留汲黯，蕭規疑欲付曹參。從來貴勢公何慕，自是賢名上所貪。未信逸身今以老，且當憂國每如惓。論心邂逅膠投漆，搔首低徊雪滿簷。鎮撫未驚移歲月，追攀曾許賞煙嵐。餘歡遽隔新亭餞，宿惠難忘舊館驂。卷曲尚誰知散櫟，崑崙空此詠枯楠。

卷二十六 律詩（五言絕句）（回紋）（六言詩附）

王安石詩集 卷二十六

一六四

聊行

聊行弄芳草，獨坐隱團蒲；問客茅簷日，君家有此無？

染雲

染雲爲柳華，翦水作梨花；不是春風巧，何緣有歲華？

溝港

溝港重重柳，山坡處處梅；小輿穿麥過，狹徑礙桑回。

霹靂溝

霹靂溝西路，柴荆四五家；憶曾騎款段，隨意入桃花。

午睡

簾日陰陰轉，牀風細細吹；脩然殘午夢，何許一黃鸝？

題齊安壁

日淨山如染，風暄草欲薰；梅殘數點雪，麥漲一溪雲。

昭文齋（米黻題余定林所居因作）

我自中山客，何緣有此名；當緣琴不鼓，人不見虧成。

臺上示吳應

細書妨老讀，長簟愜昏眠；取簟且一息，拋書還少年。

示道原

久不在城市，少留心悵然；幽芳可攬結，佇子飲雲泉。

傳神自讚

此物非他物，今吾卽故吾；今吾如可狀，此物若爲摹？

題何氏宅園亭

荷葉參差卷，榴花次第開；但令心有賞，歲月任渠催。

草堂一上人

一公持一鉢，想復度遙岑；地瘦無黃犢，春來草更深。

題黃司理園

爲憶去年梅，凌寒特地來；閨前空臘盡，渾未有花開。

北山清亭

西崦水泠泠，汾岡有清亭；自從春草長，遙見祗青青。

題永昭陵

神闕澹朝暉，蒼蒼露未晞；龍車不可望，投老涕霑衣。

詠穀

可憐臺上穀，轉目已陰繁；不解詩人意，何爲樂彼園？

池上看金沙，花數枝過醅；醅架盛開

故作醅醅架，金沙祗謾栽；似矜顏色好，飛度雪前開。

五柳

五柳柴桑宅，三楊白下亭；往來無一事，長得見青青。

移松皆死

「李白」今何在？桃紅已索然！君看「赤松子」，猶自不長年！

山中

隨月出山去，尋雲相伴歸；春晨花上露，芳氣著人衣。

送王補之行，風忽作，因題四句於舟中

淮口西風急，君行定幾時？故應今夜月，未便照相思！

被召作

榮祿嗟何及，明恩愧未酬！欲尋西掖路，更上北山頭。

再題南澗樓

北山雲漢漢，南澗水悠悠；去此非吾願，臨分更上樓。

南浦

南浦隨花去，迴舟路已迷；暗香無覓處，日落畫橋西。

題定林壁懷李叔時

雲與淵叨出，風隨禦寇還；燎爐無伏火，蕙帳冷空山。

離荊山

出谷頻回首，逢人更斷腸；桐鄉豈愛我，我自愛桐鄉。

江上

江水漾西風，江花脫晚紅；離情被橫笛，吹過亂山東。

春雨

苦霧藏春色，愁霖病物華；幽奇無可奈，強釀一杯霞。

歸燕

馬上逢歸燕，知從何處來？貪尋舊巢去，不帶錦書迴。

和惠思波上鴈

翩翩白兔鷗，汎汎水中游；西來久不見，夢想在滄洲。

秣陵道中口占二首

經世才難就，田園路欲迷；慙慙將白髮，下馬照青溪。

二

歲熟田家樂，秋風客自悲；茫茫曲城路，歸馬日斜時。

次青陽

十載九華邊，歸期尙眇然！秋風一乘傳，更覺負林泉。

代陳晚元書于太一宮道院壁

官身有吏貴，觸事遇嫌猜；野性豈堪此，廬山歸去來。

山雞

山雞照綠水，自愛一何愚；文采爲世用，適足累形軀。

雜詠四首

故畦拋汝水，新壟寄鍾山；兵問揚州月，何時照我還。

二

已作湖陰客，如何更遠遊？
章江昨夜月，送我到揚州。

三

謫聖南朝寺，三年到百回；
不知牆下路，今日幾荷開？

四

桃李石城塢，餉田三月時；
柴荆常自閉，花發少人知。

賦聞

臥聞黃栗留，起見白符鳩；
坐引魚兒戲，行將鹿女遊。

秋興有感

宿雨清畿甸，朔陽鹿帝城；
豐年人樂業，隴上踏歌聲。

題入功德水

欲尋阿練若，曳屐出東岡；
澗谷芳菲少，春風著野桑。

口占

去歲別南嶽，前年返劬潭；
臨機一句子，今日遇同參。

何陋書

雄也營身足，聃兮誤汝多；
捐書知聖已，絕學奈禽何？

送陳景初金陵持服舉族貧病煩君藥石之功

舉族貧兼病，煩君藥石功；
長安何日到，一一問歸鴻。

泊姚江

輒輒櫓聲急，蒼蒼江日低；吾行有定止，潮汐自東西。

樓上

蕩漾舟中客，徘徊樓上人；滄波浩無主，兩槳邈難親。

春晴

新春十日雨，雨晴門始開；靜看蒼苔紋，莫上人衣來。

淨相寺

淨相前朝寺，荒涼二十秋；曾遭滅劫壞，今遇勝緣修。

將母

將母邱溝上，留家白紵陰；月明聞杜宇，南北總關心。

朱朝議移法雲蘭

幽蘭有佳氣，千載闕山阿；不出阿蘭若，豈遭乾闥婆？

晚歸

岸迥童重柳，川低渺渺河；不愁南浦暗，歸伴有姮娥。

題舫子

愛此江邊好，留連至日斜；眠分黃犢草，坐占白鷗沙。

惠崇畫

斷取滄州趣，移日六月天；道人三昧力，變化只和鋤。

王安石詩集 卷二十六

蒲葉

蒲葉清淺水，杏花和暖風；地偏緣底綠？人老爲誰紅？

芳草

芳草知誰種，綠增已數叢；無心與時競，何苦綠忽忽？

與徐仲元自讀書臺上定林

橫絕潺湲度，深尋犖确行；百年同逆旅，一壑我年生。

病中睡起折杏花數枝二首

獨臥南牕榻，脩然五六旬；已聞鄰杏好，故挽一枝春。

二

獨臥無心起，春風閉寂寥；鳥聲誰喚汝，屋角故相撩。

送孝之赴臨江

黃雀有頭顱，長行萬里餘；想因君出守，暫得免包苴。

送丁廡秀才歸汝陰

風駛柳條乾，駝裘未勝寒；慙慙陌上日，爲客暖征鞍。

送王彥魯

北客憐同姓，南流感似人；相分豈相忘，臨路更情親。

送呂孝之

池散田田碧，臺敷灼灼紅；年華豈有盡？心賞亦無窮！

別詞 別詞 枝

迢迢建業水，中有武昌魚；別後應相憶，能忘數寄書？

梅花

牆角數枝梅，凌寒獨自開；遙知不是雪，爲有暗香來。

紅梅

春半花纔發，多應不奈寒；北人初未識，渾作杏花看。

病起 題寶覺

執手乍欣快，霜毛應更新；依然舊童子，卻想夢前身。

書定智院牕間（達大師師云：「夜來夢與說十波羅蜜」）

道人今輟講，密幟寄松蘿；夢說波羅蜜，當如習氣何？

題僧法書法華經

一切法無差，水牛生象牙；莫將無量道，欲覓妙蓮華。

碧蕪（同紋）

碧蕪平野曠，黃菊晚村深；客倦留甘飲，身閑累苦吟。

夢長

夢長隨水漏，吟苦雜疎鍾；動蓋荷風勁，沾裳菊露濃。

拼月

迸月川魚躍，開雲嶺鳥翻；徑斜荒草惡，臺廢冶花繁。

王安石詩集 卷二十七

一七二

泊鴈

泊鴈鳴深渚，收霞落晚川。柝隨風斂陣，樓映月低弦。漠漠汀帆轉，幽幽岸火然。壑危通路，溝曲繞平田。

題西太一宮壁二首（六言）

草色浮雲漠漠，樹陰落日潭潭。（一作「桃葉鳴蜩綠暗，荷花落日紅酣。」）三十六陂（流一作「宮煙」）水白頭想見江南。

二

三十年前此路，（一作「地」）父兄持我東西；今日重來白首，欲尋陳迹都迷！

西太一宮樓

草際萋萋零落，水邊楊柳欹斜；日暮炊煙孤起，不知魚網誰家？

卷二十七 律詩（七言絕句）

歎元豐五首

水滿陂塘穀滿篝，漫移蔬果亦多收；神林處處傳簫鼓，共賽元豐第二秋。

二

露積成山百種收，漁梁亦自富鰕鱸；無羊說夢非真事，豈見元豐第二秋。

三

湖海元豐歲又登，稻生猶足暗溝塍；家家露積如山壠，黃髮咨嗟見未曾！

四

放歌扶杖出前林，遙和豐年擊壤音；曾侍土階知帝力，曲中時有譽堯心。

五

豚栅雞埭曉霧間，暮林搖落獻南山；豐年處處人家好，隨意飄然得往還。

棋

莫將戲事授真情，且可隨緣道我贏；戰罷兩奩分（一作「收」）白黑，一枰何處有虧成？

題畫扇

玉斧修成寶月團，月邊仍有女乘鸞；青冥風露非人世，鬢亂釵斜特地寒。

夢

黃梁欲熟且留連，漫道春歸莫悵然；蝴蝶豈能知夢事，蘧蘧飛墮晚花前。

清明

東城酒散夕陽遲，南陌鞦韆寂寞垂；人與長緝臥芳草，風將急管度青枝。

東岡

東岡歲晚一登臨，共望長河映遠林；萬竅怒號風喪我，千波競湧水無心。

春郊

青秧漫漫出初齊，雞犬遙聞路却迷；但見山花流出水，那知不是武陵溪？

元日

爆竹聲中一歲除，東風送暖入屠蘇；千門萬戶曠曠日，爭插（一作「總把」）新桃換舊符。

九日

九日無歡可得追，飄然隨意歷山陂；蔣陵西曲（一作「面」）風煙慘（一作「澹」）也有黃花一兩枝，

初晴

幅巾慵整露蒼華，度隴深尋一徑斜；小雨初晴好天氣，晚花殘照野人家。

南蕩

南蕩東陂水漸多，陌頭車馬斷經過；鍾山未放朝雲散，奈此黃梅細雨何！

芙蕖

芙蕖耐夏復宜秋，一種今年便滿溝；南蕩東陂無此物，但隨深淺見游鯈。

溝西

溝西直下看芙蕖，葉底三三兩兩魚；若比濠梁應更樂，近人渾不畏春鉏。

東臯

東臯絕結知新歲，西曉攀翻憶去年；肘上柳生渾不管，眼前花發即欣然。

一陂

一陂（一作「段」）餒水蔣陵西，含風却轉與城齊；周遭碧銅磨作港，逼塞綠錦剪成畦。

園蔬

園蔬小摘嫩還抽，畦稻新春滑欲流；枕簟不移隨處有，飽餐甘寢更無求！

蕭然

蕭然三月閉柴荆，綠葉陰陰忽滿城；自是老年遊興少，春風何處不堪行？

杖藜

杖藜隨水轉東岡，興罷還來赴一牀；堯桀是非時入夢，固知餘習未全忘。

圖書

圖書老矣尚紛披，神剽天黥以有知；茅竹結蟠聊一榻，却尋三界外愚癡。

老嫌

老嫌智巧累形軀，欲就田翁學破除；百歲用癡能幾許，救吾黥剽可無餘。

移柳

移柳當門何啻五，穿松作徑適成三；臨流遇興還能賦，自比淵明或未慚。

誰將

誰將石黛染春潮，復撚黃金作柳條；西崦東溝從此好，當輿追我莫辭遙。

雪乾

雪乾雲淨見遙岑，南陌芳菲復可尋；換得千顰爲一笑，春風吹柳萬黃金。

南浦

南浦東園二月時，物華撩我有新詩；含風鴨綠粼粼起，弄日鵝黃裊裊垂。

竹裏

竹裏編茅倚石根，竹莖疎處見前村；閑眠盡日無人到，自有春風爲掃門。

隨意

隨意柴荆手自開，空岡度壑復登臺；小橋風露扁舟月，迷鳥羈雌竟往來。

秋雲

王安石詩集 卷二十七

一七六

秋雲放雨靜山林，萬壑崩湍共一音；欲記荒寒無善畫，賴傳悲壯有能琴。

春風

春風過柳綠如縑，晴日烝紅出小桃；池暖水看魚出處，一環清浪湧亭皋。

陂麥

陂麥連雲慘淡黃，綠陰門巷不多涼；更無一片桃花在，借問春歸有底忙？

木末

木末北山煙冉冉，草根南澗水泠泠；縑成白雪桑重綠，割盡黃雲稻正青。

進字說二首

正名百物自軒轅，野老何知強討論；但可與人漫醬瓿，豈能令鬼哭昏黃？

二

鼎湖龍去字書存，開闢神機有聖孫；湖海老臣無四目，謾將糟粕汗修門。

窺園

杖策窺園日數巡，攀花弄草興常新；董生只被公羊惑，肯信捐書一語真。

嘲白髮

久應飄轉作蓬飛，眷惜冠巾未忍違；種種春風吹不長，星星明月照還稀。

代白髮答

從衰得白自天機，未怪長青與願違；看取春條隨日長，會須秋葉向人稀。

外廟遺火二首

竈鬼何爲便赫然，似嫌刀机苦無乾；圖書得免同煨燼，却賴廚人清不眠。

青煙散入夜雲流，赤焰侵尋上瓦溝；門戶便疑能炙手，比鄰何苦却焦頭？

初夏卽事

石梁茅屋有彎碣，流水濺濺度兩陂；晴日暖風生麥氣，綠陰幽草勝花時。

千蹊

千蹊百隧散林丘，圖畫風煙一色秋；但有興來隨處好，楊朱何苦涕橫流？

和陳輔秀才金陵書事

南郭先生比鷓鴣，年年過我未愆期；休論王謝當時事，大抵爲衣祗舊時。

和耿天騫以竹冠見贈四首

竹根殊勝竹皮冠，欲著先須短髮乾；要使山林人共見，不持方帽禦風寒？

二

無物堪持比此冠，竹皮柔脆穀皮乾；故人戀戀綈袍意，豈爲哀憐范叔寒？

三

玉潤金明信好冠，錯刀剗出薜紋乾；不忘君惠常加首，要使權盟未可寒。

四

冠工新意斲檀欒，霧卷雲烝久未乾；遺我山林真自稱，何須貂暖配金寒？

和郭功甫

王安石詩集 卷二十七

且欲相邀臥看山，扁舟自可送君還；留連山郭今如此，知復何時伴我閒？

葉致遠置洲田以詩言志次其韻二首

吟歎君詩久掉頭，知君興不負滄洲；土山欲爲羊曇賭，且可專心學弈秋。

二

若將有限計無涯，自困真同算海沙；隨順世緣聊戲劇，草言河渚是吾家！

又次葉致遠韻二首

庵成有興亦尋春，風暖荒萊步始勻；若遇好花須一笑，豈妨迦葉杜多身。

二

明時君尙富春秋，豈比衰翁遠自投；智略未應施畎畝，上前他日望吾丘！

次昌叔韻

寄公無國寄鍾山，垣屋青松晻靄間；長以聲音爲佛事，野風蕭颯水潺湲。

次張唐公韻

憶昨同追入馬蹄，約公投老此山棲；公乘白鳳今何處？我適新年值白鷄。

次俞秀老韻

解我慈旂脫孟勞，暮年甘與子同袍；新詩比舊增奇峭，若許追攀莫太高！

酬宋廷評請序經解

未曾相識已相憐，責火靈山亦有緣；訓釋雖工君尙少，不應忽務世人傳。

送耿天騫至渡口

雪雲江上語依依，不比尋常恨有違；四十餘年心莫逆，故人如我與君稀。

承慶院送道原還儀真作詩要之

歲暮青條已見梅，餘花次第相爭開；淮南無此山林勝，作意春風更一來。

送方劄被校

南浦柔條拂地垂，攀翻聊寄我西悲；武昌官柳年年好，他日春風憶此時。

芙蓉堂二首

投老歸來一幅巾，尚私榮祿備藩臣；芙蓉堂下疏秋水，且與龜魚作主人。

二

乞得膠膠擾擾身，五湖煙水替風塵；祇將鳧鴈同爲侶，不與龜魚作主人。

長干韓善濟坐化

投老唯公最故人，相尋長恨隔城闔；百年俯仰隨薪盡，盡手空傳淨戒身。

卷二十八 律詩（七言絕句）

送黃吉甫入京題清涼寺壁

薰風洲渚薺花繁，看上征鞍立寺門；投老難堪與君別，倚江從此望還轅。

與道原自何氏宅步至景德寺（元豐七年三月十九日）

前時偶見花如夢，紅紫紛披競淺深；今日重來如夢覺，靜無餘馥可追尋。

過法雲

路過潮溝入九盤，招提雪脊隱雲端；金鈿一一花擿老，翠被重重山更寒。

光宅寺（梁武帝宅也，其北齊安隔淮齊武帝宅也，宋隄又在其北。）

齊安孤起宋興前，光宅相仍一水邊；蜂分蟻爭今不見，故窠遺堦尙依然。

題勇老退居院

道人投老寄山林，偶坐翛然洗我心；夢境此身能且在，明年寒食更相尋。

與寶覺宿龍華院三絕句（舊有詩云：京口瓜洲一水間，鍾山只隔數重山；春

風自綠江南岸，明月何時照我還？）

老於陳迹倦追攀，但見幽人數往還；憶我小詩成悵望，鍾山只隔數重山。

二

世間投老斷攀緣，忽憶東遊已十年；但有當時京口月，與公隨我故依然。

三

與京口水雲閒，問月何時照我還；邂逅我還還問月，何時照我宿金山？

清涼白雲庵

庵雲作頂峭無鄰，衣月爲衿靜稱身；木落岡巒因自獻，水歸洲渚得橫陳。

自定林過西廡

午雞聲不到禪林，柏子煙中靜擁衾；忽憶西巖道人語，杖藜乘興得幽尋。

歸庵

稻畦藏水綠秧齊，松鬣初乾尙有泥；縱蹇尋岡歸獨臥，東庵殘夢午時雞。

雪中遊北山呈廣州使君和叔同年

南州歲晚亦花開，有底堪隨驛使來。看取鍾山如許雪，何須持寄嶺頭梅。

謝安墩二首

我名公字偶相同，我屋公墩在眼中。公去我來墩屬我，不應墩姓尚隨公。

二

謝公陳迹自難追，山月淮雲祇往時。一去可憐終不返，暮年垂淚對桓伊。

東陂二首

東陂風雨臥黃雲，濼水翻溝隔壠分。春玉取新知不晚，腰鎌今日已紛紛。

二

荷葉初開筍漸抽，東陂南蕩正堪游。無端壠上筒筒麥，橫起寒風占作秋。

山陂

山陂院落今按種，城郭樓臺已放燈。白髮逢春唯有睡，睡間啼鳥亦生憎。

欲往北山以雨止

北山朝氣濤，高秋欲往愁。雷獨少留，散策綠岡初見日，興隨雲盡復中休。

耿天騫惠梨次韻奉酬三首

故人家果獨難忘，秋實初成便得嘗。直使紫光形味勝，豈能終日望咸陽。

二

淮圃新陰百畝涼，分甘每得助秋嘗。張公大谷雖云美，誰肯苞苴出晉陽。

三

甘滋南北共傳誇，栽接還如老圃家；誰謂交梨非外獎？因君澆灌已萌芽。

北山有懷

香火因緣寄此山，主恩投老更人間；傷心躑躅岡頭路，明日春風自往還。

定林

窮谷經春不識花，新松老柏自欹斜；慙慙更上山頭望，白下城中有幾家？

封舒國公二首

陳迹難尋天柱源，疏封投老誤明恩；國人欲識公歸處，揚柳蕭蕭白下門。

二

桐鄉山遠復川長，紫翠連城碧滿隍；今日桐鄉誰愛我？當時我自愛桐鄉。

三

開國桐鄉已白頭，國人誰復記前遊？故情但有吳塘水，轉入東江向我流。

北陂杏花

一陂春水繞花身，花影妖饒各占春；縱被春風吹作雪，絕勝雨陌碾成塵。

五更

青燈隔幔映悠悠，小雨含煙凝不流；祇聽蛩聲已無夢，五更桐葉強知秋。

與薛肇明弈棋賭梅花詩驗一首

華髮尋春喜見梅，一株臨路雪培堆；鳳城南陌他年憶，杳杳難隨驛使來！

又代薛肇明一首

野水荒山寂寞濱，芳條弄色最關春；故將明豔凌霜雪，未怕青腰玉女嗔。

溝上梅花欲發

亭亭背暖臨溝處，脈脈含芳映雲時；莫恨夜來無伴侶，月明還見影參差。

江梅

江南歲盡多風雪，也有紅梅漏洩春；顏色凌寒終慘澹，不應搖落始愁人。

贈天隱許瀛山千秋梅見寄

聞有名花卽謾栽，慇懃準擬故人來；故人歲歲相逢晚，（一作「能相見」）知復同看幾度開？

與天隱宿清涼廣惠僧舍

故人不惜馬虺隤，許我年年一度來；野館蕭條無準擬，與君封殖浪山梅。

池上看金沙花數枝過醴醑架盛開二一首

午陰寬占一方苔，映水前年坐看栽；紅蕊似嫌塵染污，青條飛上別枝開。

二

醴醑一架最先來，夾水金沙次第栽；濃綠扶疎雲對起，醉紅撩亂雪爭開。

北山

北山輪綠漲橫陂，直壑回塘鸞灑時；細數落花因坐久，緩尋芳草得歸遲。

詠菊二一首

補落迦山傳得種，閭浮檀水染成花；光明一室真金色，復似毗耶長者家。

二

院落秋深數菊叢，綠花錯莫兩三峰；
蜜房歲晚能多少，酒盞重陽自不供。

楊柳

楊柳杏花何處好？石梁茅屋雨初乾；
綠垂靜路要深駐，紅寫清陂得細看。

北山道人栽松

陽坡風暖雪初融，度谷遙看積翠重；
磊砢拂天吾所愛，他生來此聽樓鐘。

山櫻

山櫻抱石蔭松枝，比並餘花發最遲；
賴有春風嫌寂寞，吹香渡水報人知。

饋薛驛明秀才楳木

灌錦江邊木有楳，小園封植佇華滋；
地偏或免淵（聖御名）鱉伐，歲晚聊同庾信移。

馬箠

思寬一老寄松筠，晏臥東牕度幾春；
天廐賜駒龍化去，謾容小蹇載閑身。

出郊

川原一片綠交加，深樹冥冥不見花；
風日有情無處著，初迴光景到桑麻。

懷府園

槐陰過雨盡新秋，盆底看雲映水流；
忽憶小金山下路，綠蘋稀處看游儻。

江甯夾口二首

鍾山咫尺被雲埋，何況南樓與北齋；
昨夜月明江上夢，逆隨潮水到秦淮。

二

日西江口落征帆，却望城樓淚滿衫；從以夢歸無別路，破頭山北北山南。

荊山手種松

青青石上歲寒枝，一寸巖前手自移；聞道近來高數尺，此身蒲柳故應衰！

中年

中年許國邯鄲夢，晚歲還家瓊嶼遊；南望兩山知不遠，五湖春草入扁舟。

寄四姪族二一首

數篇持往助歡哈，想見封題手自開；春草已生無好句，阿連空復夢中來。

二

一日東岡上幾迴，百重雲水隔蘇臺；（一作「一日東岡望百迴，迢迢雲水隔蘇臺。」）遙知別後詩無數，

黃犬歸時總寄來。

寄吳氏女子

夢想平生在一丘，暮年方此得優游；江湖相忘真魚樂，怪汝長謠特地愁。

寄蔡天啓

杖藜綠蘆復穿橋，誰與高秋共寂寥；佇立東岡一搔首，冷雲衰草暮迢迢。

呈陳和叔二首

數椽生草覆莓苔（一作「數椽牢落長莓苔。」）一徑牆陰斷雪開；王吉囊衣新徙舍，杖藜從此為君來。

二

數椽庫屋茨生草，三畝荒園種晚蔬；永日終無一杯酒，可能留得故人車？

招葉致遠

白下長干一水間，竹雲新筍已斑斑；明朝若有扁舟興，落日潮生尙可還。

招楊德逢

山林投老倦紛紛，獨臥看雲卻憶君；雲尙無心能出岫，不應君更懶於雲。

和叔招不往

門前秋水可揚舂，有意西尋白下亭；只欲往來相邂逅，卻嫌招喚苦丁寧。

和叔雪中見過

捐書去寄老山林，無復追緣「一緣」一作「尋」；往事心忽值故人乘雪興，玉堂前話得重尋。

俞秀老忽然不見

忽去飄然遊冶盤，共疑枝策在梁端；禪心暫起何妨寂，道骨雖清不畏寒。

與耿天驕會話

邯鄲四十餘年夢，相對黃梁欲熟時；萬事祇如空鳥迹，怪君強記尙能追。

卷二十九 律詩（七言絕句）

與道原過西莊遂遊寶乘

周顛宅作阿蘭若，婁約身歸窳堵坡；今日隱侯孫亦老，偶尋陳迹到煙蘿。（一作「蔥帳銅屏皆舊事，飄然陳迹在松蘿。」）

庚申正月遊齊安

水南水北重重柳，山後山前處處梅；未卽此身隨物化，年年長趁此時來。

庚申正月遊齊安有詩云：水南水北重重柳，壬戌正月再遊

招提詩壁漫黃埃，忽忽籠紗兩過梅；老值白雞能不死，復隨春色破寒來。

壬戌正月晦與仲元自淮上復至齊安

風暖柴荆處處開，雪乾沙淨水河河；意行却得前年路，看盡梅花看竹來。

壬戌五月與利叔同遊齊安

纒成白雪桑重綠，割盡黃雲稻正青；它日玉堂揮翰手，芳時同此賦林垌。

成字說後與曲江譚君丹陽蔡君同遊齊安

撥梧枝葉事如毛，久苦諸君共此勞；遙望南山堪散釋，故尋西路一登高。

元豐二年十月政公改路故作此詩

獨龍東路得平岡，始免遊人屐齒妨；更有主林身半現，與公隨轉作陰涼。

書定林院牕（與安大師同宿，既曉問昨夜有何夢，師云：「有數夢皆忘記」）

竹雞呼我出華胥，起滅篝燈擁燎鑪；試問道人何所夢，但言渾忘不言無。

同熊伯通自定林過悟真二首

興客東來欲試茶，倦投松石坐欹斜；暗香一陣連風起，知有菩提個底花。

二

城郭紛紛老倦尋，幅巾來寄北山岑；長遭客子留連我，未快穿雲涉水心。

悟真院

野水從橫漱屋除，午牕殘夢鳥相呼；春風日日吹香草，山北山南路欲無。
傳神自讚

我與丹青兩幻身，世間流轉會成塵；但知此物非他物，莫問今人猶昔人。

定林院昭文齋

定林齋後鳴禽散，只有提壺守屋簷；苦勸道人沽美酒，不應無意引陶潛。
經局感言（罷相出守江甯仍領經局）

自古能全已，不才豈論騏驥與鶩駘；放歸自食情雖適，終首猶存亦可哀！

鍾山晚步

小雨輕風落棟花，細紅如雪點平沙；
槿籬竹屋江村路，時見宣城賣酒家。

散策

散策東岡亦已勞，橫塘西轉有亭皋；
絮飛度屋何許柳，花落填溝無數桃。

書靜照師塔

簡老已歸黃土陌，淵師今作白頭翁；
百憂三十餘年事，陳迹山林草野中。

記夢（辛酉九月二十二夜，夢高郵土山道人赴蔣山北集雲峯爲長老，已而

坐化，復出山南興國寺與余同臥一榻，禪懷山片竹數寸，上繞生絲，屬余藏之，

余棄弗取，作詩與之。）

月入千江鑑不分，道人非復世間人；
鍾山南北安禪地，香火他時共（一作「供」）兩身。

勸會賀蘭溪生，賀蘭溪落京地，名陳繹買地，築居於郵中，問之。

書湖陰先生壁二首

蒨簷長掃靜無苔，花木成畦手自栽；一水護田將綠繞，兩山排闥送青來。

二

桑條索漠楝花繁，風斂餘香暗度垣；黃鳥數聲殘午夢，尚疑身屬半山園。

過劉全美所居

西崦晴天得強扶，出林知有故人居；數能過我論奇字，當復令公見異書。

書何氏宅壁

有興提魚就公煮，此言雖在已三年；皖灞終負幽人約，空對湖山坐惘然。

題永慶壁有秀遺墨數行

永慶招提墨數行，歲時風露每悽傷；殘骸豈久人間世，故有情鍾未可忘。

江甯府園示元度

畫船南北水遙通，日暮幅巾篔簹中；行到月臺逢翠碧，背人飛過子城東。

金陵郡齋

談經投老拚悠悠，爲吏文書了卽休；深炷鑪煙（一作一香）閉齋閣，臥聽簷雨瀉高秋。

戲示蔣穎叔

扶衰南陌望長楸，燈火如星滿地流；但怪傳呼殺風景，豈知禪客夜相投。

遊城東示深之德逢

欲牽淮舸共尋源，且踏青青繞杏園；憶我舊時光宅路，依然桑柳映花繁。

麗澤門

麗澤門西日未俄，水明沙淨卷纖羅；綠瓊渚洲青瑤嶂，付與詩工敢琢磨？

示公佐

殘生傷性老耽書，年少東來復起予；各據槁梧同不寐，偶然聞雨落堦除。

示俞秀老二首

不見故人天際舟，小亭殘日更回頭；綠成白雪三千丈，細草孤雲一片愁。

二

君詩何以解人愁？初日紅蕖碧水流；未怕元劉妨獨步，每思陶謝與同遊。

示李詩叔二首

知子鳴絃意在山，一官聊復戲人間；能爲白下東南尉，藜杖緇巾得往還。

二

千山訪我幾摧輪，清坐來看十日留；勢利白頭何足道！古人傾蓋有綢繆。

示竇對覺二首

火暖窗明粥一盂，晨興相對寂無魚；超然聖寺山林外，別有禪天好淨居。

二

重將壞色染衣裙，共臥鍾山一塢雲；客舍黃梁今始熟，烏殘红柿昔曾分。

仲元女孫

雙鬢嬉戲我庭除，爭挽新花比繡襦；親結香纓知不久，汝翁那更鑷鬚？

示永慶院秀老

禪房借枕得重欹，陳迹脩無尚有詩；嗟我與公皆老矣！拂天松柏見栽時。

示王鐸主簿

君正忙時我正閑，如何同得到鍾山；夷門二十年前事，回首黃塵一夢間。

戲城中故人

城郭山林路半分，君家塵土我家雲；莫吹塵土來污我，我自雲持寄君。

戲贈段約之

竹柏相望數十楹，藕花多處復開亭；如何更欲通南埭，割我鍾山一半青。

示俞處士

魯山眉宇人不見，只有歌辭來向東；借問樓前踏干蕪，何如雲臥唱松風？

懷張唐公

直諫多爲世所排，有懷長向我前開；暮年惆悵誰知此，南阻東阡獨往來。

憶金陵三首

覆舟山下龍光寺，玄武湖畔五龍堂；想見舊時遊歷處，煙雲渺渺水茫茫。

二

煙雲渺渺水茫茫，繚繞蕪城一帶長；蒿目黃塵憂世事，追思陳迹故難忘？

三

追思陳迹故難忘，翠木蒼藤水一方；聞說精廬今更好，好隨殘沐理歸艙。

離昇州作

殘菊冥冥風更吹，雨如梅子欲黃時；相看握手總無語，愁滿眼前心自知。

荏苒口

白煙瀟瀟接天涯，黯黯長空一道斜；有似錢塘江上望，晚潮初落見平沙。

入瓜步望揚州

落日平林一水邊，蕪城掩映祇蒼然；白頭追想當時事，暮府青衫最少年。

泊船瓜洲

京口瓜洲一水間，鍾山祇隔數重山；春風自綠江南岸，明月何時照我還？

重過余妾岡市

憶我東遊未有鬢，扶衰重此駐肩輿；市中年少今誰在，魯叟當街六十餘。

秦淮泛舟

強扶衰病牽淮舸，尚怯春風沂午潮；花與新吾如有意，山於何處不相招？

中書卽事

投老翻爲世網嬰，低個終恐負平生；何時白上岡頭路，渡水穿雲取次行。

萬事

萬事黃梁欲熟時，世間談笑漫追隨；雞蟲得失何須算，鵬鷃逍遙各自知。

寄金陵傳神者李士雲

衰容一見便疑真，李子揮毫故有神。欲去鍾山終不忍，謝渠分我死前身。

贈外孫

南山新長鳳凰雛，眉目分明畫不如。年小從他愛梨栗，長成須讀五車書。

東流頰令罷官阻風示文有一按風伯奏天閣一之語答以四句

令尹犀舟失去期，憮然凭几占文移。勸君慎莫讒風伯，會有開帆破浪時。

楊德逢送米與法雲二老故作此詩

盧全不出憎流俗，我卜郊居避俗憎。全有鄰僧來乞米，我今送米乞鄰僧。

送黃吉父將赴南康官歸全銘二首

柘岡西路白雲深，想子東歸得重尋。亦見舊時紅躑躅，爲言春至每傷心。

二

還家一笑卽芳辰，好與名山作主人。邂逅五湖乘興往，相邀錦繡谷中春。

三

歲晚相逢喜且悲，莫占風日恨歸遲。我如逆旅當去客，復會有無那得知。

卷三十 律詩（七言絕句）

金陵卽事二首

水際柴門一半開，小橋分路入青苔。背人照影無窮柳，隔屋吹香併是梅。

二

結綺臨春歌舞地，荒蹊狹巷兩三家；東風漫漫吹桃李，非復當時仗外花！

三

昏黑投林曉更驚，背人相喚百般鳴；柴門長閉春風暖，事外還能見鳥情。

烏塘

烏塘渺渺綠平隄，隄上行人各有攜；試問春風何處好？辛夷如雪柘岡西。

柘岡

萬事紛紛祇惺然，老來容易得新年；柘岡西路花如雪，迴首春風最可憐！

城北

青青十里亂春袍，宿雨催紅出小桃；迴首北城無限思，日酣川淨野雲高。

金陵

金陵陳迹老蒼苔，南北遊人自往來；最憶春風石城塢，家家桃杏遍牆開。

午枕

午枕花前簟欲流，日催紅影上簾鉤；窺人鳥喚悠颺夢，隔水山供宛轉愁。

州橋

州橋踰月起山椒，迴首哀湍未覺遙；今夜重聞舊鳴咽，却看山月話州橋。

觀明州

明州城郭畫中傳，尚記西亭一橫船；投老心憎非復昔，當時山水故依然。

九日賜宴瓊林苑作

金明馳道柳參天，投老重來聽管絃；飽食太官還惜日，夕陽臨水意茫然！

壬子偶題（熙寧五年東府庭下作盆池故作）

黃塵投老倦匆匆，故遠盆池種水紅；落日欹眠何所憶，江湖秋夢鱗聲中。

和張仲通憶鍾陵二首

一夢章江已十年，故人重見想皤然；祇應兩岸當時柳，能到春來尚可憐！

二

逸少池邊有一丘，西山南浦慣曾遊；殘年歸去終無樂，聞說章江卽淚流。

送和甫至龍安暮歸

隱隱西南月一鉤，春風落日澹如秋；房櫳半掩無人語，鼓角聲中始欲愁。

鍾山卽事

澗水無聲繞竹流，竹西花草弄春柔；茅簷相對坐終日，一鳥不鳴山更幽。

南澗樓（在江甯尉司）

撲撲烟嵐繞四阿，物華終恨未能多；故應陡起三千丈，始奈重山複嶺何？

京城

三年衣上禁城塵，撫事惘然愧古人；明月滄波秋萬頃，扁舟長寄夢中身！

隴東西二首

隴東流水向東流，不肯相隨過隴頭；祇有月明西海上，伴人征戍替人愁。

二

隴西流水向西流，自古相傳到此愁；添却征人無限淚，怪來嗚咽已千秋。

斜徑

斜徑偶通南埭路，數家遙對北山岑；草頭蛺蝶黃花晚，菱角蜻蜓翠葦深。

暮春

北山吹雨送殘春，南澗朝來綠映人；昨日杏花渾不見，故應隨水到江濱。

雨晴

晴明山鳥百般催，不待桃花一半開；雨後綠陰空繞舍，總將春色付莓苔。

日西

日西階影轉梧桐，簾卷青山翠半空；金鴨火銷沈水冷，悠悠殘夢鳥聲中。

禁直

翠木交陰覆兩簷，夜天如水碧滌滌；帝城風月看常好，人世悲哀老自添。

御柳

御柳新黃已進條，宮溝薄凍未全消；人間今日春多少？祇看東方北斗杓。（一作「習習春風拂柳條，御溝

春水已冰消，欲知四海春多少，先向天邊問斗杓。」）

祥雲

冰入春風漲御溝，上林花氣欲飛浮；未央屋瓦猶殘雪，却爲祥雲映日流。

題中書壁

禁中春寒

夜開金鑰詔辭臣，對御抽毫草帝綸；須信朝家重儒術，一時同榜用三人。
青（一作「浮」）煙漠漠雨紛紛，水殿西廊北苑門；已著單衣猶禁火，海棠花下怯黃昏。

試院中

少時操筆坐中庭，子墨文章頗自輕；聖世選材終用賦，白頭來此試諸生。

學士院燕侍郎畫圖

六幅生綃四五峰，暮雲樓閣有無中；去年今日長千里，遙望鍾山與此同。

道旁大松人取以爲明

龍甲虬髯不可攀，亭亭千丈蔭南山；應嗟無地逃斤斧，豈願爭明爨火間？

見鸚鵡戲作四句

雲木何時兩翅翻，玉籠金鎖祗煩冤；真須強學人間語，舉世無人解鳥言。

池鴈

羽毛摧落向人愁，當食哀鳴似有求；萬里衡陽冬欲暖，失身元爲稻梁謀。

六年

六年湖海老侵尋，千里歸來一寸心；西望國門搔短髮，九天宮闕五雲深。

世故

世故紛紛漫白頭，欲尋歸路更遲留；鍾山北繞無窮水，散髮何時一釣舟？

邵平

天下紛紛未一家，販繒屠狗尙雄夸；東陵豈是無能者？獨傍青門手種瓜。

中牟

頽城百雉擁高秋，驅馬臨風想聖丘；此道門人多未悟，爾來千載判悠悠。

王章

壯（一作一忘一）士軒昂非自許，近臣當爲國深憂；區區女子無高意，追念牛衣暖卽休。

神物

神物登天稜可騎，如何孔甲但能羈；當時若更無劉累，龍意茫然豈得知？

文成

文成五利老紛紛，方丈蓬萊但可聞；萬里出師求寶馬，飄然空有意凌雲。

讀漢書

京房劉向各稱忠，詔獄當時跡自窮；畢竟論心異恭顯，不妨迷國略相同。

賜也

賜也能言未識真，誤將心許漢陰人；桔槔俯仰妨何事？抱甕區區老此身？

重將

重將白髮旁牆陰，陳迹茫然不可尋；花鳥認知春爛漫，人間獨自有傷心。

載酒

載酒欲尋江上舟，出門無路水流流；黃昏獨倚春風立，看却花開觸地愁。

楚天

楚天如夢水悠悠，花底殘紅漫不收；獨繞去年揮淚處，還將牢落對滄洲。

江上

江北秋陰一半開，晚雲含雨却低回；青山繚繞疑無路，忽見千帆隱映來。

春江

春江渺渺抱牆流，煙草茸茸一片愁；吹盡柳花人不見，青旗催日下城頭。

春雨

城雲如夢柳如愁，野水橫來強滿池；九十日春渾得雨，故應留潤作花時。

初到金陵

江湖歸不及花時，空憶扶疎綠玉枝；夜直去年看蓓蕾，晝眠今日對紛披。

送和甫至龍安微雨因寄吳氏女子

涼雨助人悲，淚染衣巾不自知；除却春風沙際綠，一如看汝過江時。

與北山道人

蒔果疏泉帶淺山，柴門雖設要常關；別門小徑連松路，祇與鄰僧約往還。

過外弟飲

一自君家把酒杯，六年波浪與塵埃；不知烏石岡邊路，至老相尋得幾回。

若耶溪歸興

若耶溪上踏莓苔，興罷張帆載酒回；汀草岸花渾不見，青山無數逐人來。

烏石

爲石岡邊繚繞山，柴荆細路（一作「徑」）水雲間；吹（一作「拈」）花嚼藥長來往，祇有春風似我閑。

定林

定林青（一作「修」）又作「喬」木老參天，橫貫東南一道泉；六月杖藜尋石路，午陰多處弄潺湲。

定林所居

屋繞灣溪竹繞山，溪山却在白雲間；臨溪放艇依山坐，溪鳥山花共我閑。

臺城寺側獨行

春山撥亂水縱橫，籬落荒畦草自生；獨往獨來山下路，筍輿看得綠陰成。

遊鍾山

終日看山不厭山，買山終待老山間；山花落盡山長在，山水空流山自閑。

松間（被召將行作）

偶向松間覓舊題，野人休誦北山移；丈夫出處非無意，猿鶴從來不自知。

雨未止正臣欲行以詩留之

紛紛應接使人愁，與子從容喜問酬；他日故將泥自庇，今朝欲以雨相留。

卷三十一 律詩（七言絕句）

題張司業詩

蘇州司業詩名老，樂府皆言妙入神；看似尋常最奇崛，成如容易却艱辛。

同陳和叔遊北山

春風蕩屋雨填溝，東閣脩然擁鬪裘。鄰壁黃糧炊未熟，喚迴殘夢有鳴鷗。

次吳氏女子韻（吳氏詩云：西風不入小窗紗，秋氣應憐我憶家；極目江南千里恨，依前和淚看黃花。）南朝九日臺，在孫陵曲街旁，去吾園只數百步。
孫陵西曲岸，烏紗知汝淒涼正憶家。人世豈能無聚散，亦逢佳節且吹花。

再次前韻

秋燈一點映籠紗，好讀楞嚴莫念家。能了諸緣如夢事，世間唯有妙蓮花。

卽席

曲沼融融津盡澌，暖煙籠瓦碧參差。人情共恨春猶淺，不問寒梅有幾枝。

遊城南卽事二首

神姦變化久難知，禹鼎由來更不疑。螭魅合謀非一日，太丘真復社亡遲。

二

秦壇東路繞重營，獨背朝陽信馬行。漫道城南天尺五，荒林時見一柴荆。

寄沈道原

城郭千家一彈丸，蜀岡擁腫作蛇蟠。眼前不道無蒼翠，偷得鍾山隔水看。

哭張唐公

堂一作「棠」邑山林久寂寥，屬車前日駐雞翹。冥冥獨鳳隨雲霧，一作「知何處」南陌空聞引葬簫。

生日次韻南郭子二首

救鯨醫剝世無方，斷簡陳編付藥房。祝我壽齡君好語，毗耶一夜滿城香。

寒逼清枝故有梅，草堂先對白頭開；殘骸已若雞年夢，猶見騷人幾度來。

八公山

淮山但有八公名，鴻寶燒金竟不成；身與仙人守都廡，可能雞犬得長生？

過徐城

七年五過徐城縣，自笑皇皇此世間；安得身如倉庾氏，一官能到子孫閑。

送丁廟秀才歸汝陰二首

好去翩然丁令威，昔人且在不應非；淮雲豈與遼天闊，想復留情故一歸。

二

西州行路日蕭條，執手傷懷不自聊；遊子故鄉終念返，豈能無意浍城漈？

和惠思韻二首

酬白觀

邂逅相隨一日閑，或緣香火共靈山；夕陽與罷黃塵陌，直似蓬萊墮世間。

蟬

白下長千何可見，風塵愁殺庾蘭成；去年今日青松路，亦自聞蟬第一聲。

送王石甫學士知湖州

吳興太守美如何，柳惲詩才未足多；遙想郡人迎下榻，白蘋洲渚正滄波。

懷鍾山

投者歸來供奉班，塵埃無復見鍾山；何須更待黃梁熟，始覺人間是夢間。

江甯夾口三首

茅屋滄洲一酒旗，午煙孤起隔林炊；江清日晚蘆花轉，祇（一作一恰一）似春風柳絮時。

二

月墮浮雲水捲空，滄洲店坼五更風；北山草木何由見，夢盡青燈展轉中。

三

落帆江口月黃昏，小店無燈欲閉門；側出岸沙楓半死，繫船應有去年痕。

寄碧巖道光法師

去馬來車擾擾塵，自難長寄水雲身；碧巖後主今爲客，何況開山說法人！

省中二首

萬事悠悠心自知，強顏於世轉參差；移牀獨臥秋風裏，靜看蜘蛛結網絲。

二

大梁春雪滿城泥，一馬常瞻落日歸；身世自知還自笑，悠悠三十九年非！

崇政殿後春晴卽事

悠悠獨夢水西軒，百舌枝頭語更繁；山鳥不應知地禁，亦逢春暖卽啾喧。

省中沈文通廳事

竹上秋風吹網絲，角門常閉吏人稀；蕭蕭一榻卷書坐，直到日斜騎馬歸。

吳任道說應奉時事

王安石詩集 卷三十一

二〇四

縣瓠城南陂水深，春泥滿眼路嶮欹，獨馬瘦馬衝殘雨，前伴茫茫不可尋！

送河中通判朱郎中迎母東歸

綵衣東笑上歸船，萊氏歡娛在晚年，嗟我白頭生意盡，看君今日更悽然！

寄題杭州明慶院修廣師明碧軒

明碧軒南竹數叢，別來江外幾秋風，道人無復人間世，嗟我今爲白髮翁！

夜直

金爐香盡漏聲殘，翦燭輕風陣陣寒，春色惱人眠不得，月移花影上欄干。

試院中

白髮無聊病更侵，移床臥竹向秋陰，朝來鴈背西風急，吹折江湖萬里心。

二

咫尺淹留可奈何，東西虛共一姮娥，堦前棗樹應搖落，此夜清光得幾多？

三

青燈照我夢城西，坐上傳觴把菊枝，忽忽覺來頭更白，隔牆聞語趁朝時。

四

蕭蕭疎雨吹簷角，噎噎暝蛩啼草根，閑却荒庭歸未得，一燈明滅照黃昏。

人間

人間投老事紛紛，才薄何能強致君，一馬黃塵南陌路，眼中唯見北山雲。

後殿牡丹未開

紅襖未開如婉婉，紫囊猶結想芳菲；此花似欲留人住，山鳥無端勸我歸。
春日

柴門照水見青苔，春遶花枝漫漫開；路遠遊人行不到，日長啼鳥去還來。

寄韓持國

綠遶宮城漫漫流，鶉黃小蝶弄春柔；問知公子朝陵去，歸得花時却自愁。

答韓持國

知公尚憶洛城中，醉裏穿花滿袖風；花亦有知還有恨，今爲紅藥主人翁。

出城

慣作野人多野興，欲爲時用少時材；出城偶與沙塵背，轉覺豁山入眼來。

涿州

涿州沙上望桑乾，鞍馬春風特地寒；萬里如今持漢節，却尋此路使呼韓。

出塞

涿州沙上歛盤桓，看舞春風小契丹；塞雨巧催燕淚落，濛濛吹濕漢衣冠。

入塞

荒雲涼雨水悠悠，鞍馬東西鼓吹休；尚有燕人數行淚，回身却望塞南流。

書汜水關寺壁

汜水鴻溝漢間跳，兵走馬百重山；如何咫尺商於地，便有圍公綺季閑。

題北山隱居王闕叟壁

王安石詩集 卷三十一

二〇六

荒村日午未開門，雨後餘花滿地存；舉世位能旌隱逸，誰人知道是王孫？

和惠思歲二日二絕

懶讀書來已數年，從人嘲我腹便便；爲嫌歸舍兒童聒，故就僧房借榻眠。

二

沙磧藏春未放來，荒庭終日守陳芟；遙憐草色裙腰綠，湖寺西南一徑開。

赴召道中

海氣冥冥漲楚氛，汀洲回薄水橫分；青松十里鍾山路，祇隔西南一片雲。

江東召歸

昨日君恩誤賜環，歸腸一夜繞鍾山；雖然眷戀明時祿，羞見琅邪有邗丹。

平甫如通州寄之

北山搖落水崢嶸，想見揚帆出廣陵；平世自無憂國事，求田應不忤陳登。

寄顯道

舟納刀頭止歲前，故人專使手書傳；出門江口問消息，極目寒沙空渺然！

和平父寄道光法師

欲見道人非一朝，杖藜無路到青霄；千巖萬壑排風雨，想對銅鑪柏子燒。

三品石

草沒苔侵棄道局，課恩三品竟何酬；國亡今日頑無恥，似爲當年不與謀。

和崔公度家風琴入首

屋山終日信飄飄，似與幽人破寂寥。爲有機心須強語，直教懸解始聲消。

二

簾幕無風起沈寥，誰悲精鐵任飄飄。隨商應角知無意，不待歌成韻已消。

三

萬物能鳴爲不平，世間歌哭兩營營。君知此物心何欲？自信天機自有聲。

四

風鐵相敲固可鳴，朔兵行夜響行營。如何清世容高臥，翻作幽窗枕上聲？

五

南風屋角響蕭蕭，白日簾垂坐寂寥。愛此宮商有真意，與君傾耳盡今朝。

六

風來風去豈嘗要，隨分鏗鏘與寂寥。不似人間古鍾磬，從來文飾到今朝。

七

擊身高處本無心，萬竅鳴時有玉音。欲作蟻耶爲物使，知君能笑不祥金。

八

疏鐵簾間挂作琴，清風纔到遽成音。伊人欲問無真意，向道從來不博金。

送陳靖中舍歸武陵

知君欲上武陵溪，水自東流人自西。到日桃花應已謝，想君應不爲花迷。

北山

王安石詩集 卷三十一

二〇八

剝木爲舟數丈餘，臥看風月映芙蓉；清香一陣渾無暑，時有驚棖躍出魚。
適意

一燈相伴十餘年，舊事陳言知幾編？到了不如無累後，困來顛倒枕書眠。
尋井

結綺臨春草一丘，尙殘宮井戒千秋！奢淫自是前王恥，不到龍沈亦可羞。
題金沙

海棠開後數金沙，高架層層吐絳葩；咫尺西城無力到，不知誰賞魏家花。
夜聞流水

千丈崩奔落石碕，秋聲散入夜雲悲；州橋月下聞流水，不忘鍾山獨宿時。
詠月三首

寒光乍洗山川瑩，清影遙分草樹纖；萬里更無雲物動，中天只有兔隨蟾。
二

江海清明上下兼，碧天遙見一毫纖；此時只欲浮雲盡，窟穴何妨有兔蟾。
三

一片清光萬里兼，幾回圓極又纖纖；君看出沒非無意，豈爲辛勤養玉蟾？

卷三十二 律詩（七言絕句）

只愁風雨劫春回，怕見枝頭爛熳開；野鳥不知人意緒，啄教零亂點蒼苔。

二

心憐紅蕊與移栽，不惜年年糞壤培；風雨無時誰會得，欲教零亂強催開。

三

看時高豔先驚眼，折處幽香易滿懷；野女強簪看亦醜，少教憔悴逐荆釵。

杏園卽事

蟠桃移種杏園初，紅抹燕脂嫩臉蘇；聞道飄零落人世，清香得似舊時無。

宋城道中

都城花木久知春，北路餘寒尙中人；宿草連雲青未得，東風無賴只驚塵。

對答

窗壁風回午枕涼，清談相對一胡牀；心知帝力同天地，能使人間白日長。

惑儒坑

智力區區不爲身，欲將何力助強秦；只應埋沒千秋後，更足詩書發冢人。

遇雪

定知花發是歸期，不奈歸心日日歸；風雪豈知行客恨，向人更作落花飛。

殊勝淵師

入十餘因見訪問之，近來如何答曰：「墮緣而已。」至示寂作是詩。

懷舊

寄託荒山鬼與鄰，一生黃卷不離身；百年薪盡隨緣去，莫學緇郎更誤人。

王安石詩集 卷三十二

二一〇

吹破春冰水放光，山花澗草百般香；身閑處處堪行樂，何事低徊兩鬢霜？
訪隱者

童子穿雲晚未歸，誰收松下著殘碁；先生醉臥落花裏，春去人間認不知。

海棠花

綠驕隱約眉輕掃，紅嫩妖饒臉薄妝；巧筆寫傳功未盡，清才吟詠興何長。

證聖寺杏接梅花未開

紅蕊曾遊此地來，青青今見數枝梅；只應尚有嬌春意，不肯凌寒取次開。

雜詠五首

勳業無成照水羞，黃塵入眼見山愁；煙中漠漠江南岸，更與家人一少留。

二

白頭重到太宵宮，玉珮瓊琚在眼中；歌舞可憐人暗換，花開花落幾春風。

三

朝陽映屋擁書眠，夢想鍾山一慨然！投老安能長忍垢，會當歸此濯寒泉。

四

烏石岡頭躑躅紅，東江柳色漲春風；物華人意曾相值，永日留連草莽中。

五

小雨蕭蕭潤水亭，花風颭颭破浮萍；看花聽竹心無事，風竹聲中作醉醒。

千里歸來倦宦身，欲畧田宅豫求鄰；能將孝友傳家世，鄉邑如君更幾人？
郊行

柔桑採盡綠陰稀，蘆箔蠶成密繭肥；向聊村家問風俗，如此勤苦尙凶飢？
破冢二首

埋沒殘碑草自春，旋風時出地中塵；塔間夜半分珠玉，猶是當時乞祭人。

二

殘樽穿來欲幾春，蕭蕭長草沒麒麟；塔間或有樵蘇客，未必他年醉飽人！

題景德寺試院壁（至和三年八月十日）

屋東瓜蔓已扶疎，小石藍花破萼初；從此到寒能幾日，風沙還見一年除。

金陵報恩大師西堂方丈二首

簷花映日午風薰，時有黃鸝隔竹聞；香燭一爐春睡足，上方車馬正紛紛。

二

蕭蕭出屋千竿玉，鶴竈當牕一炷雲；心力長年人事外，種花移石尙殷勤。

題正覺院繹龍軒二首

北軒名字經平子，愛此吾能爲賦詩；山雨江風一披拂，繹龍還自有吟時。

二

仙事茫茫不可知，繹龍空此見孫枝；壺中若有閑天地，何苦歸來問葛陂？

湖州古瓦硯

吹盡西陵歌舞塵，當時屋瓦始稱珍；甄陶往往成今手，尙託聲名動世人！

荜夫石

雲鬢煙鬢與誰期？一去天邊更不歸！還似九疑山下女，千秋長望舜裳衣。

山前

山得溪水漲潺湲，山後雲埋不見山；不趁雨來耕水際，卽穿雲去臥山間。

江雨

冥冥江雨濕黃昏，天入滄洲漫不分；北澗欲通南澗水，南山正遶北山雲。

揚子二首

儒者陵夷此道窮，千秋止有一揚雄；當時薦口終虛語，賦擬相如却未工。

二

道真沉溺九流渾，獨泝頽波討得源；歲晚強顏天祿閣，祇將奇字與人言。

獨臥二首

誰有勗擾不自操，可憐園地滿蓬蒿；欲尋春物無蹊徑，獨臥南牀白日高。（一作「日自高」）

二

茅簷午影轉悠悠，門閉青苔水亂流；百嘯黃鸝看不見，海棠無數出牆頭。

子孟子

沉魄浮魂不可招，遺編一讀想風標！何妨舉世嫌迂闊，故有斯人慰寂寥。

商鞅

自古驅民在信誠，一言爲重百金輕，今人未可非商鞅，商鞅能令政必行。

蘇秦

已分將身死勢權，惡名磨滅幾何年？想君魂魄千秋後，却悔初無二頃田。

范雎

范雎相秦傾九州，一言立斷魏齊頭；世間禍故不可忽，箒中死屍能報讎。

張良

漢業存亡俯仰中，留侯當（一作「於」）此每從容；固陵始議韓彭地，複道方圖雍齒封。

曹參

東髮河山百戰功，白頭富貴亦成空；華堂不著新歌舞，却要區區一老翁。

韓信

貧賤侵凌富貴驕，功名無復在芻蕘；將軍北面師降虜，此事人間久寂寥。

伯牙

十載朱弦無此悲，欲彈孤絕鬼神疑；故人捨我閉黃壤，流水高山心自知。

范增二首

中原秦鹿待新羈，力戰紛紛此一時；有道弔民天卽助，不知何用牧羊兒？

二

鄴人七十漫多奇，爲漢毆民了不知；誰合軍中稱亞父，直須推讓外黃兒。

賈生

一時譟議吹施行，誰道君王蘇賈生。爵位自高言盡廢，古來何啻萬公卿。

兩生

兩生才器亦超羣，黑白何勞強自分。好與騎奴同一處，此時俱事衛將軍。

謝安

謝公才華自超羣，誤長清談助世紛。秦晉區區等亡國，可能王衍勝商君。

世上

范蠡五湖收遠迹，管甯滄海寄餘生。可憐世上風波惡，最有仁賢不敢行。

讀後漢書

錮黨紛紛果是非，當時高士見精微。可憐竇武降蕃蓋，欲與天爭漢鼎歸。

讀蜀志

千載紛爭共一毛，可憐身世兩徒勞。無人語與劉玄德，問舍求田意最高。

讀唐書

志士無時亦少成，中才隨世就功名。并汾諸子何爲者，坐與文皇立太平。

讀開成事

姦回紛紛不爲明，有心天下共無成。空令執事螭頭者，日記君臣口舌爭。

讀和書

都城日落馬蕭蕭，雨壓春風蔭柳條。天際歸鴻那可幸，只將心寄海門潮。

寄茶與和甫

綵絳繡囊海上舟，月團蒼潤紫煙浮；集英殿裏春風晚，分到井門想麥秋。
寄茶與平甫

巖長安嶺石
碧月團圓墮九天，封題寄與洛中仙；石樓試水宜頻啜，金谷看花莫漫煎。

附巖憑崖豈易躋，無心應合與雲齊；橫身勢欲填滄海，肯爲行人惜馬蹄？
代答

破車傷馬亦天成，所託雖高豈自營？四海不無容足地，行人何事此中行？
促織

金屏翠幔與秋宜，得此年年醉不知！祇向貧家促機杼，幾家能有一絢絲？
臘享

明星慘澹月參差，萬竅含風各自悲；人散廟門燈火盡，却尋殘夢獨多時。

卷三十三 律詩（七言絕句）

杏花

垂楊一徑紫苔封，人語蕭蕭院落中；獨有杏花如喚客，倚牆斜日數枝紅。

城東寺菊

黃花漠漠弄秋暉，無數蜜蜂花上飛；不忍獨醒孤爾去，慙慙爲折一枝歸。

拒霜花

王安石詩集 卷三十三

二一六

落盡羣花獨自芳，紅英渾欲拒嚴霜；開元天子千秋節，戚里人家承露囊。

燕

處處定知秋後別，年年長向社前逢；行藏自欲追時節，豈是人間不見容？

吐綬鷄

樊籠寄食老低摧，組麗深藏肯自媒？天日清明聊一吐，兒童初見互驚猜。

黃鸝

野花吹盡竹娟娟，尚有黃鸝最可憐；姪姪不知緣底事，背人飛過北山前。

蝶

翅輕於粉薄於繪，長被花牽不自勝；若信莊周尚非我，豈能投死爲韓憑？

暮春

無限殘紅著地飛，谿頭煙樹翠相圍；楊花獨得東風意，相逐晴空去不歸。

真州東園作

十年歷遍人間事，却憶新花認故叢；南北此身知幾日？山川長在淚痕中。

過皖口

皖城西去百重山，陳迹今埋杳靄間；白髮行藏空自感，春風江水照衰顏。

發粟至石陂寺

暮水穿山近更賒，三更燃火飯僧家；乘田有秩難逃責，從事雖勤敢嘆嗟。

別皖口

別瀟皖二山

浮煙漠漠細沙平，飛雨濺濺嫩水生。異日不知來照影，更添華髮幾千莖？
鄉壘新恩借舊朱，欲辭瀟皖更躊躇。攢峰列岫應譏我，飽食窮年報禮虛。

舒州被召試不赴偶書

戴盆難與草天兼，自怪虛名亦有嫌。槁壤太牢俱有味，可能蚯蚓獨清廉。
舟過長蘆

木落草搖洲渚昏，泊船深閉雨中門。回燈只欲尋歸夢，兒女紛紛強笑言！

金山二首

北樾南檣泊四垂，共憐金碧爛參差。孤根萬丈滄波底，除却蛟龍世不知。

二

波瀾蕩沃乾坤大，氣象包藏水石間。祇有此中宜曠望，誰令天作海門山？

三

天日蒼茫海氣深，一船西去此登臨。丹樓碧閣皆時事，只有江山古到今。

泊姚江

山如碧浪翻江去，水似青天照眼明。喚取仙人來住此，莫教辛苦上層城！

遊鍾山

兩山松櫟暗朱藤，一水中間勝武陵。午梵隔雲知有寺，夕陽歸去不逢僧。

龍泉寺石井二首

山腰石有千年潤，海（一作石）眼泉無一日乾；天下蒼生待霖雨，不知龍向此中蟠。

二

人傳湫水未嘗枯，滿底蒼苔亂髮麤；四海旱多霖雨少，此中端有臥龍無？

興國樓上作

松篁不動翠相重，日射流塵四散紅；地上行人愁噎死，那知高處有清風？

別儻閣

一溪清瀉百山重，風物能留邴曼容；後夜肯思幽興極，月明孤影伴寒松。

杭州望湖樓回馬上作呈玉汝樂道

水光山氣碧浮浮，落日將歸又少留；從此祇應長入夢，夢中還與故人遊。

奉和景純十四丈三絕

身先諸老幹樞機，再見王門闔左扉；但恨東歸相值晚，豈知臨別更心違？

二

幾年相約在林丘，眼見京江更阻遊；道我珠璣何以報，恨無瑤玉與公舟。

三

藏春花木望中迷，水複山長道阻躋；悵悵老年塵世累，無因重到武陵溪。

臨津

臨津豔豔花千樹，夾徑斜斜柳數行；却憶金明池上路，紅裙爭看綠衣郎。

打鈔

汀沙雪漫水溶溶，睡鴨殘蘆漚露中；歸去北人多憶此，每家圖畫有屏風。

西山

西山映水碧潭潭，楚老長謠淚滿衫；但道使君留不得，那知青吏憶江南。

和文淑（張氏女弟）

天梯雲棧蜀山岑，下視嘉陵水萬尋；我得一舟江上去，恐君東望亦傷心。

春入

春入園林百草香，池塘冰散水生光；身閑是處堪攜手，何事低徊兩鬢霜。

暮春

芙蓉的歷抽新葉，首惜闌干放晚花；白下門東春已老，莫嗔楊柳可藏鴉。

烏江亭

百戰疲勞壯士哀，中原一敗勢難迴；江東子弟今雖在，肯與君王卷土來。

漢武

壯士悲歌出塞頻，中原蕭瑟半無人；君王不負長陵約，直欲功成賞漢臣。

諸葛武侯

慟哭何顛爲一言，餘風今日更誰傳；區區庸蜀支吳魏，不是虛心豈得賢。

荅越亭

亂山千頃翠相圍，滾滾滄江去復歸；安得病身生羽翼，長隨沙鳥自由飛。

春日席上

王安石詩集 卷三十三

1110

十年流落負歸期，臨水登山各有思；今日樽前千萬恨，不堪頻唱鷓鴣辭！
句容道中

荒煙寒雨葦山重，草木冥冥但有風；二十四年三往返，一身多在百憂中！

晏望驪釋舟走信州

病起行山山更險，下窮溪谷上通天；乘高欲作東南望，青壁松杉滿我前。

衡澤寺見許堅題詩

藹藹春風入水行，森森喬木映朱門；高人遺蹟空佳句，誰識旌陽後世孫！

送陳景初（陳善醫）

慘淡淮山水墨秋，行人不飲奈離愁；藥囊直入長安市，誰識柴車載伯休？

巫峽

神女音容詎可求，青山回抱楚宮樓；朝朝暮暮空雲雨，不盡襄王萬古愁。

徐秀才園亭

茂松脩竹翠紛紛，正得山阿與水濱；笑傲一生雖自樂，有司還欲選方聞。

中茅峯石上徐錯筌字題名

百年風雨草苔昏，尚有當年墨法存；祇恐終隨嶧碑盡，西風吹燒滿秋原。

欲雪

天上雲驕未肯同，晚來雪意已填空；欲開新酒邀嘉客，更待天花落坐中。

上元夜戲作

馬頭乘興尚誰先，曲巷橫街一一穿；盡道滿城無國豔，不知朱戶鎖嬋娟。

石竹花

春歸幽谷始成叢，地方芬敷淺淺紅；車馬不臨誰見賞？可憐亦解度春風。

黃花

四月揚州芍藥多，先時爲別苦風波；還家忽忽驚秋色，獨見黃花出短莎。

木芙蓉

水邊無數木芙蓉，露染燕脂色未濃；正似美人初醉着，強擡青鏡欲粧慵。

精衛

帝子銜冤久未平，區區微意欲何成？情知木石無云補，待見桑田幾變更。

戲贈育王虛白長老

白雲山頂病禪師，昔日公卿各贈詩；行盡四方年八十，却歸荒寺有誰知？

黃河

派出崑崙五色流，一支黃濁貫中州；吹沙走浪幾千里，轉側屋閭無處求？

東江

東江木落水分洪，伐盡黃蘆洲渚空；南澗夕陽煙自起，西山漠漠有無中。

北塋

欲望淮南更白頭，杖藜蕭颯倚滄洲；可憐新月爲誰好，無數晚山相對愁。

礪山

王安石詩集 卷三十四

三三三

六籍燃除士不磨，驪山如此盜兵何？五陵珠玉歸人世，却爲詩書發冢多。

縣舍西亭二一首

山更移竹水邊栽，已見新篁破嫩苔；可惜主人官便滿，無因長向此徘徊。

二

主人將去菊初栽，落盡黃花去却迴；到得明年官又滿，不知誰見此花開？

鐵幢浦

憶昨初爲海上行，日斜來往看潮生；如今身是西歸去，回首山川覺有情。

臨吳亭作

補穿葦漏僅區區，志義殊嗟士大夫；欲致太平非一日，謾勞使者報新書。

蘇州道中願風

北風一夕阻東舟，清早飛帆落虎丘；運數本來無得喪，人生萬事不須謀！

卷三十四 律詩（七言絕句）

送僧惠思歸錢塘

淥淨堂前湖水淥，歸時正復有荷花；花前亦見餘杭姥，爲道仙人憶酒家。

松江

來時還似去時天，欲道來時已惘然；祇有松江橋下水，無情長送去來船。

秋日

莫言草木未知秋！今日風雲已自愁；獨傍黃塵騎一馬，行看蕭索聽颼颼。
中秋夕寄平甫諸弟

浮雲吹盡數秋毫，燐燐金波滿滿醪；千里得君詩挑戰，夜壇誰敢將風騷？

靈山

靈山甯與世爲仇，斤斧侵凌自不休；水玉比來聞長價，市人無數起相讎。

荷花

亭亭風露擁川坻，天放嬌嬈豈自知？一舸超然他日事，故應將爾當西施。

殘菊

黃昏風雨打園林，殘菊飄零滿地金；攏得一枝猶好在，可憐公子惜花心。

竹窗

竹窗紅蕚兩三根，山色遙供水際門；只我近知牆下路，能將屐齒記苔痕。

出定力院作

江上悠悠不見人，十年塵垢夢中身；慙慙爲解丁香結，放出枝間自在春。

寄育王大覺禪師

山水悲鳴水怒流，百蟲專夜思高秋；道人方丈應無夢，想復長吟擬慧休。

送僧遊天台

天台一萬六千丈，歲晏老僧攜錫歸；前程好景解吟否，密雪亂雲絨翠微。

次韻張仲通水軒

王安石詩集 卷三十四

二二四

池雨合煙暝不收，草根長見水交流；愛君古錦囊中句，解道今秋似去秋。

送陳令

長谿流水碧潺潺，古木蒼藤暗兩山；把臂道人今在否？長官白首尚人間。

無錫寄正之

健席高檣送病身，亂山荒隴障歸津；應須一曲千回首，西去論心更幾人？

謾成

清時無路取封侯，病臥牛衣已數秋；日月不膠時易失，感今懷昔使人愁！

初晴

一抹明霞黯淡紅，瓦溝已見雪花融；前山未放燒寒散，猶鎖白雲三兩峰。

釣者

釣國平生豈有心？解甘身與世浮沈；應知渭水車中老，自是君王著意深。

將次鎮南

豫章江面朔風驚，浩蕩帆船破浪行；目送家山無幾許，千年空想鷓鴣聲。

出金陵

白石岡頭草木深，春風相與散衣襟；浮雲映郭留佳氣，路鳥隨人作好音。

酬王微之

一百迴趨助葦收，炎曦不復畏金流；君家咫尺堪乘興，想岸烏紗對弈秋。

題玉光亭

傳聞天下此埋埋，千古誰分偽與真？每向小庭風月夜，却疑山水有精神。

贈僧

紛紛擾擾十年間，世事何嘗不強顏？亦欲心如秋水靜，應須身似嶺雲閑。

嘲叔孫通

馬上功成不喜文，叔通縣聽共經綸。諸君可笑貪君賜，便許當時作聖人。

和淨因有作

朝紅一片墮腮塵，禪客脩然感此辰；更覺城中芳意少，不如山野早知春。

張工部廟

使節紛紛下禁中，幾人曾到此城東；獨君遺像今如在，廟食真須德與功。

次韻和張仲通見寄三絕句

高山流水意無窮，三尺空絃膝上桐；默默此時誰會得，坐凭江閣看飛鴻。

二

收拾乾坤付一壺，世間無物直鎔銖；醉鄉舊業拋來久，更欲因君稍問塗。

三

欹枕狂歌擊唾壺，直將軒冕等鎔銖；醉鄉岐路君知否？不似人間足畏塗。

宣州府君喪過金陵

百年難盡此身悲，眼入春風抵涕洟；花發烏啼皆有思，忍尋棠棣鶴鴒詩！

觀王氏雪圖

王安石詩集 卷三十四

二二六

崔嵬相映雪重重，茅屋柴門在半峰；想有幽人遺世事，獨臨青嶂倚長松。

韓子

紛紛易盡百年身，舉世何人識道真？力去陳言夸末俗，可憐無補費精神。（一本作「默默誰令識道真」）

宰嚭

謀臣本自繁安危，賤妾何能作禍基？但願君王誅宰嚭，不愁宮裏有西施。

郭解

藉交唯有不費恩，漢法歸成棄市論；平日五陵多任俠，可能推刃報王孫。

古寺

寥寥蕭寺半遺基，遊客經年斷履綦；猶有齊梁舊時殿，塵昏金像雨昏碑。

越人以幕養花因遊其下二首

幕天無日地無塵，百紫千紅占得春；野草自花還自落，落時還有惜花人。

二

尚有殘紅已可悲，更憂回首祇空枝；莫嗟身世渾無事，睡過春風作惡時。

魚兒

遶岸車鳴水欲乾，魚兒相逐尚相歡；無人挈入滄江去，汝死那知世界寬？

離艸至菁江東望

村落蕭條夜氣生，側身東望一傷情；丹樓碧閣無處所，祇有谿山相照明。

信州廻車館中作二首

太白山根秋夜靜，亂泉深水遶牀鳴；病來空館聞風雨，恰似當年枕上聲。

二

山木漂搖臥弋陽，因思太白夜淋浪；西窗一榻芭蕉雨，（一作「芭蕉一枕西窗雨。」復似當時水遶牀。）

天童山溪上

溪水清澗樹老蒼，行穿溪樹踏春陽；溪深樹密無人處，唯有幽花渡水香。

鄞縣西亭

收功無路去無田，竊食窮城度兩年；更作世間兒女態，亂栽花竹養風煙。

寄和甫

水村悲喜拆書看，聞道并州九月寒；憶得此時花更好，舉家憐汝不同盤。

寄伯兄

身留海上去何時？祇看春鷗北向飛；安得先生同一飲，蕨芽香嫩鰾魚肥。

別鄴女

行年三十已衰翁，滿眼憂傷祇自攻；今夜扁舟來訣汝，死生從此各西東。

真州馬上作

身隨飢馬日中行，眼入風沙困欲盲；心氣已勞形亦弊，自憐於世欲何營？

登飛來峯

飛來山上千尋塔，聞說雞鳴見日昇；不畏浮雲遮望眼，自緣身在最高層。

讀漢功臣表

王安石詩集 卷三十四

二二八

漢家分土建忠良，鐵券丹書信誓長；本待山河如帶礪，何緣菹醢賜侯王？

詠月

追隨落日盡還生，點綴浮雲暗又明；江有蛟龍山虎豹，清光雖在不堪行。

金山

怪秘陰靈與護持，重丹複碧煥參差；滄江見底應無日，萬丈孤根世不知。

疊翠亭

煙籠遠浦迷芳草，日照澄湖浸碧峰；幸有清樽堪酌酌，忍陪良友不從容。

默默

默默長年有所思，世間談笑強追隨；蒼髯欲出朱顏謝，更覺求田問舍遲。

達本

未能達本且歸根，真照無知豈待言？枯木巖前猶失路，那堪春入武陵源？

寓言二首

太虛無實可追尋，葉落松枝謾古今；若見桃花生聖解，不疑還自有疑心。

二

本來無物使人疑，却爲參禪買得癡；聞道無情能說法，面牆終日妄尋思。

偶書

穠侯老擅關中事，長恐諸侯客子來；來亦暮年專一壑，每逢車馬便驚猜。

揚子

千古雄文造聖真，眇然幽思入無倫；他年未免投天祿，虛爲新都著劇秦。
讀維摩經有感

身如泡沫亦如風，刀割香塗共一空；宴坐世間觀此理，維摩雖病有神通。
春日卽事

池北池南春水生，桃花深處好閑行；細思擾擾夢中事，何用悠悠身後名？
贈安太師

獨龍岡北第三峰，逋客歸來老更慵；敗屋數椽青繚繞，冷雲深處不聞鍾。
送李生白華巖修道

白華巖主是金僊，假作山僧學道禪；珍重此行吾不及，爲傳消息結因緣！
寄道光大師

秋雨漫漫夜復朝，可嗟蔀屋望重宵；遙知宴坐無餘念，萬事都從劫火燒。
示報甯長老

白下亭東鳴一牛，山林陂港淨高秋；新營棗棧我檀越，曾悟布毛誰比丘？
紅梨

紅梨無葉庇花身，黃菊芬香委路塵；歲晚蒼官纔自保，日高青女尙橫陳。
鷓鴣

依倚秋風氣象豪，似欺黃雀在蓬蒿；不知羽翼青冥上，腐鼠相隨勢亦高。

鹽二一首

力侔龍象或難堪，層比仙人亦未慚；臨路長鳴有真意，盤山弟子欠同參。

二

雖得康莊亦好還，每逢溝壑便知難；由來此物非他物，莫道何曾似仰山？

卷三十五 挽辭

仁宗皇帝挽辭四首

去序三朝學，行崩萬國天；憂勤無曠古，治洽最長年。仁育齊高厚，哀思罄幅員；欲知千載美，道德冠遺編，

二

馮几微言絕，羣臣涕泗揮；哀號三級陛，縞素九重圍。天上仙遊遠，宮中御座非；最悲帷幄侍，不復未明衣。

三

厭代人間世，收神天上游；遽然虛玉座，不復瑤珠旒。待旦移巾櫝，饗人改膳羞；尋常飛白几，寂寞暗塵浮。

四

同軌羣方至，因山十月催；永違天日表，空有肺肝摧。帳殿流蘇卷，鈴歌薤露哀；宮中垂曉轡，西去不更回！

英宗皇帝挽辭二首

御氣方尊極，乘雲已泫寥；衣冠萬國會，陵寢百神朝。夏鼎傳歸啓，虞羹想見堯；誰當授椽筆，論德在瓊瑤。

二

玉册上鴻名，猶殘警蹕聲；忽辭千歲祝，虛卜五年征。羽衛悲哀送，山陵指顧成；謳歌歸聖子，世孝在持盈。

神宗皇帝挽辭二首

將聖由天縱，成能與鬼謀；聰明初四達，俊乂盡旁求。一變前無古，三登歲有秋；謳歌歸子啓，欽念禹功修。

二

城闕宮車轉，山林隧路歸；蒼梧雲未遠，姑射露先晞。玉暗蛟龍蟄，金寒鴈鴛飛；老臣他日淚，湖海想遺衣。

慈聖光獻皇后挽辭一首

國賴姜任盛，門歸馬鄧高；關雎求窈窕，卷耳念勤勞。聖淑才難擬，休明還繼繼；岡原今獻上，帷扆正攀號。

二

塗山女德茂，京室母才難；具美多前志，餘光永後觀。遺衣遷館御，祖載出宮闈；終始神孫孝，長留萬國歡。

正肅吳公挽辭二首（公嘗舉賢，良終河南守，葬鄭，予舉進士時，公知舉）

從容邊塞議，慷慨廟堂爭；曲突非無驗，方穿有不行。搢紳終倚賴，贈襚極哀榮；豈慕公孫貴，平生學董生。

二

應世文章手，宜民政學才；朝多側目忌，士有拊心哀。書蠹平生簡，香寒後夜灰；悠悠國西路，空得葬車回。

三

昔繼吳公治，今從子產遊；里門無舊客，鄉國有新丘。謀讓裨謀遠，文歸賈誼優；此時辜怨寵，西望涕空流。

文元賈公挽辭二首

功名烜赫在三朝，經術從容輔漢條；儒服早紆丞相紱，戎冠再插侍中貂。開倉六塔流人復，出甲甘陵叛黨

銷；東第祗今空畫像，當時於此識風標。

二

銘旌蕭颯九秋風，薤露悲歌落月中；華屋幾人思賈傅，佳城今日閉滕公。名垂竹帛書勳在，神寄丹青審象

同；天上貂蟬曾夢賜，歸魂應佩紫陽官。

元獻晏公挽辭三首

文章晉康樂，經術漢公孫。舊秩疑丞貴，前功保傅尊。傳呼猶在耳，會哭已填門。蕭瑟城南路，鳴笳上九原。

二

終賈年方妙，蕭曹城已親。優游太平日，密勿老成人。抗論辭多秘，賡歌迹已陳。功名千載下，不負漢庭臣。

三

感會真奇遇，飛揚獨妙齡。他年西餞日，此夜上騎星。宿惠留藩屏，餘忠在禁庭。音容無處所，髣髴寄丹青。

忠獻韓公挽辭二首

心期自與衆人殊，骨相知非淺丈夫。獨幹斗杓環帝座，親扶日轂上（一作「繼」）天衢。勦稷萬里山無盜，袞繡三朝國有儒。爽氣忽隨秋露盡，但留陳迹在龜趺。

二

兩朝身與國安危，典策哀榮此一時。木稼嘗聞達官怕，山頽果見哲人萎。英姿爽氣歸圖畫，茂德元勳在鼎彝。幕府少年今白髮，傷心無路送靈輿。

正憲吳公挽辭

丙魏雖遭漢道昌，豈如公出值虞唐。秀鍾舊國山川氣，榮附中天日月光。更化事功參虎變，贊元時序得金穰。傷心鼓吹城南陌，回首新阡柏一行。

孫威敏公挽辭

功名一世事，興廢豈人謀。重爲蒼生起，終隨逝水流。淒涼歸部曲，零落掩山丘。許國言猶在，茲諛可使羞。

崇禧給事同年馬兄挽辭二首

慶曆公偕起，元豐我獨傷。兩楹終昔夢，五鼎繼前喪。薰歌曾攀桂，甘留所憩棠。素風知不墜，能世有諸郎。

二

藏室亡三篋，得之公最多。露晞當晚風，川逝作前波。惠寄與人誦，悲傳挽者歌。竹西攜手處，清淚邈山河。

韓動之被丞挽辭二首

年高漢賈誼，官過楚荀卿。望古君無憾，論今我未平。有風吹畫翬，無日照佳城。空復文章在，流傳世上名。

二

人間三十六，追逐孔鸞飛。似欲來爲瑞，如何去不歸。琴樽已寂寞，筆墨尚光輝。空復平生友，西華豈易依！

贈工部侍郎鄭公挽辭

地蟠江漢久知靈，通德門中見老成。南去伏波推將略，北來光祿擅詩名。密章贈襚連三組，畫翬喪車載一

旌；陰德故應多後福，可能生子但升卿？

致仕虞部曲江譚君挽辭

同時獻賦久無人，握手悲歡迹已陳。它日白衣霄漢志，暮年朱紱水雲身。虛容劍几今長夜，小隱山林祇舊

春；豈惜埋辭追往事，齒衰才盡獨傷神！

馬忠大夫挽辭

冠蓋青門道，知君自少時。從容他日喜，奄忽暮年悲。江月明丹旆，湖風冷總帷。音容雖可想，材力竟何施？

宋中道挽辭

文史傳家學，聲名動帝除。蘭堂空作賦，金匱不讐書。勝事悲疇昔，清談想緒餘。吹簫索上去，歸國有魂車！

王中南學士挽辭

同學金陵最少年，奏書曾用牘三千；
盛名非復居人後，壯歲如此棄我先？
種橘園林無舊業，採蘋洲渚有新篇；
蔚山東路春風綠，埋沒誰知太守阡？

王逢原挽辭

蒿里競何在，死生從此分；
謾傳仙掌籍，誰見鬼修文？
蔡琰能傳業，侯芭爲起墳；
傷心北風路，吹淚溼江雲！

葛興祖挽辭

憶隨諸彥附青雲，場屋聲名看出羣；
孫寶暮年猶主簿，卜商今日更修文。
山川凜凜平生氣，草木蕭蕭數尺墳；
欲寫此哀終不盡，但令千載少知君。

河中使君修撰陸公挽辭二首

文采機雲後，知名實妙年；
銀鈎工壯麗，金薤富清研。
批鳳多新貴，凭熊數外遷；
空令猗氏監，墳愛有良田！

二

皖城初得故人詩，歎息龍媒踠壯時；
太史滯留終不偶，中郎制作遂無施！
二千石祿今何有，四十車書昔漫知；
海曲冷雲埋拱木，延州空掛暮年悲！

三

前旌一幅粉書名，行路知君亦涕零；
遂失詞人空甫里，謾留悲鶴老華亭。
主張壽祿無三甲，收拾文章有六丁；
歸處仙龕終不遠，新墳東見海山青。

王子直挽辭

多才自合至公卿，豈料青衫困一生？
太史有書能敘事，子雲於世不微名。
丘墳慘淡箕山綠，門巷蕭條潁水清。

清握手笑言如昨日，白頭東望一傷情！

孫君挽辭（名適）

喪車上新塋，哀挽轉空山，名與碑長在，魂隨帛暫還。無兒漫黃卷，有母亦朱顏；俛仰平生事，相看一夢間。

虞士葛君挽辭

楚人黃歇地，晉代葛洪家，特擅山川秀，相承黻冕華。倚君有清尚，於世不雍夸；令子能傳業，流光未可涯。

永壽縣太君周氏挽辭二首（鄧忠臣母）

永壽開新邑，長沙返舊壘；金葩冷鈿軸，粉字暗銘旌。薤久露難濕，蘭餘風尚清；慶鍾知有在，令子合升卿。

二

子引金閨籍，身開石窞封；靈輜悲吉路，象服儼虛容。楚挽雖多相，萊衣不更縫；誰知道川底，劍自喜相逢。

致仕薛少卿挽辭二首

謝眺城中守，梁鴻基下歸；素車馳吉路，丹旌卷寒輝。撫几虛容在，瞻圖寶貌非；無因置一酌，空此嘆長違！

二

杯酒邗溝上，紛紛已十年；音容常想見，風跡每流傳。老去元卿位，新開太守阡；慶門當更大，子弟固多賢。

袁郎中挽辭二首

卷卷總帷輕，空堂晝哭聲；衣冠遺故物，杯案若平生。白馬有悲送，赤車非古行；低徊九原日，光景在銘旌。

二

蠻荆長往地，湖海獨歸時；旅觀蛟龍護，銘旌鴈鷺隨。此生要有盡，何物告無期；一片幽堂石，公知我不欺。

悼王致虞士

處士生涯水一瓢，行年七十更蕭條。老妻稻下分遺秉，弱子松間拾墮樵。蚩有聲名高後世，遂無饘粥永今朝。窮魂散漫知何處？前水東西不可招。

蘇才翁挽辭二首

空餘一丹旆，無復兩朱轡。寂寞蔚山渡，陂陀京口原。音容歸繪畫，才業付兒孫。尚有故人淚，滄江相與翻。

二

翰墨隨談嘯，風流在弟兄。浮名同逆旅，壯志負平生。使節何年去，喪車故老迎。悠悠京口外，落日照銘旌。

悼慧休

休公遂不起，難料復難忘。玉骨隨薪盡，空留一分香。

卷三十六 集句（古律詩）

送吳顯道五首

五湖大浪如銀山，問君西遊何當還？以手撫膺坐長歎，空手無金行路難。丈夫意有在，吾徒且加餐。屏風九疊雲錦張，千峰如連環。上有橫河斷海之浮雲，可望不可攀。飛空結樓臺，動影裏窅冲融間。沛然乘天遊，下看塵世悲人寰。泊舟潯陽郭，去去翔寥廓。君今幸未成老翁，衰老不復如今樂。

二

滕王高閣臨江渚，東邊日出西邊雨。十五年前此會同，天際張帷列樽俎。公今此去何時歸？我今停杯一問之。春風兩岸水楊柳，昔日青青今在否？偶向東湖更向東，杏花雨後能白紅。落拓舊遊應記得，插花走馬月明中。荏苒荏苒瞻西海，明年花開復誰在？杏花楊柳年年好，南去北來人自老。少壯幾時奈老何，與君把箸擊盤歌。

罷仰天歎，六龍忽蹉跎。眼中了了見鄉國，自是不歸歸便得；欲往城南望城北。此心炯炯君應識。

三

臨川樓上泥圍中，羅幃繡幕圍香風；舣船一棹百分空，看朱成碧顏始紅。杏花楊柳年年好，南去北來人自老！舊事無人可共論，惟君與我同懷抱。

四

忽憶舊鄉頭已白，牙齒欲落真可惜！臨江把臂難再得，江水江花豈終極？

五

百年多病獨登臺，知有歸日眉放開；功名富貴何足道，且賦淵明歸去來。

送吳顯道南歸

君不見蔡澤，栖遲世看醜，豪氣英風亦何有？忽然變軒昂，盛事傳不朽。君今幸未成老翁，二十八宿羅心胸，何不上書自薦達，封侯起第一日中。秋月春風等閑度，山中舊宅無人住，宅中青桑葉宛宛，澗水流過田中路。遙知楊柳是門處，萬里蒼蒼煙水暮，我欲尋之不憚遠，君又暫來還徑去。紅亭驛路掛城頭，憶君祇欲苦死留，天際張帷列罽組，君歌聲酸辭且苦。人生憔悴生理難，使人聽此凋朱顏，勸君更盡一杯酒，明日路長山復山。

送劉貢甫謫官衡陽

劉郎劉郎莫先起，遇酒當歌且歡喜！船頭朝轉暮千里，眼中之人吾老矣！九疑聯縣皆相似，負雪崔嵬插花裏。萬里衡陽，尋常到此迴行逢二三月，好與鴈同來。鴈來人不來，如何不飲令心哀？莫厭瀟湘少人處，謫官罽組定常開。

贈寶覺（并序）

予始與寶覺相識於京師，因與俱東，後以翰林學士召，會宿金山一昔，今復見之，聞化城閣甚壯麗，可登眺，思往遊焉，故賦是詩。

大師京國舊，興趣江湖迴，往與惠詢輩，一宿金山頂，懷哉若留戀，王事有朝請，別來能幾時，浮念劇含梗，今朝忽相見，眸子清炯炯，夜闌接軟語，令人發深省，化城出天半，遠色有諸嶺，白首對汀州，猶思理煙艇。

金山寺

招提憑高岡，四面斷行旅，勝地猶在險，浮梁裹相拄，大江當我前，颯颯翠綉舞，通流與廚會，甘美勝牛乳，扣闌出龍鬣，幽姿可時覩，夜深殿突兀，太微凝帝宇，壁立兩崖對，迢迢隔雲雨，天多賸得月，月落聞津鼓，夜風一何喧，大舶夾雙翅，顛沉在須臾，我自檝迎汝，始知像教力，但度無所苦，憶昨狼狽初，只見石與土，榮華一朝盡，七堦空俯僂，人事隨轉燭，蒼茫竟誰主，咄嗟檀施開，繡楹盤萬礎，高閣切星辰，新秋照牛女，湯休起我病，轉上青天去，攝身凌蒼霞，回凭朱欄語，我歌爾其聆，幽憤得一吐，誰言張處士，雄筆映千古。

化城閣

曾宮憑風回，兩岸聞鐘聲，百里見秋毫，（一作「鑿翠開戶牖」）構雲有高營，化城若化出，仰攀日月行，俛視大江奔，衆山遙相迎，（一作「茫茫與天平」）大江蟠歟根，旋流（一作「回波」）自成浪，却略羅翠屏，秀色各異狀，楞伽海中迴，（一作「杳」）出霄漢上，中有不死庭，天龍盡同向，惜哉不得往，側坐渺難望，擁掩難怨宥，（一作「登茲巒百憂」）意欲鏡疊嶂，登臨獨無語，一望一悵悵，（一本無此二句）忽憶少年時，孤嶼坐題詩，空懷焉能果，唯有故人知。

明妃曲

我本漢家子，早入深宮裏，遠嫁單于國，憔悴無復理，穹廬爲室旃，爲牆胡塵暗，天道路長，去住彼此無消息，

明明漢月空相識！死生難有却回身，不忍回看舊寫真；玉顏不是黃金少，愛把丹青錯畫人。朝爲漢宮妃，暮作胡地妾。（一作「今日漢宮妃，明朝胡地妾。」）獨留青塚向黃昏，顏色如花命如葉。

懷元度四首

秋水纔深四五尺，扁舟斗轉疾於飛；可憐物色阻攜手，正是歸時君不歸！

二

舍南舍北皆春水，恰似蒲萄初醖醅；不見祕書心若失，百年多病獨登臺。

三

思君攜手安能得，上盡重城更上樓；時獨看雲淚橫臆，長安不見使人愁。

四

自君之出矣，何其挂懷抱？孤坐屢窮辰，山林跡如掃；數枝石榴發，豈無一時好？不可持寄君，思君令人老。

招元度

早知皆（一作「身」）是自拘囚，年少因何（一作「何因」）有旅愁；自是不歸歸便得，陸乘肩輿（一作「籃輿」）水乘舟。

示黃吉甫

三山半落青天外，勢比凌波宋武臺；麀世難逢開口笑，生前相遇且銜杯。

送張明甫

舵船一棹百分空，十五年前此會同；南去北來人自老，桃花依舊笑春風。

贈張軒民贊善

潮打空城寂寞迴，百年多病獨登臺；誰人得似張公子，有底忙時不肯來？

荏之將行

江涵秋景雁初飛，沙尾長檣發漸稀；惆悵無因見范蠡，夕陽長送釣船歸。

招葉致遠

山桃野杏兩三栽，嫩葉（一作「藥」）商量細細開；最是一年春好處，明朝有意抱琴來。

獨行

朱顏日夜（一作「漸」）不如故，深感杏花相映紅；盡日獨行春色裏，醉吟誰肯伴衰翁？

江口

六朝文物草連空，今古無端入望中；江上晚來堪畫處，參差煙樹五湖東。

戲贈湛澗

恰有三百青銅錢，憑君爲築小行年；坐中亦有江南客，自斷此生休問天！

與北山道人

可惜昂藏一丈夫，生來不讀半行書；子雲識字終投閣，幸是元無免破除。

梅花

白玉堂前一樹梅，爲誰零落爲誰開；唯有春風最相惜，一年一度一歸來。

卽事五首

漸老逢春能幾回，蓬門今始爲君開；莫嫌野外無供給，更向花前把一杯。

一樹籠鬢玉刻成，遊蜂多思正經營；攀枝弄雪時回顧，還繞櫻桃樹下行。

三

幽棲地僻經過少，鍾梵聲中掩竹門；唯有多情枝上雪，暗香浮動月黃昏。

四

遮莫鄰雞下五更，願爲閑客此閑行；欲知前面花多少，顛倒青苔落絳英。

五

春光冉冉歸何處？細雨斜風作夜寒；猶有數葩紅好處，老年花似霧中看。

春風

春風吹圍雜花開，青天露坐始此迴；一杯一杯復一杯，笑言溢口何歡哈？古人白骨生青苔，我獨不飲何爲哉？何時出得禁酒國，壘麪便築糟丘臺。

春雪

春雪墮如筴，渾家醉不知；泥留虎鬪跡，愁殺路傍兒。

花下

花下一壺酒，定將誰舉杯；雪英飛落近，疑是故人來。

春山

春山春水流，曲折方屢渡；荒乘不知疲，行到水窮處；依然舊童子，要子竹西去；歸時始覺遠，草蔓已多露。

金陵懷古

六代豪華空處所，金陵王氣漠然收；煙濃草遠望不盡，物換星移度幾秋；至竟江山誰是主，卻因歌舞破除

休！我來不見當時事，上盡重城更上樓。

沈坦之將歸溧陽值雨留吾廬久之二首

天雨蕭蕭滯茅屋，冷猿秋雁不勝悲；牀牀屋漏無乾處，獨立蒼茫自詠詩。

二

簷雨亂淋慢，風悲蘭杜秋；相看更促膝，人老自多愁！

三

片雲頭上黑，浙浙野風秋；室婦歎鳴鶴，分爲兩地愁。

示蔡大啓二首

蔡子勇成癖，能騎生馬駒；銛鋒鑿鸞鷲，價重百碑礫。脫身事幽討，禪龕只晏如；劃然變軒昂，慎勿學哥舒！

二

蔡子勇成癖，劍可萬人敵；讀書百紙過，穎銳物不隔。開口取將相，志氣方自得；偏仄何偏仄，未見有一獲。蕭條兩翅蓬蒿下，未能生彼升天翼；焉能學堂上燕，綉練新羽翮。

三

身着青衫騎惡馬，日馳三百尙嫌遲；心源落落堪爲將，卻是君王未備知。

烝然來思（井序）

烝然來思，送程公也。公來以薨廩饋我，我飲餞之，宿西水滸，故作是詩。

念我獨今，亦莫我顧。烝然來思，程伯休父。我有旨酒，爾般伊臚。酌言醻之，式歌且舞。不留不處，適彼樂土；言秣其馬，率西水滸。有客宿宿，于時語語。山有橋松，江有渚式。遊其歸，不我與作。此好歌，倡予和女。

示揚德逢

我行其野，春日遲遲；有苑者柳，在水之湄。有鳴倉庚，豈曰不時？求其友聲，頡之頑之；嗟我懷人，何日忘之？六日不詹，万何爲期？期逝不至，我必西悲！跂子望之，其室則遷；一者之來，我心則喜。我之懷矣，升彼虛矣；愛而不見，云何吁矣！

示道光及安大師

春日載陽，陟彼高岡。樂彼之園，維水泱泱。維筍及蒲，旣生旣育。濟飛維鳥，集于壙木。嚶其鳴矣，亂我心曲。有懷二人，在彼空谷。旣往旣來，獨寤寤宿。陟則在巖，或降于阿。瞻望弗及，傷如之何！

老人行

老人低心逐年少，年少還爲老人調。兩家扶許自相欺，四海傷真誰復誚。翻手作雲覆手雨，當面論心背面笑；古來人事已如此，今日何須論久要？

離昇州作

相看不忍發，慘澹暮潮平。語罷更攜手，月明洲渚生。

倉頡

倉頡造書，不詒自明；於乎多言，祇誤後生。

卷三十七 集句 歌曲

(集句)

胡茄十八拍十八首

王安石詩集 卷三十七

中郎有女能傳業，顏色如花命如葉。命如葉薄將奈何？一生抱恨常咨嗟。良人持戟明光裏，所慕靈妃媿簫史。空房寂寞施繡帷，棄我不待白頭時。

二

天不仁兮降亂離，嗟余去此其從誰？自胡之反持干戈，翠蕤雲旛相蕩摩。流星白羽腰間插，疊鼓遙翻瀚海波。一門骨肉散百草，安得無淚如黃河？

三

身執略兮入西關，關山阻脩今行路難。水頭宿兮草頭坐，在野只教心膽破。更鞞彫鞍教走馬，玉骨瘦來無一把。幾迴拋鞚抱鞍橋，往往驚墮馬鬣下。

四

漢家公主出和親，御廚絡繹送入珍。明妃初嫁與胡時，一生衣服盡隨身。眼長看地不稱意，同是天涯淪落人。今我一食日還併，短衣數挽不掩脛。乃知貧賤別更苦，安得康強保天性。

五

十三學得琵琶成，繡幕重重卷畫屏。一見耶來雙眼明，勸我酤酒花前傾。齊言此夕樂未央，豈知此聲能斷腸。如今正南看北斗，言語傳情不如手。低眉信手續續彈，彈看飛鴻勸胡酒。

六

青天漫漫覆長路，一紙短書無寄處。月下長吟久不歸，當時還見鴈南飛。彎弓射飛無遠近，青塚路邊南鴈盡。兩處音塵從此絕，唯向東西望明月。

七

明明漢月空相識，道路只今多擁隔；去住彼此無消息，時獨看雲淚橫臆。豺狼喜怒難姑息，自倚紅顏能騎射，千言萬語無人會，漫倚文章真末策。

八

死生難有却回身，不忍重看舊寫真；暮去朝來顏色改，四時天氣總愁人。東風漫漫吹桃李，盡日獨行春色裏。自經喪亂少睡眠，驚飛燕語長悄然。

九

柳絮已將春去遠，攀條弄芳畏日晚；憂患衆兮歡樂鮮，一去可憐終不返。日夕思歸不得歸，山川滿目淚沾衣；華圭苑裏西風起，歎息人間萬事非。

十

寒聲一夜傳刁斗，雲雪埋山蒼兕吼；詩成吟詠轉淒涼，不如獨坐空搔首。漫漫胡天叫不聞，胡人高鼻動成羣。寒盡春生洛陽殿，回首何時復來見。

十一

晚來幽獨恐傷神，唯見沙蓬水柳春；破除萬事無過酒，虜酒千盃不醉人。含情欲說更無語，一生長恨奈何許。饑對酪肉今不能餐，強來前帳臨歌舞。

十二

歸來展轉到五更，起看北斗天未明；秦人（一作「家」）築城備胡處，擾擾唯有牛羊聲。萬里飛蓬映天過，風吹漢地衣裳破，欲往城南望城北，三步回頭五步坐。

十三

自斷此生休問天，生得胡兒擬棄捐；一始扶牀一初坐，抱攜撫視皆可憐。甯（一作「誰」）知遠使問名姓，引袖拭淚悲且慶。悲莫悲于（一作「令」）生別離，悲在君家留二（一作「兩」）兒。

十四

鞠之育之不羞恥，恩情亦各言其子；天寒日暮山谷裏，腸斷非關隴頭水。兒呼母兮嗟失聲，依然離別難爲情；灑血仰頭兮訴蒼蒼，知我如此兮不如無生！

十五

當時悔來歸又恨，洛陽宮殿焚燒盡；紛紛黎庶逐黃巾，心折此時無一寸！慟哭秋原何處村，千家今有百家存；爭持酒食來相饋，舊事無人可共論？

十六

此身飲罷無歸處，心懷百憂復千慮；天翻地覆誰得知？魏公垂淚嫁文姬。天涯憔悴身，託命於新人；念我出腹子，使我歎恨勞精神。新人新人聽我語，我所思兮在何所？母子分離兮意難任，死生不相知兮何處尋？

十七

燕山雪花大如席，與兒洗面作光澤；恍然天地半夜白，閨中祇是空相憶！點注桃花舒小紅，與兒洗面作華容；欲問平安無使來，桃花依舊笑春風。

十八

春風似舊花仍笑，人生豈得長年少？我與兒兮各一方，憔悴看成兩鬢霜。如今豈無腰裏與驂騑，安得送我置汝傍？胡塵暗天道路長，遂令再往之計墮眇芒！胡笳本出自胡中，此曲哀怨何時終。茄一會兮琴一拍，此心炯炯君應識。

虞美人

虞美人態濃意遠淑且真。同聲隨君侍君側，六宮粉黛無顏色。楚歌四面起，形勢返蒼黃。夜聞馬嘶曉無迹，蛾眉蕭颯如秋霜。漢家辭宮三十六，緩歌慢舞凝絲竹。人間舉眼盡悲傷，在陰崖結茅屋。美人為黃土，草木皆含愁。紅房紫蓋處處有，聽曲低昂如有求。青天漫漫覆長路，令人卑田計人慕。虞兮虞兮奈若何？不見玉顏空死處。

甘露歌

折得一枝香在手，人間應未有。疑是經春雪未消，今日是何朝。盡日含毫難比興，都無色可並。萬里晴天何處來？真是屑瓊瑰。天寒日暮山谷裏，的皪愁成水。地上漸多枝上稀，唯有故人知。

桂枝香

登臨送目，正故國晚秋，天氣初肅。千里澄江似練，翠峰如簇。歸帆去棹殘陽裏，背西風、酒旗斜矗。綠舟雲淡，星河鷺起，畫圖難足。念往昔、繁華競逐，歎門外樓頭，悲恨相續。千古憑高，對此謾嗟榮辱。六朝舊事隨流水，但寒煙、芳草凝綠。至今商女，時時猶歌後庭遺曲。

菩薩蠻

數家茅屋閑臨水，單衫短帽垂楊裏。今日是何朝？看子度石橋。精精新月偃，午醉醒來晚。何物最關情？黃鸝一兩聲。

漁家傲二首

燈火已收正月半，山南山北花撩亂。聞說浔亭新水漫，騎款段，穿雲入鳥尋遊伴。却拂僧牀寒素幔，千巖

萬壑春風暖，一弄松聲悲急筦，吹夢斷，西看牕日猶嫌短。

二

平岸小橋千嶂抱，柔藍一水縈花草；茅屋數間窈窕，塵不到，時時自有春風掃。午枕覺來聞語鳥，欲眠似聽朝雞早；忽憶故人今總老！貪夢好，茫然忘却邯鄲道。

清平樂

雲垂平野，掩映竹籬茅舍；闌寂幽居，寶瀟灑，是處綠嬌紅冶。丈夫運用堂堂，且莫五角六張；若有一卮芳酒，逍遙自在無妨。

浣溪沙

百畝中庭半是苔，門前白道水縈迴；愛閑能有幾人來。小院回廊春寂寂，山桃溪杏雨三栽；爲誰零落爲誰開？

浪淘沙令

伊呂兩衰翁，歷邁窮通，一爲釣叟一耕傭；若使當時身不遇，老了英雄。湯武偶相逢，風虎雲龍，興王祇在笑談中；直至如今千載後，誰與爭功？

南鄉子二首

嗟見世間人，但有纖毫卽是塵；不住舊時無相兒，沉淪，祇爲從來認識神。作麼有疎親？我自降魔轉法輪。不是攝心除妄想，求真，幻化空身卽法身。

二

自古帝王州，鬱鬱葱葱佳氣浮；四百年來成一夢，堪愁！晉代衣冠成古丘。繞水恣行遊，上盡層城更上樓。

往事悠悠君莫問！回頭檻外長江空自流。

訴衷情五首（和俞秀老鶴詠）

常時黃色見眉間，松桂我同攀。每言天上辛苦，不肯餌金丹。宛似商山。

憐人靜，愛雲閑，便忘還。高歌一曲，巖谷迢遞，

二

練巾藜杖白雲間，有興即躋攀。迫思往昔如夢，華嚴也會丹。祇箇山山。

塵自擾，性長閑，更無還。達如周召，窮似丘軻，

三

芒然不肯住林間，有處即追攀。將他死語圖度，怎得離真丹。羸取瀉山。

漿水價，匹如閑，也須還。何如直截，踢倒軍持，

四

管巢燕子逞翱翔，微志在雕梁。碧雲舉翮千里，其奈有鸞皇。掃地焚香。

臨濟處，德山行，果承當。自時降在，一切天魔，

五

莫言善化祇顛狂，真解作津梁。驀然打箇筋斗，直跳過羲皇。也是尋常。

臨濟處，德山行，果承當。將他建立，認作心誠，

望江南歸依二寶讚

歸依衆梵行四威儀，願我遍遊諸佛土。十方賢聖不相離，永滅世間癡。

歸依法，法法不思議；願我六根常寂靜，心如寶月映琉璃，了法更無疑。
歸依佛，彈指超三祇，願我速登無上覺，還如佛坐道場時，能智又能悲。
三界裏，有取總災危，普願衆生同我願，能於空有善思惟，三寶共住持。

卷三十八 四言詩 樂章 上梁文 古賦 銘 讚

(四言詩)

潭州新學詩(井序)

治平元年，天章閣待制興國吳公治潭州之明年，正月改築廟學于城東南，越五月告成，孔子用幣，潭人曰：「公爲善政以德，我又不勤我而爲此學，以嘉我士，子誰能詩乎？」以誦我公於無窮。皆辭不敢，乃使來請詩曰：

有嘉新學，潭守所作，守者誰歟？仲庶氏吳，振養矜寡，衣之寒襦，黔首鼓歌，吏靜不求，乃相廟序，生師所廬，上偏旁穿，燥濕不除，曰：「嘻，遷哉！迫阨卑汚，當其壞時，適可以諱。」營地慮工，伐楨楠櫛，撤故就新，爲此渠梁。潭人來止，相語而喜，我知視成，無豫經始。公升在堂，從者如水，公曰：「誨汝，潭之士于古之讀書，凡以爲己，躬行孝悌，由義而仕，神聽汝助，況於閭里無實而莠，非聖自是，雖大得意，吾猶汝恥。」士下其手，公言無尤，謂詩我歌，以遠公休。

新田詩(井序)

唐治四縣，田之入於草莽者十九，民如寄客，雖簡其賦，緩其徭，而不可以必留。尚書比部郎中趙君尙寬之來，問敝於民，而知其故，乃委推官張君恂，以兵士興大渠之廢者一，大陂之廢者四，諸小渠陂，教民自

爲者數十。一年流民作而相告以歸；二年而淮之南，湖之北，操囊糶以率其妻子者，其來如雨；三年而唐之土不可賤取。昔之菽粟者多化而爲稔，環唐皆水矣。唐獨得歲焉，船漕車輓，負擔出于四境，一日之間，不可爲數。唐之私廩固有餘，循吏之無稱於世久矣！予聞趙君如此，故爲作詩。詩曰：

離離新田，其下流水，孰知其？灌莽千里，其南背江，其北逾淮。父抱子，扶，十百其來。其來僕僕，饑我新屋；趙侯，劬之，作者不飢，歲仍大熟，飽及雞鶩，僦船與車，四鄙出穀。今游者處，昔止者流，維昔牧我，不如今侯。侯來適野，不有觀者，稅于水濱，問我鰥寡，侯其歸矣！三歲于茲，誰能止侯？我往求之。

獵較詩（并序）

獵較，刺時也。昔孔子仕於魯，魯人獵較，孔子亦獵較。或問乎孟軻曰：「孔子之仕，非事道歟？」曰：「事道也。」「事道奚獵較也？」曰：「孔子先簿正祭器，不以四方之食供簿正，不獵較，則若無以祭然。」蓋孔子所以小同於俗，猶有義也。義固在於可爲之域，而後之人習於隨者，一不權義，以之可否，汗身貶道，豫然以和衆自得，甚者傷人倫，敗風俗。至於無號，則諉曰：「孔子亦嘗獵較矣。」悲夫！作是詩以刺焉。

獵較，獵較，誰禽我有？國人之慄，君子所醜。獵較，獵較，祭占其祥，國人之序，君子何傷？

雲之祁祁答董傳

雲之祁祁，或雨于淵，苗之翹翹，或槁于田。雲之祁祁，或雨于野，有槁于田，豈不自我？嘗今其隳，其在西郊，匪我爲之。我歌且謠，蔚兮共復，南山之側，我歌且謠，維以育德。

（樂章）

明堂樂章二首

散安之曲

穆穆在堂，肅肅在庭；於顯辟公，來相思成。神既歆止，有聞惟馨；錫我休嘉，燕及羣生。

皇帝還大次憩安之曲

有奕明堂，萬方時會。宗子聖考，作帝之配。樂酌虞典，禮從周制。釐事既成，於皇來暨。

(上梁文)

景靈官修蓋英宗皇帝神御殿上梁文

兒郎偉，天都左界，帝室中經，誕惟僊聖之祠，夙有神靈之宅；嗣開宏構，追奉睟容，方將廣舜孝於無窮，豈特尚漢儀之有舊。先皇帝道該五泰，德貫二儀，文摛雲漢之章，武布風霆之號，華夏歸仁而砥屬，蠻夷馳義以駭奔。清蹕甫傳，靈輿忽往，超然姑射，山無一物之疵，邈矣壽丘，臺有萬人之畏；已葬鼎湖之弓劍，將游高廟之衣冠。今皇帝孝奉神明，恩涵動植，慕禹之服，期成萬世之功；見堯於幾，未改三年之政。乃眷薰修之吉壤，載營館御之新宮，考協前彝，述追先志。孝嚴列峙，寢門可象於平居，廣拓旁開，輦路故存於陳迹；官師肅給，斤築隆施，揆吉日以庀徒，舉修梁而考室。敢申善頌，以相歡謠。

兒郎偉，拋梁東，聖主迎陽坐禁中，明似九天昇曉日，恩如萬國轉春風。

兒郎偉，拋梁西，瀟海兵銷太白低，王母玉環方自獻，大宛金馬不須齋。

兒郎偉，拋梁南，丙地星高每歲占，千障滅烽開嶺徼，萬艘輸糴引江潭。

兒郎偉，拋梁北，邊城自此無鳴鑼，卽看呼韓渭上朝，休誇竇憲燕然勒。

兒郎偉，拋梁上，彷彿神遊今可想，風馬雲車世世來，金輿玉辮年年享。

兒郎偉，拋梁下，萬靈隕祉扶宗社，天垂嘉種已豐年，地產珍符方極化。

伏願上梁之後，聖躬樂豫，寶命靈長，松茂獻兩宮之壽，椒繁占六寢之祥；宗室蕃維之彥，朝廷表幹之良。

家傳慶譽代襲龍光，肩一心而顯相，保饋祀之無疆。皇帝萬歲！

(古賦)

龍賦

龍之爲物，能合能散，能潛能見，能弱能強，能微能章。惟不可見，所以莫知其鄉；惟不可畜，所以異於牛羊。變而不可測，動而不可馴，則常出乎害人而未始出乎害人。夫此所以爲仁。爲仁無止，則常至乎喪已而未始至乎喪已。夫此所以爲智。止則身安，曰「惟知幾」；動則物利，曰「惟知時」。然則龍終不可見乎？曰「與爲類者常見之」。

歷山賦 (井序)

餘杭縣人有與季父爭田于縣，于州于轉運使，不直；提點刑獄令余來直之。將歸，閔然望歷山而賦之。歷山在縣西上虞縣界中，或曰「舜所耕」云。

歷山之峨峨兮，予汝耕之，孰汝彊之。此匪子私云然兮，誰汝使子。人之子兮，余師。歷山之峨峨兮，則維其常人之子兮，云曷而亡？云曷而亡兮，我之思，今孰繼兮，我之悲。嗚呼已矣兮，來者爲誰？

思歸賦

寒吾南兮安之，莽吾兮親之思。朝吾舟兮水波，暮吾馬兮山阿。亡濟兮維夷，夫孰驅兮亡嬖。風脩脩兮來去，日翳翳兮溟濛之雨。萬物紛抄蕭索兮，歲逶迤其今暮。吾感不知夫塗兮，徘徊徬徨以反顧。蓋歸兮蓋去兮，獨何爲乎此旅？

釋謀賦

雲冥冥兮蔽日，風浩浩兮吹沙。出子馳兮不得，塊獨處兮咨嗟。嗟天地兮無窮，暑與寒兮相客。以短褐兮憂

親，孰知予今孔棘！維抱關兮擊柝，乃予仕今所宜；祿可辭兮尙冒，養孰割兮方虧？豈吾事今固拙？甯我辰兮獨悖？信物默兮有制，尙可侔兮內外。

(銘)

荊山鍾銘

於皇正覺，訓用音聞。肆作大鍾，以警沉昏。

明州新刻漏銘

戊子王公始洽于明，丁亥孟冬，刻漏具成。追謂屬人，嗟汝子銘：「自古在昔，聖帝有職；匪器則弊，人亡政息。其政謂何？弗棘弗遲；君子小人，興息維時。東方未明，自公召之；彼甯不勤，得罪于時。厥荒懈廢，乃政之疵。嗚呼有州，謹哉維茲！茲惟其中，俾我後思。」

伍子胥廟銘

子觀子胥，出死亡鋪實之中，以寄寄之一身。卒以說吳，折不測之楚，仇執恥雲，名震天下，豈不壯哉？及其危疑之際，能自慷慨，不顧萬死，畢諫於所事，此其志與夫自恕以偷一時之利者異也。孔子論古之士大夫，若管夷吾、臧武仲之屬，苟志於善而有補於當世者，咸不廢也。然則子胥之義，又曷可少耶？康定二年，予過所謂胥山者，周行廟庭，嘆吳亡千有餘年，事之興壞廢革者，不可勝數！獨子胥之祠，不徙不絕，何其盛也？豈獨神之事吳之所興，蓋亦子胥之節有以動後世，而愛尤在於吳也。後九年，樂安蔣公爲杭使，其州人力而新之，余與爲銘也。

烈烈子胥，發節窮逋，遂爲冊臣，奮不圖軀。諫合謀行，隆隆之吳；厥廢不遂，邑都俄墟。以智死昏，忠則有餘；胥山之顏，殿屋渠渠。千載之祠，如祠之初；孰作新之，民勸而趨。維忠肆懷，維孝肆孚；我銘祠庭，示後不誣。

璨公信心銘

洒彼有流，載浮載沈；為可以濟，一壺千金。法譬則水，窮之彌深；璨公所傳，等觀初心。

(讚)

慧山覺海元公真讚

賢哉人也，行厲而容寂，知言而能默。譽榮弗喜，辱毀弗戚；弗矜弗克，人自稱德。有緇有白，自南自北；弗句弗逆，弗抗弗抑。弗觀汝華，惟食已寶，孰共嗣之？我有遺則。

梵天畫讚

梵天尚實，厥乘孔雀；雞知時語，鈴戒沈濁。疇身黃衣，於淨無著；乃持赤幡，歸趣正覺。

維摩像讚

是身是像，無有二相三世諸佛，亦如是像。若取真實，還成虛妄；應持香花，如是供養。

空覺義示周彥真

覺不徧空而迷，故曰覺迷；空不徧覺而頑，故曰空頑。空本無頑，以色故頑；覺本無迷，以見故迷。

附

拾遺 (羅振玉輯自東瀛文集卷末有序)

西去

馬頭西去百沾襟，一葉親庭更苦心；已覺省煩非仲叔，安能養志似曾參。憂傷遇事紛紛出，疾病乘虛疊疊侵；手把詩篇臥空室，欲歌商頌不成音。

寄他州夏太初

銷歸榮早晚重攜手，莫負幽人久見招！
一水衣巾翦翠綃，九華環佩刻青瑤；生才故有山川氣，卜築兼無市井聲。三葉素風門閥在，十年塵跡履綦

蓬萊詩

西風不入小窗紗，秋氣應憐我憶家；極目江南千里恨，依前和淚看黃花。

夏蚊扇

白馬津頭驛路邊，陰森喬木帶漪漣；斜陽一馬愔愔過，夢寐如今十五年。

王安石詩集跋

詩者，情動乎中，不能自己而寓諸辭者也。故曰詩言志。孔子曰：「小子何莫學夫詩？詩可以興，可以觀，可以羣，可以怨。」蓋是四者爲詩之用，而莫非志之所存；不然，固不足以言詩也。

風雅道衰，遞變而爲騷，猶未離於正；自漢以降，代有作者，而以唐爲盛；有唐一代，又以杜子美爲冠絕，昔人論之已詳；要其指歸，亦惟具於是四者而已。

宋代不乏以詩名家者，如歐陽修，蘇子美，梅聖俞，蘇東坡，黃山谷，范石湖，陸劍南諸公，咸桀出一時，足以嗣響唐賢而無媿；而王臨川以政治文章顯，其詩文則略與韓昌黎近。

臨川文旣以峭拔深奧稱，卓然自成一家；詩亦與衆頗異。要之淵源風雅，洗削浮華，可謂無邪者也。其謫居金陵以後作，率多憂國之辭；雖自咎爲少，而悃款流露，則又

略與杜少陵近。

顧此特緒餘而已，其精神面目固別有在；然讀其詩，可想見其所志，願讀者尋味探討也可。

其外拾遺者，近人上虞羅振玉氏，自日人島田翰古文舊書考中錄得宋槧本所載之佚詩也。今更蒐入，增益於後，是亦珍如吉光片羽矣。

中華民國二十四年七月沈卓然跋。

